

श्रीराजा

डोगरी



जे.एंड के. अकैडमी ऑफ आर्ट.

कलकत्ता इंडस लैंग्वेजिज जम्हू

५० शुद्ध राग गान्धार

४३४ शुद्ध गान्धार

५
२१ २१ २१ ०१

२१ २१
२१

दमासक

शशिणी

डोगरी

दिसम्बर '90 जनवरी '91

कुल्ल अंक संख्या

112

व'रा : 27

अंक : 5

प्रमुख संपादक

मुहम्मद यूसुफ टैग

संपादक

शिवराम 'बीप'

जम्मू-कश्मीर

अकैडमी आफ आर्ट, कल्चर एंड लैंग्वेजिज

CC-0. Late Pt. Manmohan Shastri Collection Jammu. Digitized by eGangotri

जम्मू

इस अक च

□ लेख

◦ गजल सिरजन ते में	: 1 :	ओ० पी० शर्मा 'सारथी'
◦ रागनगर—इक इतहासक नगर	: 17 :	ओम शर्मा जन्दरेआड़ी
◦ डुंगर दियां शिलावैतियां	: 22 :	पवित्र सलाथिया
◦ डुंगर दा जनाना लाबा ते बंदे	: 34 :	शक्ति शर्मा
◦ डोगरी लोक-कथें च चमत्कार	: 42 :	शिवदेव मन्हास
◦ डुंगर दे तारें आले वाद्य यंत्र	: 57 :	ब्रह्म स्वरूप सच्चर
◦ उत्तर-बैहूनी ते वैदिक सभ्यता	: 62 :	मुकुंदराम नागर

□ कहानियां

◦ अज्ञातवासी	: 10 :	बंधु शर्मा
◦ उपली बंडा दा चिऊंतर	: 28 :	ओम विद्यार्थी
◦ बाहू	: 52 :	शाम तालिव

□ कवितां

◦ मेरे कने तू बोल	: 68 :	डॉ० गौतम 'व्यथित'
◦ ज्हीरां	: 70 :	मोहन सिंह
◦ पुतलियें दी खेड	: 71 :	चंदूलाल योगी
◦ निर्मल पाणी	: 72 :	हरिकृष्ण मुरारी
◦ सच्च	: 73 :	संसार चंद 'प्रभाकर'
◦ गुमशुदा	: 74 :	श्याम लाल रैणा
◦ लोक	: 75 :	आनंद किशोर 'आनंद'
◦ डोगरा	: 77 :	गोपाल शर्मा फिरोजपुरी
◦ रत्तू बट्टे मिलै तां.....	: 16 :	वीरेन्द्र केसर

□ गजलां

◦ दुख-सुख कुस कन्नै	: 64 :	सागर पालमपुरी
◦ अंदर मेरै बी अज्ज.....	: 65 :	अश्विनी मंगोत्रा
◦ दिन चढ़े, आइयां दर्पहूरी.....	: 66 :	विजय वर्मा
◦ दुखै आली काली रात	: 67 :	पूर्णसिंह पूर्ण

□ गीत

◦ तेरी चाल दिक्खी गोरी	: 78 :	हेमराज खजूरिया
------------------------	--------	----------------

गज़ल सिरजन ते में

□ ओ० पी० शर्मा 'सारथी'

मेरी गज़ल कुसै बी चाल्नी, गज़ल दे नां कन्नें मनसूब नेई कीती जाई सकदी । Content ते Form नां ते रवायती न, नां गै कुसै 'बाद' कन्नें, कुसै तैहरीक कन्नें जोड़े जाई सकदे न । मेरे ताई नगर ते नज़म दीनों दा म्हत्व, असर ते Craft लग-भग बराबर ऐ । में गज़ल दी परम्परा कन्नें जुड़े दा नेई, नां गै कोई परम्परा टोरती ऐ । किश तबले दे ताल दा जान, बिन्द-मासा अरुज दी समझ ते बे-तहाशा दुख पर दुख, मुसीबत-दर-मुसीबत ते तैह-दर-तैह, दुखान्त अपने उप्पर ते चबक्खी खिल्लरे दे होने करिये इक निरन्तर मंथन, अक्खी च ते दमाकै च निरन्तर चुटम ते पच्छ दी स्थिति करिये अभिव्यक्ति केई बारी बिस्तार च हुन्दी ऐ तां बहानी, भाटक, उपन्यास, लिखी लेन्ना, सार दी स्थिति च कविता जां गज़ल ।

जिन्दगी जिन्नी-जिन्नी बे-कदरी ते ना-आशनाई दे कैहर हिठ दबोई ऐ उन्ना गै उसने लड़ना बी सिक्खेआ ऐ । पर साहित्य लड़ाई ऐ कला दे रस्तै, सौन्दर्य ते रस दे रस्तै । वेदना ते सम्बेदना दे रस्तै । रंग दी बी कोई मती लोड़ नेई । लहु मते रंग दस्तै करदा ऐ ।

होर पही, हादसे दा इन्ना तेज क्रम सिरै परा लंघा करदा ऐ जे क्रिया-प्रतिक्रिया च तमीज गै बिस्सरी जा करदी ऐ । हस्सियै गड़ाके मारदे होई झूठ दी हर थां जित ते, रीला पाई-पाइयै जीवन दे मुल्ले दी सस्ती नीलामी, मंगे दे तमगे, दुहार लेदा प्रेम । गुआची दिये तन्दे कन्नें जिन्दगी गी खट्टने आली चादर नेई बुनोन्दी । इयै सारी अभिव्यक्ति ऐ मेरी । इक खजाना डोगरी भाषा दा कोल ऐ । किश शब्द जेहूँ गज़ल च मते लोकप्रिय ते मते जहुरी न ओ उर्दू चा लेदे न । हासा, दर्द-पीड़ ते इशक जिनै प्रतीकें इलामतें, चिन्नें द्वारा प्रकट होई सकदे न, ते मेरे जिसम गी खाल्ली करी सकदे न, Unload करी सकदे न, इयै मेरी गज़ल दा शिल्प ऐ । Craft ऐ ।

नगर दी गैहू-मा-गैहू-मी, ते अपने शा गै दूरी । प्यार दी बाहर तलाश, ते पही उनै शब्दे, अर्थ, भावें ते मर्म दा दीवालियापन, ए भाव-पक्ख नेई ऐ, Craft दे चौखटे च गै फिट

ऐ। की जे अनुभूति तां सूक्ष्म हुन्दी ऐ। अति सूक्ष्म। उसदा ब्यान करना उसगी स्थूल करना ऐ। उसदा Matter करना ऐ। इस बेलै मेरे विचार च गजल लिखने ताई भाषा दी अलंकारें, प्रतीकें ते भाव ते शब्द-चित्तरें दे थाहूँ पर, जिनें अपने गी में बगान्ने-ओपरे करी दित्ता दा ऐ, उन्दे कन्ने पन्छान जहूरी ऐ। गजल दी गल्ल ते जन्म वाद च। खयाल जैहून दी कैफीयत न ते नगमा फितरत दी। जां फही फितरत पर हावी कल्पना ते भाव। मनुखल दी हर हालत जियां गीत, नगमा, जां हुसन ते बसीरत दी नेई ऐ। बिल्कुल इयां गै शायरी बिच्च, गजल दी सूरत ते गजल दा सारा इलाका, आदमी दे अन्दर खास गुणें, खास खूबियें ते, खास आलम ते वजद दी मंग करदा ऐ। उंआं ते व्यक्ति दा अर्थ गै लग-भग अभिव्यक्ति, इजहार ते आखने दी क्षमता कन्ने गै तल्लक रखदा ऐ। कन्ने गै शायरी ऐसा शोअदा ते पक्ख ऐ जिसदे अन्दर आदमी दियें अन्तर्मुखी क्रियाएँ, भावें दियें सूक्ष्म तन्दें ते गुणें कर्म दा विशेष देखल ऐ। ए देखल की जे रस, ते रसानुभूति दे द्वारा ऐ, इस लेई रसदे मूल आधार सौन्दर्य बारै मता सुचेत होना, उसदा ज्ञान, ते सौंदर्य दृष्टि, इनें सारें तत्वों दी निरन्तर निहालप ते पकड़, खास करियै, गजल जनेही सूक्ष्म सिनफ दे बारै मते जहूरी न। में सोचना।

शायरी दी सिनफें पक्खें अन्दर, दोहा, सोरठ, चोपाई, रुवाई, कताअ, मसनवी, कसीदा मता किश समन्वित ऐ। पर गजल बिच्च सौन्दर्य दा स्थापन मता अवश्यक ऐ। की जे गजल इक ऐसी विधा ऐ, जिसदे द्वारा, बोध प्रश्न ते स्पष्टीकरण त्रीने दा गुज्ज, संगम सम्भव ऐ। इयै कारण ऐ जे शायरी दियें होर दिधाएँ-सिनफें दे मकाबले च गजलगोई दा अनुपात मता घट्ट ऐ। गजल दे शायर हर अंचल उंगलियें पर गिने जाई सकदे न।

हूई ते मती अवश्यक गल्ल ऐ जे कविता दे मकाबले च गजल दा मिजाज, मता लयात्मक ते मता संगीतात्मक ऐ। में इस सीमा तगर कायल आं जे गजल गै मीसीकी ऐ, संगीत ऐ। ते संगीत गै गजल ऐ। गजल दी रहू दी इक तस्वीर लय ते बंदिश ऐ इस लेई गाने ताई बी गजल इक खूबसूरत फार्म ऐ। ए आखना मता बाजब ऐ जे गजल दा लय ते संगीत दी विशेष बुनतर बिच्च, Structure बिच्च कैद होना जहूरी ऐ। जीक ने शायद इसै गल्ले दी शक्ति बधाने ताई आखे दा ऐ:—

मिरे आशियां के तो थे चार तिनके, चमन उड़ गए आधियां आते आते,
नहीं खेल ऐ जीक यारों से कहदो, कि आती है उड़ूँ जुवां आते आते।

ए शेहूर-‘फऊलुन’ दी बँहूर बिच्च ऐ। फऊलुन त्रै रकुती ऐ। लघु फ, ऊ गुरु, लुन, गुरु:—

मिरेआ	श	यां	के	त	थे	चा	र	तिनके
1 5 5	1	5	5	1	5	5	1	5 5
च	मन	उड़	ग	ए	आं	ध	यां	आ त आ ते
1	5	5	1	5	5	1	5	5
छ	मा	छम	छ	मा	छम	छ	मा	छम छ मा छम
फ	ऊ	लुन	×	4				
1	5	5	×	4	= बँहूर मतकारब सालम			

CC-0. Late Pt. Manmohan Shastri Collection Jammu. Digitized by eGangotri

जोक की जे उर्दू गज़ल दे रस्ते दा संगे-मील ऐ, ओ ए गल्ल मेरे विश्वास अनुसार सिर्फ गज़ल दे संदर्भ कन्ने जोड़िये, Content ते Form, दोनों दे मामलें च आखी सकदा ऐ। उर्दू जुवान दे इल्म दा इशारा अरुज, बेहर-वजन, ते लय-ताल दी पुस्तगी ते ना-पुस्तगी कन्ने जुड़े दा ऐ।

गज़ल दे दोऐ पक्ख बे-ऐव ते स्पष्ट होने उन्ने गै जरूरी न, जिन्ने ख्याल, दर्द, तसव्वुर ते उन्दे सम्प्रेषण (Communication) दा सिद्धा टकोह्दा होना। समूची गज़ल दी कारीगरी च, इक किले ते असाधारण विधान द्वारा जेह्ड़ा कि भाषा दा ऐ ते सौन्दर्य गी प्रकट करने ताई व्याकरण दी छूट मंगदा ऐ, ते पैगाम, उसदे ताई संकेत, इलामत, तशबीह् (प्रतीक) रसानुभूति, चाशनी ते वसीरत, गज़ल दी पेशकारी ते भाव दी नुमाइंदगी करी सकदे न।

में अपनी गज़ल दी गल्ल रम्भनें जा पैह्ले 'इकवाल' दा इक बेहर पढ़ना चाहन्ना जेह्ड़ा कुसै नां कुसै रूप च, मेरे अन्तस चेतन (अर्धचेतन) बिच्च जरूर बैठे दा हुन्दा ऐ ते जिसदे वगैर गज़ल दे बेहर आखदे जाना बेखबरी च बागी च टुरदे होई पत्तर ठुआंठदे जाना ऐ, ओ ऐ :—

रंग हो या खिशत-ओ-संग, चंग हो या हरफ-ए-सौत,
मोअजजा-ए-फन की है खून-ए-जिगर से नमूद।

कलाकृति दा जन्म लैना ते पही उसदे बिच्च चमत्कारक भाव दा खुब्भने आला ते बाह्ड़ होना (मोअजजा-ए-फन) कला बिच्च आश्चर्य पैदा होना यकीनन इक तपस्या, त्याग ते जनून दी हद्द तगर रियाजत ते मशक मंगदा ऐ। निरन्तर सर्वेक्षण दे इलावा नेक-वस्ती, नेक-नियती, दयानतदारी ते ईमानदारी सिरजन दिया बुनियादी, जरूरतां न। में इन्हीं रचना ताई बीज आखना। तां गै इक चित्रकार, संगीतकार, वास्तुकार ते कवि रचना गी विशालता ते सार्थकता प्रदान करी सकदा ऐ।

मेरा गज़ल आखना शौकिया गल्ल नेई ऐ। ए अति भावुकता जां जनून दी गल्ल आखी जाई सकदी ऐ। की जे मेरे गल्ल आखने दे पिच्छे कला दी सेवा दा कोई भाव नेई ऐ। में गल्ल आखिये अपने ध्दोने ते गुआचने दे हक्क गी बरतना, में चोर गी पकड़ना चाहन्ना। में अपनिये कृतिये राहें उनें मुन्सिफे दे गलमें पकड़ना चाहन्ना जिनें अनीतियां ते अनर्थ करिये इक ते मानव-समाज बिच्च जवरन, सत्ता बिच्च आइये ते झूठ-फरेब ते बदसूरती दा जाल जनेहा तनी छोड़ेआ ऐ। ते जिनें आदमियत दिये बुनियादी कदरे गी खिड-बिड करी दिता ऐ।

मेरा बेहर ऐ : मतला ऐ :—

इस शहर बे हर चौके च, जोरें-जोरें करताऽ करदे।
अनसम्भ मसीहे अजं दे राह्, बखो-बख सुनाऽ करदे ॥

इस सारी गज़ल च 'फेलुन' गी अठ्ठ बारी दुहराए दा ऐ। इस बेहर गी 'मुरब्बा बेहर' आखेआ जन्दा ऐ। ए दो-दो, गुस्-गुस् ते कुतै थाह् रा पर लघु-लघु गुरु ते लघु गुरु लघु दा बी रूप जजबे दे मतायक बनी जन्दा ऐ। इसदे बिच्च 'जियाफ' (छूट) दा मता दखल नेई ऐ। की जे लफ्जों दी संधि ते बिछेद तां होई जन्दा ऐ पर लफ्ज इक-दुए पर आधारित नेई हुन्दे। मसाल दे तौर पर :—

तू अगें छज्जल होआ हा, किश पता नेई उतरी ओवे,
 S S S S S S S पत अन ई उत ———

असलूब ते अरुज दे हवाले कन्ने ए आखना बड़ा जरूरी ऐ जे गज्जल दा फन सिक्खने दा जां सखाने दा फन ऐ। पैदा करने जां होने दा नेई ऐ।

गज्जलगोई च लग-भग बौहू, बँहू, रां वरतियां जन्दियां न।

तबील, मुदीद, बसोत, कामल, वाफर हज्ज, रमल, रज्ज, मन्सरह, मजारा, सरीह, खफीफ, मकतजब, मुतकारब, मुतदारक, जबीद, करीब, मशाकल, शिकस्ता ते मुरब्बा।

पर दरअसल गज्जल च दो रुकन गै सर्व व्यापी न। सारिये बँहूरें दे मूल आधार न। उऐ अपनियां शकलां-सूरतां बदली-बदलियै सामने आन्दे जन्दे न। इलमे अरुज बिचच ए सबब, ते बतद आखे जन्दे न। पैहूला दो हरफी जां इक गुरु, ते दूआ, दो इक गुरु लघु, ते लघु गुरु दी सूरत च न। गुरु सबब ए ते बतद लघु गुरु ते गुरु लघु।

इन्दी अगें सूरत इयां बनदी ऐ जे—गुरु फे, फा, लुन, ला आदि न। पर लघु गुरु ते गुरु लघु दा विवरण देना मता जरूरी ऐ। की जे इक 'साकन' ऐ दूआ मौका-मैहल दे मताबक 'मुतहरंक'। पर मुतहरंक अपनी सूरत तां बदली लैन्दा ऐ पर माहून्वी (अर्थ) दा रंग बिगड़ना नेई चाहिदा। 'रात' गुरु लघु ऐ। पंजाबी दे नमैं अरुज दे मताबक 'छाम'। ते 'मरा' मुका ऐ। छमा ऐ। लघु गुरु ऐ। मरा—। S इक ते दो मात्रा दा संयम ऐ। ते रात S। मात्रा दे जोड़ें कन्ने बने दा ऐ। तबले च इस दे बोल रात दा—ता—त—नS+त होग ते मरा—त+धिन त+धिस होग। इयां गै छड़े गुरु ताई, फे, फा, ई, लुन, इल बगैरा बरतोन्दे न। जियां गणित दा सारा खलार ते इकाई थमां लेइयै अरवें तगर इक (1) थमां लेइयै (9) तगर दा गै। इयां गै शायरी दी भिनफ, गज्जल च सारा खलारा उनें दो अक्खरें दा गै ऐ।

मेरे स्थावें, ओ सारे रुकन जेहूँके गज्जल च बरते जन्दे न, ते जिन्दे कन्ने बँहूरां बन-दियां न, असल च बँहूर गी समझना इन्ना जरूरी नेई ऐ जिन्ना उनें रुकने गी। की जे ए रुकन शब्दे दे सभास ते जोड़ ते घड़ा दे अनुरूप शब्दें गी अपनी गिरिफ्त च लेइयै उनें गी बख-बख गति ते लय प्रदान करदे न। में मतियें बँहूरें च लिखे दा नेई ऐ पर सारे दे सारे रुकन बरतोने च आन्दे न। किश रुकन इयां करी न :

फेलुन—छमछम, (S, S) गुरु गुरु जां, लघु लघु (1, 1) ते (S) गुरु

फायलुन—छाम छम—(S। S) गुरु लघु गुरु जां S। ॥

फऊलुन—छमाछम—। S S—लघु गुरु गुरु—। 2 2

मुफाईलुन—छमा छम छम। S S S—लघु गुरु गुरु गुरु—। 2 2 2

फईलातुन—छमा छम छम। S S S—लघु गुरु गुरु गुरु—। 2 2 2

फाइलातुन—छाम छम छम S। S S—गुरु लघु गुरु गुरु—2 1 2 2

मुतफाइलुन—छम छाम छम S S। S—गुरु गुरु लघु गुरु—2 2 1 2

मुस्तफिलुन—छाम छमा—S। 1 S गुरु लघु लघु गुरु—2 1 1 2

इनें सारे रुकन दा पैहूला मूल संगीतमयता ऐ। दूआ, ताल कन्ने बज्जे दे न। इन्दे इक-दूए कन्ने मेल दे तीर पर बँहूर दा बजूद बनदा ऐ। ते बँहूर दी सूरत इहियार करदे न।

CC-0. Late Pt. Manmohan Shastri Collection Jammu. Digitized by eGangotri

निजाम, मतला, मकता मिसरा औलिया, मिसरा दीपक, शेहर बगैरा दा रूप धारदे होई लतीफ जजवातनिगरी दे आखम गी अपनी लपेट बिच्च लेई लैन्दा ऐ।

गजल दी बिधा दी यातरा लम्मी ऐ। ईरान थमां फारसी च ते पही, भारत च उर्दू दे राबते कन्ने अपनी चरम सीमा पर पुज्जी। गजल दा अर्थ मती गुज्जी अन्दरै दी पीड़ जेहू की प्यार मिलन ते बछोड़े करियै उकोई दी ऐ, ते है ओ माशूक दी उसै गी सुनानी आं उस कन्ने दर्द-पीड़ दी सांज पानी। प्रेमिका दे प्रणय दे बक्सरे-बक्सरे रंगें दियें तस्वीरें गी गै अस गजल दे शेहर आखदे आए आं। पर समां बदलने दे कन्ने-कन्ने, प्रेम, प्रणय इश्क जनून दा बस्तार हुन्दा गेआ ऐ। असली प्यार ते 'माही' प्यार! जिसमानी रूहानी इश्क। ते पही रूहानी इश्क दी करवट दे मगरा जिन्दगी कन्ने जुड़ी दियें सच्चाइयें-बुराइयें न्हैरे-सबेरें जिन्दगी ताई भुक्ल, ते भुक्ल ताई जिन्दगी, समाज दा मिजाज। सत्ता दे गुण-दोश। आदमी दे बरहूप। धरती दे गीत ते बे-बफाई, गजल ने सारे गै संसार अपने अन्दर समेटियै अपना लम्मा-चौड़ा बस्तार करी लेदा ऐ जे जीवन ते दर्शन दा कोई की पक्ख बाहर नेई रेहा।

में उर्दू बिच्च गजल आखी, डोगरी च, हिन्दी ते पंजाबी बिच्च बी। बी जे उर्दू दी गजल अपने आप बिच्च मती Modern ते Experimental रेही ऐ, इस करी में गजल दे मामले च काफी सुचेत रेहां ते नमियें लैहूरें कन्ने जुड़ेआ रेहां। पर कुल्ल उन्नियें बँहूरें चा सिरफ छे जां सत्त बँहूरां गै मुश्कल कन्ने बरतियां न। अदृश्य तौर पर में सुधारवादी हुन्दे होई बिगड़ी दी आदमी ते समाज दी हालत दा ब्यान ते उस पर कुर्म हद् तगर व्यंग दी तर्ज गी अपनाया। आदमी दी अपने कोला दूरी, ते आदमी दी आदमी कोला दूरी गी अपनाया। मेरा ए शेहर :—

पानी सारा सुकेआ रेतें दा सागर रेही गेआ।

साथ सारा खिडेआ इक्कला मुसाफर रेही गेआ ॥

'दूरी' दा अहसास गै करवान्दा ऐ। किन्नी भीड़ ऐ। ते भीड़ किन्नी कल्ली ऐ। किन्ना सन्नाटा भोगा करदी ऐ ते उस सन्नाटे दा विवरण 'में' आपू गी गै सुनाऽ करदा ऐ। 'में' इक्क चतरफी नज़र फेरदा चेतन ते चिन्तन शील किरदार ऐ। उर्दू दा शेहर :—

एक सन्नाटा था मैं खाली मक़ान था।

मैं गुज़रता जा रहा था इस्तिहाँ था ॥

इनें दोने शेहरें च शिल्प दी इक्क सांज ऐ। इक्क बँहूर ऐ मुदीद फाइलातुन $\times 3 +$ फाइलुन उसदा चलन ऐ। पंजाबी च ईयां होग—

छाम छम छम, छाम छम छम, छाम छम छम

कम फ कम कम $\times 3 +$ कम फ कम

फा आ — इ ला आ तुन नुन

दीपक—तिन तिन तिठ धिन धिन धागे तिठ

डोगरी दे शेहर च इस बँहूर दा पूरा इस्तेमाल ऐ। ते उर्दू बिच्च आखरी रकन 'फायलुन' नेई बरतोए दा। यानी फायलातुन, फायलातुन, फायलातुन।

डोगरी दी हई गजल दे शेहर बी इनें गै अबज्ञान पर न।

एक सन्नाटा था मैं खाली मकान था ।
मैं गुजरता जा रहा था इन्तिहाँ था ॥

खुश होआ तू रंग गी कालख बनाइयै ।
कालखे गी बस्स हाँ इत्थों नसाइयै ॥

एह् धड़ें दे मेल गे तेरे न साथी,
ढूँढगा कुन्थें सिरें गी जाई-जाइयै ।

तेरे दरवाजे गे नेई पन्छानेआ हा,
जाँ-निसारें दिस्ती ही बस्तक दबाइयै ।

मेरियां मतियां गजलां इस बैहूर च लखोई दियां न । इस बैहूर दी खास खूबी इसदे बिच्च बरतोने आलियां छूटां जां जियाफ ऐ ।

शब्द दबियै पढ़ोन्दे न ते शायरी दी, खास करियै गजल दी सारें थमां बड्डी खेड़, जेहूँ डी साकन, मुतहरक दी ऐ, कुसी-कुसी बैहूर च लभदी ऐ । एदे च ए छूट इयां करी ऐ ते लफजें दी गिरावट दिखो :—

पान सारा सुक्क आ रे तें द सागर री गोआ
'पानी' दी 'ई' डिग्री दी ऐ ते 'रेही' दा 'री' गोआ ।

इयां गे : एक सन्नाटा थ मैं खा ली मकान था ।
स्वारथ लुब्ध-लालच, तांग सब चौकड़ भखान्दे रेह् ।
मिरे गे साह्, मिगी आइयै दिनें-रातीं डरान्दे रेह् ॥
जिनें जीना हा ओ सारे सलीबें पर बी रेह्, जीन्दे,
जिनें मरना हा ओ जिसमें दियां कंधां सजान्दे रेह् ।

ए बैहूर : फऊलुन फाय लातन फायलातुन फाय लुन फे लुन
म रे गे साम गी आ यें द ने रा ती डरां दे रे

फाइलुन × 4

मुतदारक

पंजाबी :	छमा छम	छाम छम छम	छाम छम छम	छाम छम छम	छाम छम	छम, छम
कना रे	दूर	दिखी	तुसम	झा टै	गैल	गे डुब्बन
1 S S	S I	S S	S I S	S S	S I	S S S
छमा छम छम	छमा छम छम	छमा छम	छम	छमा	छम	छम

पंजाबी : सगर सागर दे निकलन नूँ, परखारखो दिशावां दी,
भंवर वी टोक हुन्दा ऐ हवा वी इक निशानी हे ।

अगें होर आखने थमां पैह्लें इक गल्ल आखनी बड़ी जरूरी ऐ जे गजल बयान करने दी कला ऐ। लिखने दी नेई। गजल बिच्च जियां लिखेआ जन्दा ऐ उंआं पढ़ेआं नेई जन्दा। ते जियां आखेआ आं पढ़ेआ जन्दा ऐ उंआं लिखेआ नेई जन्दा। इसदा कारण ऐ—गजल बिच्च संगीत दा बे-गहा दखल। शब्दें दा डिग्गना, जियाफ, वैहूर दियां बंदिशां ते अरुज दियां सखियां।

दूई गल्ल जुवान दे व्याकरण चा निकलियै गजल ते भाव बिच्च दाखले दी।

(नसर) गद्य च भाषा दा स्हेई (व्याकरणी) रूप ते अर्थे दा कन्ने-कन्ने टुरदे जाना, ए लाजमी न।

पर गजल बिच्च भाषा दा विकृत, बिगड़े दा रूप ते उसदे द्वारा भावें दा स्हेई ते गैहूरा-गुज्जा रूप प्रकट हुन्दा ऐ। मसाल दे तौरा पर में आखना चाहन्ता जे :—

कनारें गी दूर बिक्खियै तुस मझाटे गै डुब्बन लगे ओ।

पर शेहूर दी सूरत इश्तियार करियै ए गल्ल इयां सामने आई ऐ :—

किनारे दूर बिक्खी तुस मझाटे गै लगे डुब्बन।

इस बिच्च व्याकरण दी बंदश टुट्टी गई ऐ ते नगमगी दे घेरे च ए गल्ल बज्जी गई ऐ।

फऊलुन	फायलातुन	फायलातुन	फायलुन	फेलुन
फई लातुन	फई लातुन	फई लातुन	फई लातुन	फई लातुन
छमा छम छम	छमा छम छम	छमा छम छम	छाम छम	छम छम
1 5 5 5	1 5 5 5	1 5 5 5	1 5 5 5	5 5

जिनां दे, पैर रसते हन, जिनां दे हृथ बिशावां हन,

उनां दे वासते हर पैर ते देखो सलीबां हन।

इक विशेष गल्ल होर—इक शेहूर दे अरुज दे सहाबों टोटें करियै, Analysis करियै ते शब्दें दे अरकान दे सिरै पर खंड-खंड करियै शेहूर दी कला दा फन्नी हालत दा जायजा लेई सकके आं। दरअसल इक शेहूर गी तोड़ने पर गै लय-ताल दे ओ टुकड़े उजागर हुन्दे न ते उसदे संगीतात्मक होने दा ज्ञान हुन्दा ऐ। इयै विश्लेषण (तकतीहू) प्रायरी दियै होरनें विधाएं थमां बक्ख करियै नवेकला खड़ा करी दिन्दा ऐ। ए सारा चीर-फाड़ लय पर आधारित ऐ। लय दा आधार ताल ऐ (Beat) ऐ। ए आखना सार्थक होंग जे सुर, लय-ताल ते संगीत इन्दे समन्वय कन्ने गै अरुज दा जन्म होया होना ऐ। विश्लेषण करदे होई शेहूर दी अदायगी दा ढंग औता जरूरी ऐ। जेकर शेहूर दी रवानी ते मौसीकी पकड़ी जाग तां पिगल पकड़ बिच्च आई सकदा ऐ जियां—

चेतें द, भुब्ब ली ग दना, रोल यै बिक्खो

मफऊल, फाइलात, मफा, ईल, फाई लुन

छम छाम छाम छाम छमा छाम छाम छम

चेतें द भुब्ब लीग, दना रोल, यैद खो

(फायलुन)

जियां—

साथ किन्ना कचिर निभी सकदा
 वर उनें गी, असें गी दार बा मोह, ।
 पर कंडे नै यारी लान्दे न,
 अब्ख ते मन्जलै प अपनी ऐ ।
 सांप हर घर मआ कबै ठग ये,
 बे-खबर शहर के बशर देखूं ।
 छाम छम छम छमा छमा छम छम
 फाइ ला तुन मफा इलुन फेलुन

में गजल दे बारे च जिसलै अपनी सूझ-बूझ, चेतना ते क्षमता दा विश्लेषण करना तां बुझनां जे में अगें बधनें दी गल्ल बड़ी घट्ट करना । ते गहराई च ते अन्दर उतरने दी मती । इसै लेई तशवीहें, इलामते (प्रतीकें ते रूपकें, ते चि'न्नें) दा प्रयोग मता हुन्दा ऐ । कन्ने गै कुसै हादसे दी चरम सीमा तां शेहर हुन्दी गै पर केई बारी पूरा-पूरा हादसा मिगी शेहर बसोन्दा ऐ । पर मिगी अपने ओ शेहर मते मुतासर करदे न ते आनंद दी अनुभूति करान्दे न, जिन्दे च जां ते में अपने खाल्ली होने दी गल्ल कीती दी ऐ ते जां वजूद ते कायनात दी सुन्दरता गी साम्भने दी ।

मेरा परद्ध के हा मेरे प ए करोपी
 छम छाम छाम छम छम छम छम छम छम
 मफऊल फायलातुन, मफऊल फायलातुन
 टिकने दी बी मनाही, टुरने दी बी मनाही,
 भागें च रंग ऐ नेई जां दोश ऐ नजर दा
 थां-थां प रंग लिश्कन, थोऐ छड़ी स्याही ।

केई बारी में Illustration करना चाहन्ता । ए शायद मेरी सोच पर मेरे Profession दा असर ऐ । में ए बी मसूस करना जे ओ खाका मेरे कोल जमा शब्दावली दे घेरे दे अन्दर गै बनता ऐ । उस Illustration बिच्च मुश्कल उस बेलै औन्दी ऐ जिस बेलै इक बारी लिखे जाने दे बावजूद दुबारा लिखना चाहन्ता । तां बात पैदा होने दे थाहर ओ गल्ल repeat होई जन्दी ऐ । ए repetition मतियें थाहरें पर ऐ । केवल शब्दें दा जां संकेत दा गै फर्क होग । जियां—इक थाहरा में लिखना

लफजें दे गुंझलें च ए नफा थोआ मिगी,
 कल्लें मुकाना पेई गेआ, इन्ना वुहार हा ।

दूई गजल दा शेहर ऐ :—

मेरा परचा हा कान्ती दा में सतरां पैहू लियां लिखियां,
 ए भारे भार भाशा दे कदू इक्कलें चुकोन्दे न ।

(दोनों च भाशा दे भार गी चुकाने दी विवशता दा भाव ऐ)

इक शेहर डोगरी गजल दा ए ऐ :—

मौसम दे बे-थ-बे लोआरें, उज्जन गै नेईं दित्ता मीहू,
में बी हा इक बीऽ जिस नै, उच्चें गासे पलमोना हा ।

उर्दू गजल दा शेहर इयां ऐ :—

आएं किस तीर मुझे रास यहां के मौसम,
जहन शीशे का है और जिस्म है पत्थर मेरा ।

डोगरी—

जे लिखतां झूठियां लिखियां तां जै-जकार गुंजी गई,
ते सच्चें उज्जना केहू हा, सगों मुंठा कपोई गे !

उर्दू—

झूट गर होंगे तो उनके जशन होंगे बेशमार
सच की सूरत में वो सूली पर चढ़ाए जाएंगे ।

डोगरी—

दानशवरें दा कट्ठ जां गल्लें बी दीड़ ही,
जेहूँडा सता गै चंट हा ओ मुख्तियार हा ।

उर्दू शेहर :—

द्वार होंगे गम के किस्से रूह की बातें यहां,
'सारथी' अब जिस्म के जौहर दिखाए जाएंगे ।

डोगरी शेहर :—

ए रीघ धड़ें बी लग्गी बी भोगें गी बलगा करदी ऐ,
सिर जित्थें-जित्थें लवभं दे सूली दे पास जा करदे ।
सुन्ने दे ताजर लग्गे दे, नजबें गी बेची जा करदे,
रुहें गी डोबी जा करदे, जिसमें गी तारी जा करदे ।

उर्दू शेहर :—

धड़ अगर होंगे तो खिल्लत से नवाजे जाएंगे,
सर अगर शानों पै होंगे सर उड़ाए जाएंगे ।

मेरे गजल दे लिखने च, ऐसे जावर दे शरीर दा दखल ऐ, जिसदी खलड़ी हालात ने तुआरी छोड़ी दी ऐ । हून उसदा इलाज इक नमैं सिरैआ जागियै सब्बै किसी गी खडेरना ऐ । मुल्लें गी ब्हाल करना ऐ । इसदे ताई इक तां उर्दू दी रंगत दी जुवान दा बिधि-बिधान । हूए प्रतीक, संकेत इशारे, ते (व्यंजनात्मक अभिव्यक्ति) इह्माम (बक्रोक्ति) दा मता दखल ऐ । हूए गिरावट होऐ जां दर्द, उसदी आखरी हालत गी लिखना, ते उसदे लेई, सन्नाटा, सैहरा, वीरानगी, सलीब, दारो-रसन, भुवख, जनून, शोक, रंग, नवश, पैकर ऐसे शब्द बरतने दी म्हारत ऐ जेहूँडे जां, अतीत ते वर्तमान दे बक्कार पुल बनियै हालात दी नज्जाकत गी आपू-बिच्चें जोड़दे न । ते जां पही, मुन्न होने जैसी, चवात होने जैसी स्थिति गी पैदा करदे न । मिंगी बश्नोन्दा ऐ जे मेरी अभिव्यक्ति इक ऐसा भार ऐ, जे, जेकर कोई चुक्कना चांहूदा ऐ तां उस ताई हौली फुल्ल ऐ । ते जेहूँडा नेईं चुक्कना चांहूदा ऐ उस ताई अत्त दा भार ऐ । □

० रिजनल रिसर्च लबार्टरी, जम्मू ।

□ बंध शर्मा

उनें दिक्खेआ जे ओ ठकाने-सिर पुज्जी गेदे न । मनीष 5-सी० ब्लाक नेम-प्लेट उन्दे सामने ही । पही बी कॉल-बैल्ल बजाने थमां पैहलै उनें पही इक बारी नां दी तखती गी धोइयै दिक्खेआ ऐ । प्लेट मनीष दा गै हा । उनें हँड-बैग ख'ल्ल टकाया, झकदे-झकदे ऑंगल कॉल-बैल्ल दे बटनै उप्पर टकाई । साहू, बिन्द तेज होई गेआ । ध्रुक-ध्रुकी बधी गेई । किश चिरै लेई अंदरा कुसै दे दरोआजे पासै बध्दे पैरें दी छेड़ नेही सुनची । ओ अंदरो-अंदरी किश संगचोआ करदे न । इया बुज्जा करदे न आखो, चोरी करन अंदर जा करदे होन । मत्थे दियां धुनजां कसोई गेइयां न, बो उन्दी ऑंगल हुन घँटी दे बटन पासै बध्दने कोला नाबर ही ।



मेरे सामने ओपरा नेहा माहून् खड़ते दा हा । बधी दी दाढ़ी ते मुच्छे दे लवै उसदा नक्क-मूह् ते अक्खी छप्पने दा जतन करा करदियां हियां । खहड़ै दा खानेदार खेस उसने लपेटे दा हा । लागर नेही गलानी च पप्पड़ियां बज्जे दे ओठें चा ति'लकदे अपने नां दे संबोधन गी अपने कन्नें तगर पुज्जने थमां पैहलै गै में उसी पछानी लैता हा । ओ मेरे चाचा हे । इक लम्मे अंतराल दे धुआंखड़ गी बेधियै ओ चान-चक्क आई टपके हे । उन्दे इयां चान-चक्क आँने पर मिगी खिस होई ही । स्हाड़ा मानसिक रिश्ता बड़ी पैहलै बूटटी चुके दा हा ।

में सेहई कीता जे ओ बधियै मेरे गले लगने दा जतन करने गै आले न। में उक्खड़े-उक्खड़े दे जन उन्दे पासै दिक्खेआ। ओ किश संगी गे। मे इस रिश्ते दी ब्रुट्टी दी डोर जोड़ना निहा चांहू दा। अपनी खिन्न दवाने लेई में उतै गी कमरे च बठाइयै आपू अंदर गेआ उठी।

“कुन हा ?” वच्चे दा बिस्तरा साहूरा करदे होई घर-आली ने पुच्छेआ ।

“देवू चाचा.....अन्दर बराजे दे न।” मेरे जाले दा कसैलापन मेरी नुहारें पर आई गेआ हा।

किश खिन साढ़े च कोई गल्ल नि होई। दबकवी इक टैन्शन नेहूई बनी गेई ही। निर्मल दियां तनोई दियां भरमां साफ सुआल करा कर दियां हियां जे ए इत्थें रातीं के लैन आए न। में गल्ले गी वधाना मनासव नेई समझेआ ते किचन च गेआ उठी।

इक प्याली चाह् उन्दे कोल पेदी तरपाई पर टकाई। उनें तलहोफिये अपने बैगा चा ऐसप्रिन दी टिकवी कड्डी ऐ ते चाह् कन्ने डाली लेई ऐ। हुन ओ बल्ले-बल्ले चाह् सुड़ाकादे न। हर सड़ीक पर मेरा सरकंडा उबभरा करदा ऐ। में कुसै बी गल्ल-बात दा सिलसिला शुरू करने दी स्थिति च नेई ऐ आधारदा।

उन्दी उमर कोई मती नेई ऐ। होनी ऐ कोई चालिये-पंजतालिये वारे दी पर ओ खरे बढेर लग्गा करदे न। खज्जल-खुआरियां ते तंगियां-तोसां माहू नू गी नपीड़िये रखी ओड़ियां न। में मसूस कीता जे जिदड़ी ने उन्दे कन्ने बी खासी बे-न्याई बरती होनी ऐ।—उनें गी खासा हंडेआ-बरतेआ होना ऐ। एस गल्ला दा प्रमाण हा उन्दा बे-रग मुहादरां। हिस्सली दी अक्खिये दे चफेरें नसुआरी कंडल ते हत्थे दी पिट्ठा पर उबभरी आई दिये नाड़िये दा जाल जन.....मिट्ठी खुरी जाले करी कुसै बूहटे दियां तंगियां पेई जाने आलियां जड़ा जन।

मिगी लग्गारदा हा जे ओ गांदि न। इसलै बी कष्ट च न। सोफे दी पठेला कन्ने ढासना लाए दे अध-लेटी दशा च पेदे न। साहिं दा उतरना-चढ़ना, ते बिच-बिच कुरने दी अवाज मेरा ध्यान खिच्चा करदी ऐ। ओपरे नेहू गोरखधन्दे च फसी गेआं। मिगी पता ऐ जे मेरी छिस्ती च इन्दे गित्तें कोई थाहूर नेई ऐ। निर्मल ते बच्चे, इनें गी स्वीकार नि लगे करन—मेरे चाहने पर बी नेई। मेरे सौंगड़े फलैट दी कोई नुक्कर उन्दे आस्ते बसेरा नि लगी बनन। अज्ज बनदे-मिहसदे नमें नैतिक मुल्ले च जीवन दे आधार बदला करदे न।

में मनो-मन सहाव लाया जे ओ रेलवे स्टेशन दा गिद्धे अपने जड़ी घर गे होने न ते उत्थों दा पुछदे-पछादे मेरे इस फलैट तगर पुज्जे होंगन।

देवू चाचा ने मेरे पिता कोला कोई दस वारे बाद इस संसारै च अक्खियां खोल्लियां हियां। ओ मेरे पिता गी बड़ा मन्दे हे। मेरे पिता गियासती हाईकोर्ट च सुप्रिटेण्डेंट हे। मोहूतबर ते रोहूबदार। उन्दा बड़ा मान-मलाहूजा हा। मित्तर-सरबंधी अपने निजि मामलें च उन्दे कोला सलाहू लैन्दे। ओ बड़े रुज्जे दे रोहूदे। परिवार पास मता ध्यान नेसे दिन्दे। उन्दा रोहूबला व्यक्तित्व असें गी उन्दे कोला इक हद्द तगर परे-परे गै रखदा। इस संसारे दी पछान कराने च ते जीवने दी कठिन यात्रा गित्तें तयार करने च, में समझना जे मेरी मां दे बाद मेरे चाचा दा गै हत्य रेहूआ। मेरा बचपुना उन्दे खलारमें हासे, मोहूनें व्यक्तित्व ते परिवार लेई किश बी करने गी तयार रोहूने दी उन्दी कांक्षा कन्ने सदा प्रभावत रेहूआ ऐ। ओ सहाड़े बाबू जी ते सहाड़े बिच इक पुल जन वने दे हे। परिवार दियां सारियां खुशियां फंसले ते सलाहू-सूत्तर इस पुल उप्परा होशयै गै सहाड़े तगर पुज्जे।

मेरा ध्यान सामने गेआ ऐ। में दिक्खेआ जे ओ हाल्ली बी सोफे दी पठेला कन्ने ढासना लाइयै गुम्म-चुप्प न। उन्दी अक्खिये दी चूहूकें च अत्यरुण दे तोपे अटके दे न। में आखी

नि सकदा जे ए अर्थले उन्दी शरीरक पीड़ा दे कारण न जा अंदर चलदे कुनै मानसिक संघर्ष करी। की जे उन्दी साहें दी चाल ते कु'रना हुन किश शांत लग्ना करदा ऐ।

में अपने आप च किश घटोआ करना। चाहन्दे होई बी में गल्ल-चात दा कोई सिरा फगड़िये पछान बधाने च ओख बुझा करना। इक खिने लेई इयां लग्ना जे मेरे सामने देवू चाचा नेई, जिसदी ओगल फड़िये मेरे वचपुन नै गैई पुट्टियां हियां—इक गंठ पेदी ऐ जेदे च केई रहस्स छपे दे न अपने लम्मे अजातवास दे—।

उन्दे घरा चान-चक्क चली जाने करी साड़ी ध्रिस्ती च खासी खलवली पेई ही। सारा सरिस्ता उल्ट-पुल्ट होइआ हा। इक जोरदार झक्खड़ झुल्लेआ हा। फही बल्ले-बल्ले सब शांत होई गेआ हा। सुन्नमसान जन। इक वेदन नेहूई व्यापी गेई ही साहें मनं अंदर। पिता कन्ने जोड़ने आला पुल रुड़ी गेआ हा। मेरी माता बड़ी परेशान रेहूई। पर मेरे पिता जी नै ते जियां चुपी दा चादर लपेटी लैती दी ही। ओ अंदरो-अंदरी ब्रुट्टा जन करदे हे। मूंहां किश नि बुहासरदे। में दस्सी नि सकदा जे देवू चाचा दे इयां लोप होई जाने दी मती पीड़ कुमी होई ही। मेरी तक्का, अस ब्रैवै अपनी-अपनी वेदन गी सान्ने च छपैले दे इक-दूए गी सहारा देने दा जतन करा करदे हे। अपने माता-पिता दी दशा दा ते में छड़ा अनुमान लगाई सकदा हा पर अपने मनै दी दशा गी में प्रतक्क भोगा करदा हा। मेरे वचपुने दी सोहल तांह-मेदे गी जियां इक तगड़ी झुनक लग्नी ही। जिदड़ी दी तलैहटनी रिद्धिया उपरा मेरे पैर खिसका करदे हे।

में उसलै छेमी पड़ा करदा हा। मिगी चेता ऐ, उए मिगी स्कूल दाखल कराने लेई आए हे। अपने वचपुने दे लौहू के नेहू संसारी च में जेहूडियां गैई पुट्टियां उस च उन्दा मार्गदर्शन मिगी मिलदा रेहूआ। मंडुए-सिनमे ते सरकस कन्ने मेरी पछान इनें गै कराई ही। उन्दे कण्डे पाने, बाल-बाहने ते अपने कालेज दे साधिये कन्ने घरें आलें थमां चोरी सिरगट पीने दा ढंग मिगी बड़ा जचदा हा। बाद बिच अपने जीवन च ए ढंग-सलीके, इक सीमा तक में अपनाए बी।

“मनीष”.....अपना नां सुनदे-सार चेतें दे काफले रुकी गे। उन्दे पास दिक्खेआ, नामल लग्ना करदे हे।

“तू जा अराम कर जाइयै। लगदा ऐ खरा चिर होई गेदा ऐ।” में धड़ी दिक्खी, राती दे बारां वज्जा करदे हे।

“में इत्थै गै सोफे पर टिकी जांग। तूस कोई खेचल नि करेओ।

हां...इक पानी दा जग टकाई जायां।”

ओ इयां सैहज सभाउ कन्ने मेरे कन्ने गल्लां करा करदे हे। आखो जे ओ सहाड़े कन्ने गै रौहू दे आए हे।

राती में सेई निहा सकेआ। मनै अंदर ओपरी नेहूई खौधल पेदी ही। चाचे कन्ने वज्जी दियां केई सभ्हालां मनै च सजरियां होआ करादियां हियां। उन्दे घर छोड़ी जाने परैत किश चिर मेरे सोहल मनां च उन्दे चेतें दे परछामें घेरा पाई रक्खेआ। पिता जी कन्ने उन्दा चिट्ठी-पत्तर चलदा हा—यशक्क घट्ट नेहूआ। ओ जदू अपना वसेरा बदलदे, तां

पिता जी गी अपना धौह्-ठकाना लिखी भेजदे। साढ़े जद्दी मकान्ने दे दो हिस्से हे। जिन्दे मालक मेरे पिता जी ते चाचा हे। जद् तगर ओ जीन्दे रेह्, देवू चाचे गी उसदे हिस्से दा कराया नीयम कन्ने भेजदे रेह्। ए नियम में बिच्च-बिच्च तोड़ेआ ते हून पिछले बौ-ची ब'रें दा में उनें गी एक धैला बी निहा भेजी सकेआ। घरै दी कोई नां कोई गरज आई जन्दी। जद् कर्दे में निर्मल कन्ने देवू चाचे दे कराये दी गल्ल लहांदा, ओ कुसै नां कुसै झूठी-मचची गरजै दी आड़ लेइयै टाळी विन्दी।

“कुत्थुआं पूरियां करनियां न बच्चे दे स्कूल ते द्यूशन दे दियां फीसां” ते पही प्लाट दियां किशतां बी ते अर्जे बकाया न।”

ओ तमशी पौन्दी ऐ। में मसूस करनां जे ए सब कुसै दा हिस्सा मारने दे बहान्ने न। कराया मारे बिजन बी साड़ा कम्म चली सकदा ऐ। मिगी आपू बैकक चा माकूल तन्वाह् मिलदी ऐ। पही पिता जी दे हिस्से दा कराया बी मिगी गै औंदा ऐ। दर-असल पैसा हूत्था इयां खिसकदा ऐ जियां छाननी चा रेत। उद्धर देवू चाचे ने बी कर्दे कराये वारै कोई तकजा नेई कीता। बल्लें-बल्लें में बी स्थिति कन्ने ससझीता करी लेआ। उन्दे इयां चान-चक्क आई जाने पर मिगी ए बी चिन्ता जागी ऐ जे जेकर उनें मेरे कोला स्थाव ते अपने वनदे पैसे मंगे तां में के करंग। इन्नी रकम दा जगाड़ करना असान निहा ते तां गै मेरी इस पैसे गी परताने दी नीत। जिसी में ए मोचियै खर्च करदा रेह्आ जे मिगी ए पैसा परताने दी कर्दे लोड़ गै नेई पौनी।

मेरे ब्याह्, उप्पर ओ निहे आए। बणक्क पिता जी ने उनें गी सादा भेजेआ हा। मेरे ब्याह् दे कोई दी-ब'रें ममरा पिता जी दा काल होई गेआ हा। काल होने दे त्रीये दिन ओ चान-चक्क आई पुज्जे हे। अस हरात हे जे इनें गी अपने भाई साह्व दे पूरे होई जाने दा सोण-सनेह्आ कियां पुज्जा। हां, ए होई सकदा ऐ जे पिता जी ने उनें गी अपनी मांदगी वारै लिखेआ होऐ। उनें कोई लम्मी मांदगी निहू पाई। मसां हप्ता-दस दिन मान्दे रेह् होने न। देवू चाचे दा ओपरा नेह्आ हलिया हा। बड़े-बड़े लम्मे क्याड़ी तगर लमके दे वालें दे पटे। खिल्लरी दो दाड़ी ते दाड़ी कन्ने अपने वालें दे सिरें गी इक्क-मिक्क करदियां धनियां मुच्छां। बे-ध'वा नेह्आ लाव्वा—खानेदार तैह् मत, अदराना नेह्आ कत्थी कुर्ता ते गल मुट्ठे-मुट्ठे मनकें दी माला। घस्से दा कम्बल लपेटे दा हा। घर आए दे लोकें-रिश्तेदारें उनें गी कोई वावा समझेआ हा। हां, एक फर्क हा जे उसलै उन्दी सेह्त्त संभलोई दी ही। अविखयें च एक चमक ते कशश ही।

हूए दिन ओ मिगी चूपचाप पिता जी दे फुल परवाह्ने ते उन्दा साराध करने आस्तें अपने कन्ने हरदुआर लेई गे हे। ओ आपू बी किश समें थमां उत्थै गै एक आश्रम च, जिसदा नां “सन्त आश्रम” हा, पुज्जन थमां पैह्लै उनें केई खल गाहे हे, जिसदी किश जानकारी उनें मिगी साड़ी रेल-यात्रा च दित्ती ही।

ओ “अजाद हिन्द फौज” च बी रेह् ते अंग्रेजी सेनाएं खलाफ बी केइयें मुहाजें पर लड़े हे। उनें नेता जी गी दो-बै वारी कोला दिक्खे दा हा। उनें मिगी दस्सेआ हा जे ओ कोई ब'रा-भर मांडला जेल च जंगी कैददी बी रेह् हे। देस गी अजादी थहोई जाने पर ओबी अपने साथियें कन्ने रिहाइ होऐ हे। पर ओ घर निहे परतोए। उनें मिगी दस्सेआ हा जे

उन्हे पैरें च इक ओपरा नेहू आ चक्कर हा जेहूँ उनें गी इक बाहूर टिकन गै निहा दिन्दा ।
उनें ब्याहूँ निहा कीता भाएं मेरे पिता जी चाहूँ दे हे जे ओ अपना घर बसान । तां जे उन्दी
बेल वधै, हरिकाम र'वै ।

मेरे ए पुच्छने पर जे ओ घरा की चली गे हे तां ओ बड़े हरान होइयै आखन लगे ।

“मनीप, तुगी भाई साहूँ ने घर छोड़ियै मेरे लोग होई जाने वारे किश निहा
दस्सेआ ?”

“नेई ।”...में परता दित्ता ।

“असला च भाई होर चेतें गी छाती च छपलने दे आदी हे ।”

पही बिन्द-क सके ते सूक सुट्टियै आखन लगे जे “ओ जरदे मता हे ते बुढासरदे घट्ट
हे । दरअसल मेरी गिरफ्तारी दे वारेंट जारी होई गेदे हे । जिसदी सूहूँ कुसै ने भाई साहूँ
गी पैहूँ लै गे पजाई दित्ती ही ।”

“वारेंट की निकले हे तुन्दे खलाफ ?”—में पुच्छेआ ।

“में इक इकलावी पार्टी दा मैबर हा ते मेरे खलाफ अपने साथियै कन्ने रलियै बम्ब
बनाने दा दोश बी हा ।”

“क्या ए दोश सच्चा हा ?”

“हां ।”—उनें जोर देइयै आखेआ ते उन्दी अखियै च इक ओपरी नेहूँ चमक उठी
आई सी ।

राती ओ बिच्च-बिच्च खंधे रेहूँ । उन्दी अवाज कमरे च इयां खिल्लरदी जियां कैहूँ
दा भांडा ठनका दा होए । इक-दो बारी ओ खंभूँ दे गोशके कन्ने फामे-जन होइयै बाहूर
वाशवेसन पर आए । । निर्मल दी जाग बी खुल्ली गेई । उन्ने मेरे तरले कीते जे इस बमारी
गी घरे दे अंदर नेई बाड़ेओ । किश न्यानें दा ते हवाल करो । सच्च आखां तां उसदी इस
तकीदा ने मेरे अपने मनं च उठेदे इस बचार गी होर पक्का कीता हा ।

बडलै में दिक्खेआ जे वाशवेसन पर कुतै-कुतै खून दिये छिट्टे दे नशान बचे दे हे ।
जियां सूहूँ ए रेश्मी धागे दे विरले-पतले बुम्बल कुसै कतरियै सुट्टी दित्ते दे होन ।

○○○

नेकां मौसमें दियां मारां खादे दा इक खैराती हस्पताल दा बोर्ड मेरे सामने हा—
कोल-कोल मस्होई आए दे ति'म्मैं पेदे अक्खर, पोचो दी पट्टी चा झांकदे पूरनें साई दो
शब्द बना करदे हे —“विवेकानन्द हस्पताल” । में उनें गी इक बैच्च उप्पर बठाया ते आपूँ
डाक्टर सम्पाल दे कमरे च गेआ उठी । डाक्टर सम्पाल मेरे पछानू न ते अस किश चिर
जमाती बी रेहूँ दे आं । में उनें गी अपनी समस्या दस्सी । उनें अपने कोल खड़ोती दी इक नर्स
गी किश हूँदां दित्तियां ते मिगी आखेआ जे तुस अपने पेशेंट गी अंदर बाई च लेई आओ ।
में उनें गी बाई च लेई आया । इद्धर-उद्धर नजर फेरी । इक बैड कोल उऐ नर्स खड़ोती दी

ही। उसने हथै दे शारे ने अपने पास सद्देआ में उनें गी विस्तरे पर लेटी जाने लेई आखेआ। नर्स ने उन्दे पैरें हेठा चादर खिचची ते उन्दी छाती तगर लेई आई। उनें एक नजर मिगी ते एक नजर नर्सा पास दिक्खेआ ते चादरा गी सिरा तगर खिचिचै पास परती लेता। नर्स उत्थोआ निकली गेई—हून में कल्ला उन्दे कोल रेहूई आ। मिगी नेकां बचार आवारदे हे। उत्थे खड़ोते दे किश झाका नेहूआ बसोआ करदा हा—घड़ी दिक्खी, माझे नीं दा अमल हा। दस बजे बैकक लगदा हा।

मेरा ख्याल ऐ जे ओ मेरी परेशानी गी ताड़ा करदे हे। की जे उनें चादरा दा मूह गुहाड़ियै मिगी आखेआ हा—“मनीप, तू जा हून। में ठीक आं। तेरा डाक्टर पता नि कुसले आया ऐ।” सुनियै मिगी किश शर्म नेहूई बसोई।

“नेई-नेई, कोई तौल नेई। डाक्टर तुमें ई दिक्खी लै, बस....!” में आखेआ। उनें पही चादर उप्पर लेई ते पास भार लेटी गे। उन्दा मुहांदरा कुसै बी भाव थमां सक्खना बसोआ हा मिगी। अपने अंदरा दे खड़वाते गी अपने अंदर गे डक्की रखने दी कला ओ जानी गेदे हे। बे-आसरा कलापे दा जीन माहू नू गी ओपरे सच्चे च ढालदा ऐ... इस भेत दा थौह नेहू फक्कड़ें गी मिलने परैत गे धोंदा ऐ।

मेरे मूँह पर कुसै ने पुल्ला नेहूआ हत्व टकाया। परतोइयै दिक्खेआ डाक्टर सम्याल खड़ोते दा मुस्करास करदा हा। उणे नर्स टिप-टिप करदी मेरे चाचे दे सरहने पास बधी।

“के हाल ऐ तुन्दे पेशेंट दा ?” सम्याल ने पुच्छेआ।

“ए हून तुन्दे पेशेंट न डाक्टर साहूव, मेरे नेई।” मिम्मी हसदे-हसदे आखेआ। हस्पताल दी घड़ी मेरी घड़ी थमां कोई पंदरा मिट पिच्छें ही।

हस्पताल दा बाहर आया तां में बड़ा हीला-हीला-जन मसूस करा करदा हा। बैकक च अपने कम्म च रुज्जे दा रेहूआ। बिच्च-बिच्च साथियें कन्ने चाहू ते गणें दे दौर बी चलदे रेहू। कौंटर सामनै पैसे कटाने ते जेमां कराने आले लोकें दी बधधी लाहने थमां बे-न्याज, बे-परआहू।

संजां लै घर परतोआ। मेरी नजर दूरा दा गै हसू-हसू करदे अपने दोनै जागतें पास गेई। ओ दोऐ बरांडे दे जंगले कोल खड़ोते दे जियां मेरी गै निहालपा च हे। उन्दे पिच्छें निर्मल बी खड़ोती दी ही ते बड़ी खुश-खुश लडभा करदी ही।

“छोड़ी आए उनें गी हस्पताल ?” मिगी पता हा जे उसदा पँह्ला सुआल इये होग। पही मेरे दोऐ जागत मसूम नेहू सुआल करदे रेहू। में “हाँ”—“हूँ” करियै उनें गी पतेआंदा रेहूआ। टैन्शन जां चिन्ता दा कोई नशान निहा। जियां कोई तुफान टली गेदा हा।

○○○

त्रीऐ दिन डाक्टर सम्याल दा फोन आया। बड़ी ओपरी नेहूई घटना बीती ही। मेरे चाचा हस्पताल छोड़ियै कुतै निकली गेदे हे। कुसै गी किश दस्से बिजन। मेरे थमां बी चोरी। एक दो-दिन मेरे अंदर खलबली रेहूई। पही सब किश बल्लें-बल्लें अपने पराने ढरें पर चलन

नगी पेआ। किश रुकेआ नां किश बदलेआ। हां, बिच-बिच बे-तरतीब दाढ़ी च सटोए दा उन्दा चेहूँ रा मेरे सामनै उगगी आँदा। मट-मैलियां, भूसलियां अक्खियां मिगी घूरदियां... मसूस करदा जे मेरे लेई इन्दे च कोई शकैत जां नमोशी दे भाव नेई। ए गल्ले दीगर ऐ जे में उन्दी नजरें च रिश्ते दी भखन, जेहूँड़ी चमक ते छुआली उजागर करदी, उसी सांभना में अपने आस्ते मुहाल बुझा करदा हा। कुमै लै अंदरा तोड़ी कम्बी जन्दा।

उन्दे हस्पताल दा लोप होई जाने दे ठीक दसैं दिनें बाद मेरे सरनामें उप्पर "सन्त आश्रम" आलें दी चिट्ठी आई। मिगी सूचत कीते दा हा जे देवव्रत हुन्दा काल होई गेआ ऐ। उन्दा काल आश्रम दे बाहूर इक घाट उप्पर होआ ते आश्रम बासियें उन्दा खीरी संस्कार करी दिता ऐ।

पता नेई में की अपराध-बोध दे दलदल च फसदा जा करनां। □

० पक्की ढक्की, जम्मू।

गज़ल

□ वीरेन्द्र केसर

रतू बट्टै मिलै ते लैनां, सस्ता सौदा पांदा नेई।
में लैला दे आंगर जरना, मजनू सांहीं करलांदा नेई॥

में कलिये दी बास नमुल्ली जां फौगन दी धुप्प आं में,
में बिज्जे आंगर नेई पांदा, में न्हेरी सांहीं आंदा नेई।

तू बेले दा बड्डा माली, पुट्टें, लुंगें, छिवें तू
ठीहूँ कर बी में मरआ लाना, कुदरें थोहूँ रां लांदा नेई।

में रसले जुल्ले दा छौरा, में निम्मै दी मिट्ठी छां
में कंधे वा बड़ बूटें वा, छौरा फुल्लें छांदा नेई।

में अक्कें शैहूँ दे दा तोपा, जां फुल्लें दा हासा में
में सारें लेई खुल्ला-सादा, कुदरें जोनां पांदा नेई।

होला होई परमेसर मिलवे, तां में दर्शन पाने नेई
बूट्टी, भज्जी, मुड़की जन्नां, लिफना नीनां आंदा नेई।

में रुइवे दा, जां छन्ती दा, जां पैंछी दा तीला में
'केसर' कुल्ली बलदी दिक्खी, राग मल्हारी गांदा नेई। □

० 1184-ई० पी० कनक मंडी, जम्मू

रामनगर—इक इतिहासक नगर

□ ओम शर्मा 'जन्दरेआड़ी'

जम्मू शर्मा कोई इक सौ किलोमीटर दूर, शैल राँसलिये धारै मंझ इक पद्धरे चगानै च बस्से दा 'रामनगर' इक तारीखी कसबा ऐ। ए जिला उधमपुर दा इक तसील सदरमुकाम ऐ। 60 मील लम्बी ते 40 मील चौड़ी इस पहाड़ी तसीला दा कुल्ल रकबा 3,14,067 एकड़ ऐ। 1981 दी मर्दुम शुमारी मुताबक एदी कुल्ल अबादी 1,11,871, ऐ ते खास रामनगर दी 4077। कारोबार ते औद्योगिक द्रिष्टी कन्ने भाएँ इसलै रामनगर दा कोई बड़ा म्हत्त्व नेई पर जम्मू कश्मीर दे इतिहासक नक्शे पर एदा इक टकोहू दा थाहर ऐ। 1983 च, चुनाव परचार दे सिलसिले च श्री 'अटल बिहारी वाजपेयी' होरें रामनगर दे इक जलसे च अपना भाशन इन्ने शब्दे कन्ने शुरु कीता हा—“इस किले की दीवार के एक-एक पत्थर के पीछे एक इतिहास छिपा है—”। एदे च कोई शक नेई जे रामनगर च जम्वाल राजे दे मैहल, किला ते समाध अपने अन्दर इक लम्मा गौरवपूर्ण इतिहास छपलियै खड़ोते दे न। 19 नवम्बर 1988 शा 25 नवम्बर 1988 नगर रामनगर दे मैहलें च 'पुरातत्व विभाग' पासेआ World Heritage Week' दे मिलसिले च इक चित्र प्रदर्शनी लुआई गेई जेहूँ दा उद्घाटन रियास्ती गवर्नर श्री जगमोहन होरें कीता। इस कन्ने रामनगर दा इतिहासक म्हत्त्व होर बी बधी गेआ। पर रामनगर दा असली इतिहास इन्ने स्मारकें शा केई सी बरें पैहलें शुरु होँदा ऐ ते जेहूँ दा सरबंश चम्बै दे राजे कन्ने जुड़े दा ऐ। पर बसोस जे ओदी गवाही देने आला कोई स्मारक इसलै मजबूद नेई ते लिखत प्रमाण बी बड़े घट्ट मिलदे न। इस करी दन्तकथें पर निर्भर रहूँ ना पीदा ऐ।

रामनगर दा पराना नां 'बन्दरालता' ऐ ते इमदी स्थापना बन्दरालें कीती ही। बन्दराल राजपूत अज्ज बी रामनगर दे केई प्राणें च बसदे न जियां जन्दरेआड़ी, माढ़ता, परेड, जन्दरोहूँ, बड़ोल, रांग, बगोथ, प्यूहनी वगैरा। ए बन्दराल इत्थें कहुँ आए ते किन्ना चिर राज कीता? इसदा पक्का परमाण नेई, पर गलादे न जे बन्दरालें दे ओने शा पैहलें इत्थें हन्नै-हन्नै राज हा। हर कोई जोरावर इक-दोँ प्रां दा हाकम बनियै 'राना' खुआंदा ते

अपनी मनमरजी ने गरीबों की लुट्टा-धूँड़ा, जुलूम करदा ते आपू ऐण कन्ने जीदा। इन्हें रानें दे थड़े जां कंधरोए अज्ज बी केइयें ग्रांए च मिलदे न। रामनगर शा कोई 15 कि०मी० दूर सत्तेआं ग्रां दे रानें दे थड़े रस्तें च औदे न। सत्तेआं दा राना बड़ा मशहूर हा। 'घुरु' नां दा इक ठीकर ओदा बजीर हा। गलादे न, ओ बड़ा तगड़ा बलवान जोधा हा। ओदी लुआद घुरान ठीकर चलै दी ऐ। उसदे नां पर गै 'घुरता' ग्रां दा नां पेदा ऐ। सत्तेआं च जलंधरा देवी दा इक बड़ा प्राचीन मन्दर ऐ जिसी पांडवे दे वेले दा सुनादे न। उत्थें हर वरै इक संढे दी बल लगदी ही। इक बारी 'सीतू' नाई ने राने दे कनन भरे जे ऐतकी बली दा संढा घुरए शा मराया जा ते ओ बी लोहे दी तलवारी दे थाहूर कँवलू दी तलवारी कन्ने। राने दा हुकम होई गेआ। नाइयें दी मसखरी ते घुरु गी थल्लै लाने दी चाल राजे दी मौज बनी गेई। खीर, घुरए मुट्टी कँवलू दी तलवार खूब पैनी कीती ते इक्कै फट्टे ने संढे दी मुँडी बड़्डी टकाई। सगुआं तलवारी दा फट्ट हेठ इक पत्थरै पर जाई लग्गा। उस डुग्घे फट्टे दा नशान अज्ज बी मन्दरै बाहूर इक कुप्पड़े पर दिक्खी सकने आं। अपनी हानी समझियै घुरु नस्सी गेआ ते नाइयें दे मगर लगियै उसी इक नाले च भारी सुट्टेआ। उसगी सीतू खाला (नाला) थाहूर अज्ज बी गलादे न। सत्तेआं दा नस्सियै घुरु चम्बै जाई पुज्जा ते उत्थवां दे राजे गी इन्हें रानें दे जुल्लें दा सारा हाल सुनाया ते गरीब लोकें गी उन्दे शा वचाने दी प्रार्थना कीटी।

उसलै चम्बै दा राजा वचित्र वर्मा हा। असली नां 'वचित्र देव' हा पर चम्बे दे राजे दा 'वर्मा' लकव रेहूआ ऐ। उस घुरए दी सारी गल्ल सुनियै अपने निक्के भ्रा बृहत्तर देव गी फौज देख्यै घुरए कन्ने भेजी दित्ता। घुरु घरै दा भेती हा। फौज सत्तेआं दे एक जाइ च छप्पी गेई ते सलाहू होई जे जिसलै रानें भक्त खान बैठे दे होन, नगाड़े दी छड़ा पर हमला कीता जा। घुरु इक्कला रानें गी मिलन गेआ। उसलै ओ भक्त खा करदे हे। घुरए गी दिक्खियै सबै बड़े खुश होए ते रुट्टी खान सद्देआ पर घुरु बोल्लेआ—'सरकार! में नगाड़ा बजाए दे केई दिन होए न, पैहलें मिगी नगाड़ा बजान देओ ते फी रुट्टी खानी।' नगाड़े दी छेड़ सुनदे गै चम्बै दी फौज निहत्थे रानें पर रुट्टी पेई ते उन्हें गी मारी दित्ता ते सत्तेआं पर कबजा करी लेआ। जिस जाड़ फौज छप्पी हो, उसगी चम्बे दा जाड़ गलादे न। सत्तेआं दे बाद दूए ग्रांए दे राने बी जित्ते। 'नग्गर' दे राने गी बी हराया। उसलै रामनगर दा नां छड़ा 'नग्गर' हा। 'बृहत्तरदेव' ने नग्गर गी अपनी राजधानी बनाया ते इस लाने पर राज शुरू कीता। नग्गर दा नां बंदरालता रखेआ ते खानदान दा नां बंदराल पेई गेआ। अनुमान ऐ जे 'बृहत्तर देव' दे नां पर 'बृहत्तरालता' बिगड़दा-बिगड़दा 'बंदरालता' बनी गेआ होऐ। गलादे न बंदराले कन्ने उन्दे पन्त-परोहत्त ते दूए कम्मन-कमीन बी आए हे।

पर, इस दा पक्का सबूत नेई मिलदा जे 'बंदरालता' दी स्थापना कहुं होई? बंदराले दी बैसावली दी बड़ी खोज कीती गेई। खीर, श्री जोगिन्दर सिंह बंदराल हुन्दे कोला थ्हाई दी इक परानी कताव चा, ए मिली। ए कताव सफा 31 शा 475 तगर पढ़ने जोग ऐ ते इसदे लेखक श्री काहनसिंह राजपूत बसोहली आलां दा पता लगदा ऐ ते नां पोथी दा "तारीख व सिलसिला राजपूत राजगान" सेही होंदा ऐ। एदे मतावक 'घुरु' घुरान दी चम्बे जाने दी गल्ल 183 वि० दी ऐ। पर जिसलै चम्बै राजा वचित्र देव (वर्मा) दा राज हा ओ चम्बे दे मशहूर राजा शील वर्मा दी छेमीं पीठी च होआ। शील वर्मा दे दस पुत्तर ते इक श्री चम्पा ही जेद नां पर गै उसने चम्बा शहर बसाया हा। शील वर्मा दा जमान्ना 220

वि० दस्से दा ऐ। पंज पीढ़ियां अगें 6मी पीढ़ी च बचिच वर्मा दे भ्रास बृहत्तरदेव गी 183 वि० च रामनगर आनते दी गल्ल ठीक नेई लगदी। शील वर्मा दे बाद क्रमानुसार ए राजे होए :—
 (1) शील वर्मा—(2) योगाकार वर्मा—(3) भोग वर्मा—(4) जोग वर्मा—(5) डोडाक वर्मा
 उर्फ बलीराज जिसदे दी पुत्तर बचिच देव ते बृहत्तर देव होए ॥ ते बृहत्तर देव ने गै बन्दरालता
 दी स्थापना कीती। बृहत्तर देव दे बाद जिनें उन्नी (19) राजें क्रमवार इत्थें राज कीता
 उन्दे नां इयां न—(1) बृहत्तर देव—(2) भोज देव—(3) सुत्तान देव—(4) केवराज
 (5) प्रतापदेव—(6) हुकमदेव—(7) भीलमदेव—(8) जोग देव—(9) नाहूर देव—(10)
 लक्ष्मण देव—(11) तरुवर देव—(12) छत्तर साल (13) कैलाश पत (14) दीवान
 इन्दर देव—(15) राजपत—(16) भगवंत सिंह—(17) जगतसिंह—(18) भूपदेव—(19)
 चन्दन हरदेव जां चन्दर धरदेव, जिस हा म० सुचेत सिंह ने 1822 ई० च राज लेई लैता।

डा० आर० सी० अग्रवाल हुन्दी वार्ता रामनगर दे मैहूले वारै रेडियो जम्मू थमां
 12-4-88 गी प्रसारत होई ह्री जेदे च उनें 11मीं शा 18मीं सदी तगर बन्दराले दे 40
 (चाली) राजें दा रामनगर उप्पर राज दस्सेआ हा। 40 राजें दी गल्ल ठीक नेई पर शासन
 काल किश जचदा बी ऐ।

इनें तत्थें शा ए सिद्ध होँदा ऐ जे बन्दराल चम्बे दा आए ते उनें रामनगर च इक
 ताकतवर खुदमुक्तियार हकूमत कायम कीती जेहूकी लग-भग अट्ठ-नौ सौ साल चली।
 चौहदमां राजा इन्द्रदेव जम्मू दे महाराजा रंजीत देव दा वाज गुजार रेहा, ते उसगी दीवान
 दा खताव थोए दा हा। म० रंजीत देव (1731-81 ई०) ने जिनें 22 प्हाड़ी राजें गी सर
 कीता हा उन्दे च इक रामनगर (बंदरालता) बी हा। पर ओदे मरने परैत—(1781 ई०)
 जम्मू दरबार च कमजोरी आई गेई। बंदरालता फी खुदमुक्तियार होई गेआ। म० रंजीत देव दे
 पुत्तर वजराज देव ने चम्बे दे राजा राएसिंह दी घी व्याह् दी ही। जिसलै कागड़े दे कटोच
 राजें पठियार किले पर कबजा करी लेआ तां राजा राएसिंह ने अपने व्याही कशा मदद
 मंगी। म० रंजीत देव ने अपने पुत्तर वजराज गी सहायता आस्त भेजेआ। ओदे कन्ने
 बन्दराल राजा इन्द्रदेव दा निकका ते चौथा पुत्तर जयसिंह बी गेदा हा। जितने पर उसगी
 डेकवान तसील पठानकोट च इक जगीर बी दित्तो गेई ही। महाराजा रंजीत देव दे पोतरे
 जीतसिंह ने बन्दराल राजकुमारी कन्ने व्याह् कीता दा हा। बसोहूली दे राजा कृपाल
 पाल (1678-93 ई०) ने बी बन्दराल राजकुमारी कन्ने व्याह् कीता दा हा।

बन्दराल राजें दे मैहूल झिगली चोरी (रामनगर) हे जिदा कोई नां-नशान नेई छड़ी
 इक कंध दस्सी जंदी ऐ। ए जगह हून अबादी-देह् ऐ, कुसै दी गरदोरी नेई। गलांदे न इत्थें
 गे बन्दराल राजें दे पुरोहूतें दे घर बी है हे। नरसिहें दा मन्दर बी है हा। इक दिन राजे
 गी नरसिहें सुबते च जगास दित्ता जे उनें गी रामनगर आली खड्डा दी मन्सादेवी आली डबरी
 चा लेई जा, उयै नरसिंह आनियै राजै मन्दर बनाया हा। गलांदे न रस्तै बहारें गी बड़ा
 भार लगेआ ते गुरलांग नां दे थाहूर इक पत्थरै पर बसां कीता। जित्थें नरसिहें दी पालकी
 तुआरी ही अद्धी करामात उत्थें गे रेही गेई। अज्ज उत्थें बी नरसिंह जी दा मंदर ऐ। गलांदे
 न बंदराले दा किला इत्थें गे हा जित्थें हून ऐ। उंयां इसलै रामनगर च बंदराले दे मौके दी
 कोई यादगार नेई लभदी।

अठारमी सदी च पंजाब दे महाराजा रंजीत सिंह ने अपनी हकूमत दा खूब बस्तार कीता । अंग्रेजों कन्नें इक समझोते करी जम्मू-कश्मीर रियास्त वी ओदे अधीन होई गेई । जम्मू दे महाराजा रंजीत देव दे भ्रास सूरत सिंह दे पोतरे गुलाब सिंह, ध्यान सिंह, सुचेत सिंह वी लहीर दरबार च नीकर हे । इन्नें डोगरा जरनैलें दी दरबार च बड़ी कदर ही । बादशाह् इन्दे पर बड़ा खुश हा । उसगी इन्दे पर पूरा बसाह् हा । गुलाब सिंह गी योग्य समझिये महाराजा रंजीत सिंह ने अपने ह्त्थें हाइ 1879 विक्रमी (1822 ई०) गी अखनूर दे सुकाम उपपर राजतिलक देइये जम्मू दा राजा बनाई दित्ता । सुचेत सिंह गी रामनगर (बंदरालता) रियास्त सौंपी गेई ते ध्यान सिंह गी भिम्बर दा लाका दित्ता गेआ । उसलै रामनगर च आखरी बंदराल राजा चन्दन हरदेव राज करदा हा । उस हा राज लेइये सुचेतसिंह ने उसगी ह्त्थें किश गुजारा लाई दित्ता पर इत्थें रोहना अपनी हस्तक समझिये ओ जहजादपुर जिला अम्बाला च जाई बसेआ ।

सुचेत सिंह ने रामनगर गी बड़ी तरक्की दित्ती । इस दा नां 'बंदरालता' बदलिये पुराने 'नगगर' नां उपपर रामनगर रखेआ ते शैल शासन राहें इत्थें रामराज कायम करने दी ओदी बड़ी कामना ही । जम्वालें दी हर शाख इत्थें बसाई । अपने मैहल बनाए, मैहलें दे कच्छ गै नरसिंह महाराज दा मन्दर बनाया जेदे च बन्दरालें दे मैहलें चा नरसिंह सूति आनिये स्थापत कीता । इक बड़ा मजबूत किला बनाया ते इक ताकतवर फौज रखी जिसने सारे इलाके च अमन-अमान कैम कीता ते इक राजपरत होने पर स्वभाविक विद्रोही भावना गी दबाया । गलादे न जिसलै किला त्यार होआ तां राजा सुचेत सिंह ने केई स्थाने मोहवर आदमी सद्दिये अपनी रियास्त दी खबर-सुरत पुच्छी । हरीपुर लखे दे शाह् बड़े स्थाने हे, उन्नें गलाया, "मार्राज, इसदी उत्तर-पच्छिम आली कंध किश दिल्ली ऐ ।" राजा शारा समझी गेआ । चन्हूतते दे ठीकर बड़े जोरावर हे । उन्नें गी सद्दिये अपनी मतहूती मनाई ते सिर चुक्कने आलें गी किले दी कंधा च चनाई दित्ता । राजा सुचेत सिंह ने इत्थें 1844 तगर 22 साल राज कीता । अपनी हकूमत गी खूब बस्तार दित्ता । राजा बड़ा बहादुर हा । इक बारी चनैहूनी रियास्त दे 'मरोठी' ग्रां गी उसने अपने कब्जे च करी लेआ तां चनैहूनी दे राजा दयालचन्द ने जंग दी त्यारी करी लेई । सुचेत सिंह ने चनैहूनी उपपर हमला करिये, मैहल फूकी दित्ते ते चनैहूनी अपने राज च शामिल करी लेई । राजा दयाल चन्द लहीर जाइये म० रंजीत सिंह कच्छ फरयादी होआ । ओदे आखने पर म० गुलाब सिंह ने बिचक पेइये उसगी इलाका वापस दुआया । सुचेत सिंह ने रामकोट वी अपने मैहल बनाए दे हे । इमदे बेलै गै 'मनकोट' दा नां रामकोट पेआ हा ।

महाराजा रणजीत सिंह सन 1839 च मरी गेआ ते लहीर दरबार च अफरा-तफरी मची गेई । उस खाना-जंगी च राजा सुचेत सिंह वी 1844 च मारेआ गेआ ते रामनगर, जम्मू दरबार—महाराजा गुलाब सिंह, दे अधीन आई गेआ ते 1886 तगर रेहा । महाराजा गुलाब सिंह 1857 च (20 सोन 1914 वि०) स्वर्गवास होए । उन्दे दो पुत्तर ऊधमसिंह ते सोहनसिंह लहीर मरोई गेदे हे । इस गल्ला जम्मू दा राजतिलक उन्नें अपने ह्त्थें रणवीरसिंह होरें गी 8 फौजन 1912 वि० (1855 ई०) च कीता हा । रणवीर सिंह होरें पंज व्याह् कीते दे हे । इक व्याह् रामनगर परेआ ग्रां दे बंदराल काहून सिंह वी कुड़ा कन्नें कीता दा हा । भाद्रो 1942 वि० च उन्दी मीती मगरा जम्मू-कश्मीर दा राजा प्रतापसिंह गी इहोआ

ते रामनगर दा इलाका रामसिंह होरें गी जगीरा तोर मिलेआ । जिनें 1886 ई० शा 1899 तगर राज कीता ते रामनगर गी होर बी मती तरक्की दिती ।

सन 1844 च जिसलै राजा सुचेत सिंह ल्होर मारे गे तां उन्दियां दीं रानियां ते 30 गोतियां सती होई गेइयां । ओ मैहलें च गै सती होना लगियां हियां पर दीवान तेजराम ने बड़ा समझाया ते रामनगर दे चगाने च ओ सती होई गेइयां । गलां दे न जंदे बेलें उनें रामनगर दे तलाऽ च बे-शुमार धन-दौलत ते बन्दे-गैहने मुट्टे हे । रामनगर दे मैहलें च पराना मैहल ते शीश-मैहल राजा सुचेत सिंह ने बनवाए हे नयां मैहल राजा राम सिंह ने बनवाया हा । मैहलें च होई दी चित्रकारी बसोहली पहाड़ी चित्रकला दा सुन्दर नमूना ऐ । रामनगर दे मैहल किला ते समाध हून पुरातत्व विभाग दी दिक्ख-रिक्ख च न ते बंदराल राजें दे स्मारकें आंगर इंदे नष्ट होने दा खतरा किण घटी गेआ ऐ । उनें मैहलें दा रकबा 16 कनाल 2 मरले गरदौरी च ऐ ।

जम्वाल राजें रामनगर गी इक जैल कुशल शासन दिता । रामनगर च बाहुरा दा नुआइयै कारीगिर बसाए । गलां दे न उन्दे बेलें जहार-बारां सी मुस्लमान घर हे इत्ये, जिन्दे च बड़े अच्छे शालवाफ, दारुंगिर, कुम्हार, ते हूए कारीगिर हे । रामनगर शा कोई 5 मील दूर 'पलासा' बाहुरा रामसिंह दे मीके दा बने दा इक बड़ा उच्चा दरवाजा ऐ । उत्ये तगर राजा, रामनगर जैहुर गी बताना चांहुदा हा । उनें दिनें गी माटतै चाही दा बाग लुआया गेआ हा । राजा राम सिंह ने इक शिवजी मन्दर (तलाऽ दे सामने) दा कम्म लुआया पर स्थापना उन्दे जीदे नेई होई सकी । ओ जेठ 1956 वि० (सन 1899) गी श्रीनगर च स्वर्गवास होई गे । उन्दे दी पुतर होए पर निक्के होंदे गै मरी गे हे ते इक धीऽ चनेहूनी अलि राजा कदार चंद कन्ने 1651 च वि० व्याही गेई ही । राजा राम सिंह दे बाद रामनगर महाराजा प्रतापसिंह दे अधीन आई गेआ ते इसदा बखरा बजुद खतम होई गेआ । राजा रामसिंह हुन्दे बेलै रामनगर खास दी अबादी, सुनां दे न, 23000 ही ते जेहूकी इसलै कुल चार जहार रेही गेदी ऐ । इत्ये केई कारखाने हे ते खूब कारोबार हा । पर हून परला बजार ते छड़ा नां दा गै रेहिदा । उंयां उसलै रामनगर दा जम्मू तगर पैदल रस्ते गै हे । इक रस्ता घोघड़ मड़, ठलोड़ा, सरुहीसर, ऐथम तूनें दी खूही बिच्चे जम्मू जंदा हा ते हुआ डालसर, नगरोटा, खैहल, चन्हूनता, जोहून्, पातली ते जहानू बिच्चे उधमपुर जाई लगदा हा । गड्डी दी सड़का दा कम्म स्व० महाराजा प्रताप सिंह होरें लग-भग 1984/85 वि० च लुआया । उन्दी सफरमैन कम्पनी ने 'कूह' तगरा सिड़क चालू की करी दिती दी ही पर रामनगर तक छडी सध गै पेदी ही । उन्दा स्वर्गवास होने करी ए कम्म फही बन्द होई गेआ ।

सड़कां कुमै लकीं दी तरक्की दा साधन हुन्दियां न । इसै गल्ला दा म्हत्त्व पनछानिये रामनगर दे पाहुदा रामानन्द होरें सड़क रामनगर तगर पजाई । उन्दी कम्पनी दा नां रामानंद एंड को० हा । सुनां दे न, जे पैहली गड्डी रामनगर 1990-91 वि० च पुज्जी ही । पर समें दे कन्ने रामनगर च फही कोई खास तरक्की नेई होई । कारोबार घटदा गेआ ते केई लोक बाहुरा गे उठी । हून अपनी हुकूमत बेलै रामनगर फही तरक्की करन लगा ऐ । जेड़ी मती जड्डी (सुस्त) रफतार च ऐ । धार रोड दा बी बक्सियें टप्पना एदा इक कारण ऐ ते हुआ औद्योगीकरण की कमी ऐ । बेकारी, बमारी ते पीने दे पानी की तंगी जनेहियां केई समस्यां न ते जिन्दे समाधान की लोक भेद रखे न । □

० बाईं नं० । अध्यापक नगर, रामनगर-182122

गीराजा : दिसंबर '90-जनवरी '91 / 21

लोक धारा

डुंगर दियां शिलाबैतिया

(पंचायत गुढ़ा सलाधियां)

□ पवित्र सलाधिया

डुंगर धरती दा चप्पा-चप्पा जित्थें मंदरे, मसीतें, गुरुद्वारे ते गिरजाघरें दी सगोसारी च रस्सा-वस्सा दा ऐ उत्थें शिलाबैतियें दी पूजा कुल-देवियें दे रूपा च रोजान्ना दी जिदगी च होदी ऐ ते इत्थें शिलाबैतियें दी सवल्ली नजर बी इत्थूं दे जिया-जैत ते उंदी समृद्धि दी रक्खेआ करा करदी ऐ। डुंगर दा कोई बी ऐसा थाहूर नेई जित्थें इत्थें कुल-देवियें दी पूजा नेई होदी ते कोई हक गै ऐसा हिन्दू परोआर होग जेह्वा इंदी मानता नेई करवा होग पर आमतौर पर दिक्खने च ए आँदा ऐ जे सारें गै इंदी मानता-म्हत्ता ऐ।

० शिलाबैती शब्द दी उत्पत्ति ते व्याख्या :—शिलाबैती शब्द संस्कृत 'शीलवती' दा विकसत रूप ऐ। शिलाबैती शब्द दी उत्पत्ति च संस्कृत 'शील' धातू दे कम्मे मतुप् + डीप् दी प्रत्ययें दी योजना ऐ। (शील + मतुप् = शीलवत् + डीप्) हिन्दी मानक कोश दे मतावक शील शब्द पुलिग संज्ञा ऐ जिसदा अर्थ 'मनुष्य का नैतिक आचरण और व्यवहार; विशेषतः उत्तम और प्रशंसनीय या शुभ आचरण और व्यवहार' अर्थात् माहूनू दा चाल-चलन ते बरता-व्यवहार।

हई भेठा शील थमां बने दे स्त्री वाचक शीलवती शब्द दा अर्थ 'शीलों का पालन करने वाली या उत्तम शीलवाली'। संस्कृत 'वती' थमां डोगरी च 'बैती' रूप डोगरी भाशा दी उच्चारण व्यवस्था दी नशानदेही करदा ऐ, की जे मुँडले 'व्' गी 'ब' ते पही 'ऐ' ते अनुनासिकता दियें प्रधान प्रवृत्तियें कारण 'वती' दा 'बैती' रूप इत्थ्यार करना बड़ा मनासब ऐ।

डुंगर च शिलाबैती शब्द दा अर्थ संकुचित होई गेदा ऐ ते की जे डोगरी दा शिलाबैती शब्द सभने शीलवान यानि सन्त पवित्रर नारियें आसतै नेई बरतौंदा, बल्के सिर्फ उनें

नारियें दा वाचक ऐ 'जिनें अपने स्त्री-धर्म दा पालन करदे होई आतम बलिदान दिते दे न ते डोगरी-डोगरी डिवशनरी मतावक बी शिलावैती शब्द दा अर्थ इस चाली ऐ "अपने सत पर कायम रहिये सनी होने आली जनानी" (शीलवती)। इस चाली ए स्पष्ट होई जंदा ऐ जे डुग्गर समाज च शिलावैती शब्द उनें नारियें आस्तै बरतेआ ऐ जेहूँड़ियां अपने स्त्रीत्व दी रक्षा जां कुसै नां कुसै पवित्तर उद्देश गी लेइयै सती होई दियां न।

आखने दी लोड नेई जे डोगरी शब्द 'शिलावैती' संस्कृत 'शीलवती' दा गै विकसत रूप ऐ ; रेही गल्ल अर्थ संकोच दी ते ए सब जानदे गै न जे भाशां दे विकास क्रम च अर्थ विकास बी एक सभावक प्रकिया ऐ।

उंआं डोगरी 'शिलावैती' आस्तै इलाकाई भेदे दे आधार उपपर इसदे होर बी केई पर्याय बरतोंदें न जियां :—

सजौती, सेकती, सतवैती बगैरा-बगैरा।

० सजौती :—'सजौती' शब्द स्त्री वाचक शब्द ऐ जिसदा अर्थ डो० डो० डिवशनरी मतावक कुल-देवी, सजावती बगैरा ऐ। इसदे बी इलाकाई भेदे उपपर होर भेद न, जियां सजेती, सजाती, सजेवती। ए शब्द सारे डुग्गर च बरतोंदे न।

० सेकती :—डुग्गर च शिलावैती दा गै एक पर्याय 'सेकती' बी बड़ा प्रचलत ऐ। इस शब्द दी उत्पत्ति च 'सकैत' शब्द दा योगदान लभदा ऐ। डो० डो० डिवशनरी मुजब 'सकैत' शब्द विशेषण ऐ ते इसदा अर्थ "साक्षात चमत्कार दस्सने आला" गलाया गेदा ऐ ते सकैत देवी जनेहा प्रयोग बी डिवशनरी च दर्ज ऐ उंआं सेकती शब्द दी पृष्ठभूमि च कांगड़ी 'सकत' शब्द दा हृत्थ बी लभदा ऐ, जिसदा अर्थ शक्ति, साहू-सत, बल ते सकत लैता जंदा ऐ। खैर 'सकत' ते सकती दोऐ शब्द 'सेकती' शब्द दी अन्तरात्मा कन्ने काफी सरबंधत लभदे न ते सकैत देवी जनेहूँ प्रयोग 'सेकती' गी शिलावैती दा गै पर्याय मन्नने च सहयोग बी दिंदे न। (सकतू शब्द पीरें-फकीरे आस्तै बी डुग्गर च बड़ा प्रचलत ऐ।)

० सतवैती—'सतवैती' 'सत्यवती' दा विकसत रूप ऐ। उंआं इस शब्द दी बरतून पूरी चाली शिलावैती शब्द दे पर्याय रूप च नेई होंदी पर जैकारे ते घमाइयें दे दरान "जै बूआ सतवैती" जै माता सतवैती करिये बुलाया जंदा ऐ।

शिलावैती दा गै रूप सिलावैती बी डुग्गर च प्रचलत ऐ।

बूआ, अम्मा, ते माता रिष्टे दे शब्द न ते माऊ जनेहा हिरख ते नेइमां सरबंध व्यक्त करदे न ते दाती शब्द उसदा दया भाव ते देने आली दयावाण दी पुष्टी करदा ऐ ते उसदे गुणें दा वाचक ऐ।

ऐसियां मतियां गै घट्ट शिलावैतियां न जिंदे नां मिलदे न, अम्मा, बूआ, दाती, जां माता कन्ने शिलावैती लाइयें जां पर्याय शब्द लाइयें गै इन्हें गी बुलाया जंदा ऐ। नां नेई लैने दा कारण जेहूँड़ा सामनै आंदा ऐ ओ ऐ जे डुग्गर च बड़डे दा नां लैना पाप समझेआ जंदा रेहा ऐ, ते जंदा बी ऐ। इयें कारण ऐ जे डुग्गर च इन्हें शिलावैतियें दे नां नेई लभदे।

जियां के पिच्छे गलाया गेआ “शिलाबैती” अपने सत पर कायम रहियै सती होने आली जनानी लेई बरतेआ जंदा ऐ तां इत्ये ए स्पष्ट करना बड़ा जरूरी ऐ जे उंयां ते सती अमूमन अपने पति दे मरने पर उस कन्ने जली मरने आली स्त्री आस्तै बरतेआ जंदा ऐ, पर डुंगर च ‘सती’ शब्द दी बरतून इन्नी संकुचित जां महहूद अर्थे च नेई होंदी की जे डुंगर च मतियां-सारियां ‘सती’ अपने पति दे मरने पर गै नेई बल्के भ्रांए कन्नै, पुत्तरे कन्नै, पिता कन्नै जां पही समाजक ते राजनीतिक कुबैहूतें दे खलाफ बगावती रूप इस्त्यार करदे होई दियां न ते इक गल्ल पक्क ऐ जे उंदे सती होने पिच्छे कोई नेक जां पवित्र उद्देश गै लभदा ऐ जियां : बाबा जित्तो दी श्री बूआ कोड़ी ने अपने पिता दे पिच्छे सती होइयै मँहता वीर सिंह दे जालमाना रवेइये दी बगावत कीती । तुआहीं दाता रणपत दी माता आलमा ने दाते दे बे-रैह्म कतल कारण बांगी चाड़कै दे दुष्ट व्यवहार दे खलाफ सती होइयै अपना कोप दस्सेआ । तसील साम्बा दे ग्रां ‘नड्ड क’ली’ च हरिजन जाति दी शिलाबैती जेहूड़ी उसदे भ्रा गी बरादरी पासेआ ‘जान्नी नेई लेई जाने करी कि जे ओ सिद्धू सभाऽ आला ह्या ते पही धाम खान गेदे सती दे भ्रा गी ए आखने पर जे ए “कलैक” साढ़े ताई कुत्तू रखे दे न ।” दोऐ भैन-भ्रा सती होई गे ते अपना कोप (तत्काल गै जान्नी जेहूड़ी कुतै हूए ग्रां रुट्टी खादी ही च वाल ते लुढ़ै होई गे) दस्सेआ । तसील साम्बा दी गै शिलाबैती (ध्वज ग्रां च) जिसदी अमर गाथा हजारों साल पुरानी ऐ नै शाही निजाम दे खलाफ अपना बगावती रूप धरियै की जे उसदी कपला गी गी राजा जबरदस्ती लेई जंदा ऐ ते गी मरी जंदी ऐ नै सती होइयै अपना चमत्कार दस्सेआ ते अपनी मानता करोआई ।

इत्ये इक गल्ल होर दस्तना जरूरी ऐ जे डुंगर च किश ऐसियां शिलाबैतियां वी पूजियां जंदिया न जेहूडियां सती होने दे बजाए धरती च समाई गेदियां न । इन्ने कुल-देवियें गी वी शिलाबैती गै आखेआ जंदा ऐ । जियां पतेआ सपोलियें दी ग्रां सलमेरी च शिलाबैती ऐ ते ग्रां संगोआल च ‘असकोत्रे’ जाति दी शिलाबैती ।

० कुल-देवियें दी मानता ते म्हत्ता—हर शिलाबैती गी कुल-देवी दे रूप च डुंगर च पूजेआ जंदा ऐ । उंयां ते हर कुल-देवी दी मानता ते म्हत्ता दे बख-बख रूप न पर इन्ने कुल-देवियें दी पूजा दे किश सांखे बिधान वी न । खास गल्ल जेहूड़ी साढ़े सामनै आँदी ऐ ओ ए जे इन्ने अपनी मानता उस्सै कुल थमां गै करोआई जिस कुल कन्ने इंदा सरबंघ हा । पर केश्यें कुल-देवियें गी हूए कुल दे लोक वी पूजदे न ते सुखनां करदे न । जिसदा कारण लोकें दा ए बिश्वास आखेआ जाई सकदा ऐ जे उन्ने गी उस कुल-देवी दे पूजने जां सुखन पूरी होने पर उस फल दी प्राप्ती होई होग जेहूड़ी उन्ने उस कुल-देवी दे कीती दी हो ते पही सुनो-सुनी हूए लोक वी उस कुल-देवी उपपर श्रद्धा रखन लगी पे होइन ।

इन्ने कुल-देवियें गी घरा दे हर शुभ कम्मा दे मौके चेता कीता जंदा ऐ ते इंदी मानता कीती जंदी ऐ । व्याह्-कारजें दे मौके इन्ने गी चेता करना मता गै म्हत्तवपूर्ण समझेआ जंदा ऐ । लोक उन्ना चिर तसल्ली नेई करदे जिन्ना चिर इन्ने कुल-देवियें दे किश अपंत नेई कीता जा । सांदी दी धामां मौके पैहूली पत्तल कुल-देवी दे नां दी रखी जंदी ऐ । (जिदी कुल-देवी नेई होऐ ओ कुल-देवतें दी रखे दे न) । व्याह् दे मगरा रकादे फिरने दी रसम कुल-देवियें दे परदखना लेइयै ते मत्था टेकना लाजमी समझेआ जंदा ऐ ।

फसल दा नमां-पराना अन्न इंदे अपंत कीता जंदा ऐ । हर छे-छे म्हीने मगरा नमी फसल

होने पर इंदे मंदरें चढ़ाई जंदी ऐ। जां गुड़ ते कनक भुन्नियै जिसगी 'महंडे' गलाया जन्दा ऐ चढ़ाए जंदे न। तमी फसल कुल-देवियें दे नां दी कुल-परोहूत गी बी दिती जंदी ऐ।

कुल दी वृद्धी आस्तै, माल-मवेशी दी रक्षा आस्तै, भूते-प्रेते थमां बचास आस्तै ते रोजान्ता दी जिन्दगी च आँने आलियें मुसीबतें आस्तै बी इंदा म्हुतव समझेआ जंदा ऐ ते ए विश्वास कीता जंदा ऐ जे ए कुल-देवियां गै इन्हें चीजें दा बचास करदियां न।

फसल राहूने दे मौके जां फसल राहियै बी बरखा नेई होने पर इंदे 'जग' कीते जंदे न।

'सगताले' घरा च होने पर कुल-देवियें दे मंदरे लोक नेई जंदे। 'सगताले', घरा च ज्ञाना होने पर तेरां दिन तक मन्ने जंदे न।

'मगताले' घरा च होने पर बी कुल-देवियें दे मंदरें नेई जंदे। 'मगताले', घरा च मौत होई जाने पर तेरां दिन चलदे न। सगतालें ते मगतालें दे सारे कुल गी कुल-देवी दे मन्दर जाना बजंत समझेआ जन्दा ऐ।

कुल-देवी दे मंदर उस कुल दियां कुड़ियां भाएं ओ व्योही दियां होन मत्था नेई टेकदियां की जे कुल-देवी उस कुल दी गै होंदी ऐ ते डोंगरें च कुड़ियें थमां पेरें हत्व नेई लुआदे।

अज्ज कुल-देवियें दे बारे लोकें दा इन्ना पक्का विश्वास ऐ जे ए कुल-देवियां गै कुल दी रक्षा करदियां न ते इन्हें कुल-देवियें गी इन्ना म्हुतवपूर्ण समझेआ जन्दा ऐ जे लोक अपनियें गड़ियें-मोटरें पर बी इंदा "जे-कारा" लिखता इन्हें कुल-देवियें दा मान समझदे न।

इन्हें कुल-देवियें दे पुजारी उस कुल दे गै लोक होंदे न ते जोगियें गी खाम उत्सव दे मौके गै सद्देआ जन्दा ऐ।

इत्थें असें ग्रां गुढ़ा सलाधियां ते आले-दुआले दियें बक्ख-बक्ख जाति दियें कुल-देवियें गी लैते दा ऐ। जिन्दी मानता ते म्हुत्ता बी बक्खो-बक्ख ऐ। इस करी जंदी म्हुत्ता ते मानता दे किश रूप अस हर जाति दी कुल-देवी दे कन्ने-कन्ने बी देगे।

पंडित बाबूगाम ते पंडित बूआ दित्ता जिंदी उमर 75 ते 80 दे मझाटे ऐ उंदे मुजब ग्रां 'संगोआल' च उंदी अपनी 'असकोत्रे' जाति दी शिलावैती हजार ब'रे शा बी मती पुरानी ऐ। शिलावैती दा नां 'ग्यानो देवी' हा ते उसदी जात 'बक्कडिये' ब्राह्मन ही। जिस जगह शिलावैती दी देहूरी ऐ उस जगह गी 'सनेहूरी' गलाया जंदा हा। ग्यानो देवी दा व्याह असकोत्रे दे घर होने पर पैहूलें बारी जद् ग्यानो देवी रसोई लगदी ऐ तां रसोई च बनी दी सब्जी दी बाशना लैदी ऐ (जियां क आम जनानियां करदियां न) तां नतान ए गल्ल आखदी ऐ जे "भावी कन्ने पकास दी कन्ने खा दी ऐ। भाइया हीर बाहूरा औदे तां सनानी आं।" ग्यानो देवी कि जे सच्ची होंदी ऐ इस करी ओ भगवान अग्रे प्रार्थना करदी ऐ जे ओ सच्ची ऐ तां घरत माता उसी बिरल देई देऐ तां जे ओ घरती समाई सकै। घरती सच्चें गै बिरल देई दिन्दी ऐ ते ओ बिच समाई जंदी ऐ। उसदे ओड़नू दी सिर्फ चूक बाहूर रेही जंदी ऐ। कुसै बजुर्ग नै घरती पट्टने दी सलाह दिती ही पर घरती चा अवाज आई जे तुसें गी किश नेई लभुग। उसदे बाद गां दा गां गै उजड़ी गेआ। उस गां च नेहा कोप छायो जे लोक गां छोड़िये 'एम्बलपुर गगयाना' (पाकिस्तान) च जाई बसे। जेलै ए कोप उत्थै बी दूर नेई होआ तां लोकें कुमै स्थाने जोगी शा इस कोप बारे पुच्छेआ तां उसनें ग्यानो देवी दी हत्था

दा दौश दस्सेआ ते उसदी कुल-देवी दे रूप च मानता करिये मन्नने दी सलाह् दित्ती । उसदे बाद लोके 'सनैहूरी' (संगोआल) जिस जगह ग्यानो देवी धरती समाई दी ही देहूरी बनाइयै उसदी मानता किन्ती ।

इस थाहूरा गी अज्जकल ग्यानी गै आखेआ जंदा ऐ । ते खास गल्ल ए जे इस शिलाबैती दे 'नुहाने' (नूहें) दे बजाए 'ध्यानां' रकादे फ़िरदियां न । ग्यानी दे तलाऽ न्हीने करी चम्बल दद्वर खारश रोग दूर होई जंदे न । अज्ज इस शिलाबैती दै असकोत्रे गै नेई बल्के लागे-बन्ने दा दूइयें जातियें दे लोक बी औंदे न । ऐतवारें ते मंगलवारें ज्यादातर शनान करना खरा समझेआ जंदा ऐ । हर जेठ म्हीने दी पुन्नेआ गी इस थाहूर मेला लगदा ऐ जग्न कीता जंदा ऐ । सगोआल गां इसलै इस देहूरी शा इक कि० मी० दी दूरी पर होना ऐ ।

गां राजेंद्र सिंह पुरा च महाजन बरादरी दी शिलाबैती गी जम्मू दे अलावा दिल्ली, चंडीगढ़, पंजाब, ते उत्तर प्रदेश चा बी लोक मनदे न । कत्ते म्हीने ही पुन्नेआ गी गां च आइयै जग्न हवन करदे न ते अपनी शिलाबैती अग्नै श्रद्धा दियां भेटां चढ़ादे न । इस गां च ते इस बरादरी दा उयां कोई घर नेई पर तसील रणवीरसिंह पुरा ते तसील जम्मू च महाजन बरादरी दी 'गुरु जन्निये' जाति जेहूड़ी इस शिलाबैती गी पूजदी रौहूदी ऐ । ते बाकी लोक जम्मू-कश्मीर थमां बाहूर दा औंदे न । श्रीमती कृष्णा देई (उमर 75 साल) हुंदे मुजब अज्ज थमां तकरीबन 300 साल पैहलें उंदी गुरु जन्निये जाति इस गां च बसदी ही । ते उसदे परैत 'कुनुवाल' (सयालकोट पाकिस्तान) च बंड थमां पैहलें रौहूदे हे ते बाद च रणवीरसिंह पुरा च आई वस्से । अपनी शिलाबैती दे बारे च उनें दस्सेआ हा जे स्हाड़े नमीं व्याहूता कन्ने भ्रा भेजदे बी हे ते औंदे बी हे । शिलाबैती दा कोई भ्रा नेई हा ते ओ गुरु जन्नियें दियां 'नुहान' (नूह) हियां । उंदे कन्ने भ्रा दे थाहूर नाग गी भ्रा बनाइयै भेजेआ गेआ हा । इक दिन शिलाबैती कण्ठे धोन तलाऽ पर गेदियां हियां जे उदें टल्ले पर खून दे छिट्टे पे । घर औने पर उनें गी पता लग्गा जे नाग, जेहूड़ा के उंदा भ्रा हा, गी घरेआले मारी दित्ते दा हा ते ओ उस नाग भ्रा कन्ने गै सती होई गेइयां । राजेंद्रसिंह पुरा च देहूरी अज्ज थमां 7-8 साल पैहलें बनाई गेई ही । श्रीमती कृष्णा देई उंदे मुजब गै उनें गी सुखनै च मोहूरे (तसील रणवीर सिंह पुरा गै) गां राजेंद्रसिंह पुरा च लव्भै हे ते बाद च उनें इत्थें पुच्छ-परतीत कीती ते पराने मोहूरे लव्भी गे जित्थें अज्ज उनें देहूरी बनाई दी ऐ । उंदे मुजब ए गल्ल हजार बरें शा बी पुरानी होई सकदी ऐ । मेरा निजी वचार ऐ जे नाग जाति कन्ने ए सरवंधत गल्ल प्राचीन समे दी होई सकदी ऐ ।

अज्ज जित्थें बी गुरु जन्निये जाति रौहूदी ऐ अपनियां राहू-रीतां इत्थें आइयै गै करदी ऐ ।

गां गुढ़ा सलाथियां च हरिजन बरादरी दी 'चगदाल' जाति दी शिलाबैती दी देहूरी देविका दे कंठे पर ऐ । श्री हीराराम (उमर 92 साल) हुंदे मुजब—स्हाड़े वजुगं श्री कंदू राम होर गुढ़ा सलाथियां दी 'मंडी पुहाली' च श्री विक्रमा सिंह हुंदे रौहूदे हे । श्री विक्रमा सिंह होरें श्री कंदूराम होरें गी 'सीवां' नां दी गुज्जरी कोला लेआ ते सीवां गी कंदू राम होर ते उंदी भैन कुसै कहूत च भुल्ले दे मिले हे । भैनू दा व्याहू सीवां नै गै करी दित्ता हा ते श्री कंदू राम हुंदा व्याहू श्री विक्रमा सिंह ते पंत दमोदर होरें रामनगर दा 30 रुपेऽ कन्ने शाहें कोला कुड़ी खरीदिये कीता हा । कंदू राम हुंदियां 6 धियां ते सत्त पुत्तर हे । उंदे सुगंवास परैत उंदियां धर्मपतनी उंदे कन्ने सती होई गेइयां हियां । श्री हीराराम होरें दस्सेआ हा जे

इस सती दा बरोध गुढ़ा सलाथियां दे राजपूतें ते ब्राह्मने कीता हा । पर सती होने आलियें आखेआ हा जे मेरी धी 'बोई आले डड्डलै' पर अबा करदी ऐ (जेहूड़ा उत्थूं दा धो मील दी दूरी पर होना) जेकर ओ नेई आई तां में सती नेई होंड पर किश चिर परंत गै उंदी धी आई गेई ही । ते लोक ए चमत्कार दिक्खियै पिच्छे होई गे । ते ओ सती होई गेइयां हियां ।

श्री हीराराम होरें गै दस्सेआ हा जे बरोध दा कारण स्थाड़ा हरिजन जाति दा होना हा ते लोकें दा बचार हा जे सती सवर्ण जाति आले गै होई सकदे न ।

हाड़ म्हीने दी पड़ेआ (पुत्तेआ दे दूए रोज) दाती दे जग्ग कीता जंदा ऐ । श्री कंदू राम हुंदे सत्तें पुत्तरें चा छें दी लुआद चली ते जेहूड़ी मनानू, मुत्था, कंहरा आली, अमोआल, बंदोआल, रख बरोहियां ते गुढ़ा सलाथियां च बसा करदी ऐ । इक परोआर जंगू चक्क पाकिस्तान च बी हा जेहूड़ा अज्जकल खानपुर तसील साम्बा च बस्सै करदा ऐ । हर साल हाड़ म्हीने दी पड़ेआं गी शिलावैती दी देहूरी पर मेल लगदी ऐ ते जग्ग हवन कीते जंदे न । इनें सभनै ग्रांए चा लोक आइयै फसला दा नमां चढ़ादे न ते सुक्खनां करियै फल प्राप्त करदे न ।

ग्रां गुढ़ा सलाथियां दी सलाथिया राजपूतें दी शिलावैती 'राधका देवी' दी पूजा कीती जंदी ऐ । इस शिलावैती गी गुढ़ा सलाथियां दी 'उड्ड मंडी' कुल-देवी दे रूप च मनदी ऐ । राजा सुचेत सिंह हुंदे शहीद होने पर उंदियां रानियां साम्बा च सती होइयां हियां । कुमेदान गोपाल सिंह होर बी राजा सुचेत सिंह कन्ने गै शहीद होई गे हे । उंदी धर्म पतनी श्रीमती राधका देवी होर उसलै 'हरसर' ग्रां जिला कांगड़ा च हियां । जित्यें उनें गी ए आगम आया जे गोपाल सिंह होर शहीद होई गे न ते उनें अपने भ्रा गी गलाया जे मिगी गुढ़ा सलाथियां छोड़ी आओ पर उनें राधका देवी दी ए गल्ल नेई मन्नी ते आखेआ जे ए कियां होई सकदा ऐ । पर राधका देवी ने ग्रां दे कुसै बसनीके गी गुढ़ा सलाथियां चलने लेई आखेआ ते अपने भ्रा गी ए श्राप दित्ता जे जा तेरे घर लुआद नेई होग । ते उत्थूं दूरी आइयां । गुढ़ा सलाथियां पूजदे गै उनें गी पता लगगी गेआ जे उंदा आगम सच्चा हा ते उनें सती होने दी इच्छा दस्सी दित्ती । श्रीमती जय देई माता श्री जगदीप सिंह हुंदे मुजब जेलै सती होने आस्तै देवका लेआ करदे हे तां रस्ते च कुसै आखेआ जे असेई कियां पता लगग जे तुस गोपाल सिंह कन्ने मिली गेइयां ओ । तां उनें पलाहू, दी सुक्की लक्काड़ी धरती दब्बी दित्ती ते आखेआ जे परतोदे जेलै इस टाहूली गी पत्तर होइन ते बरखा पौग तां समझेओ जे मेरी रूहू, उंदे कन्ने मिली गेई ऐ । सती होन लगदे ग्रां दे बज्जंग श्री अमर सिंह गी श्राप दित्ता जे तू मेरे चरित्र पर शक्क कीता ते तलोआर कन्ने लेआयां जा तेरे त्रौ पीड़ियें जा उप्पर लुआद नेई होग ते ओ सती होई गेइयां । जेलै देवका दा परतोए तां पलाहू, दी टाहूली गी पत्तर बी हे ते बरखा बी पेई ते श्री अमर सिंह दे पोतरे श्री मंगत सिंह दे चार व्याहू, करने पर बी लुआद नेई होई । ते तुंआहू, हरसर कांगड़ी बी इयै स्थाव होआ ते उंदे सक्के भ्रा दे बी लुआद नेई होई उंआं चाचे दे पुत्तरे दी लुआद चला करदी ऐ ।

शिलावैती राधका देवी दी देहूरी 'गोपाल सर' नां दे तलाउ उप्पर स्थित ऐ, हर बरें उतरैनी आले रोज जग्ग-हवन कीता जंदा ऐ । ते हर सरगां दी आले रोज इत्ये कीतन बी कीता जंदा ऐ । फौजी छुट्टी ओदे-जंदे इत्ये मत्था टेकदे न ते आम लोकें दी बी इस शिलावैती बारे बड़ी श्रद्धा ऐ ।

विशेष :—इत्ये ए आखना बी जरूरी ऐ जे डुगार च शिलावैतियें दी पूजा हिंदू परोआरें च ते सिक्ख परोआरें च गै होंदी ऐ । □

• उड्ड मंडी, गुढ़ा सलाथियां, जम्मू

शीराजा : दिसम्बर '90-जनवरी '91 / 27

कहानी

उपली बंडा दा चिऊंतर

□ ओम विद्यार्थी

अज्ज 'पला' पैन्शनी होइयै घरै गी परतोऐ करदा हा। ओदा लुतरा मन मस्ती च इयां भरोई जारदा हा अशकै फलूस होऐ। अगै जवू वी ओ घर आँन्दा, दिन आँगली पर गिनना पेई जन्दे। पर एहूकी नडा ओदा सहर ओपरा गै हा। कदै छुट्टी नि मुक्कन लगी। हून ओ इक बारी फही अपने बचपनै दी मालती कन्नै खिड़ग। ओ बां, बाई कंढे लग्गे दा घना-गुप्प चिऊंतर, लम्मे-लम्मे खेतार, ख'ल्लै बगदी चोई ते भांती-भांती दे पक्खरू। फौजा च ते खड़े ग्राहें छुट्टी खाओ ते कोआद करदे चलो, मन होऐ भां नेई। रातीं सुखने च वी कड़वड़-काड़, रफलै दे गड़ू मे ते लैफ्ट-राईट गै सनोचदा छड़ा। केहू नौकरी ऐ उंआं फौजा दी, चलो खलासी हाई पिजरे पेदी जिन्दू कछा। हून खु'ल्ले अम्बरा पर मालती कन्नै डुआरां भरंड।

गड्डी 'देआले चक्क' खड़ाती तां सोचै दी तंद ब्रुट्टी। बलौरे आली गड्डी पर समान चाढ़ेआ ते सीट पर बेही मेआ। ओदी अगै आली सीटा पर नमां ब्होऐ दा इक जोड़ा बँठे दा हा। उनै गी दिखदे-दिखदे 'पलै' दी अक्खीं च मालती दा लौहूकी उमरी दा मुहांदरा फिरन लगा।

मालती ओन्दे-जन्दे उपरली बंडा दी बाई कछ बँठी दी लवभी गै जन्दी। कदै-कदै चिऊंतरै दी ठंडी छाँआ हेठ ओदी अक्ख वी लग्गी जन्दी ते 'पला' बगदे नाड़ुऐ हेठ हल्य रक्खियै नेही टंडीरी कढदा जे सिद्धा मालती दी जिन्दू पर पौन्दा ते मालती उम्बली खड़ोंदी।

“पलेआ खजालती छुडी दे।”

“अड़िये लौहूके-लौहूके हे तां इक-दूऐ पर इस बाई दा ठंडा-ठंडा पानी सुट्टन लगे हे अज्ज कोई ओचन ऐ केहू ?”

“ओचन गै पलेआ। हून अस जागत नेई, जुआन होई गेदे आं।”

“तां केहू, होई गेआ ऐ, बहारा-सिर सबस किछ फुलदा । ओ दिवस हां पलै दे बूटै पर टटूहे कियां हस्ता रदे न ।”

“जियां तेरे गड़ाके ।”

“नेई, जियां तेरे खाखै दा लहू ।”

पही ओ दमै हस्सी-हस्सी दोहरे होन लगदे । दीं जुआन दिलै दियां ठाठां, बाई दे नाइए दे बुम्बै साई छैहू-छैहू, बगदियां गै जंदियां, चिऊंतरे दा खख जियां बाई दी सीर सुक्कन नि दिन्दा उंआं गै अपनी घनी छाँआं हेठ, मालती ते ‘पलै’ दी हिरखी कोरज बी सुक्कन नेई दिन्दा ।

जदू कदै ‘पला’ नगरै दा परतोदा तां मालती उसै चिऊंतरे बूटै हेठ ठंडे नाइ दियां ठाठां दिखदी-दिखदी बलगदी लभदी । ‘पलै’ गी दिखी मालती उम्बली खडोंदी—

“भिककी बलगदे किच्चर होई गेआ ऐ ।”

“जड़िये गड्डी दा ठैर गै रस्तै च पैचर होई गेदा हा ।”

“रोज उयै बहान्ना, औ छड़ी न्हारी करियै आई ही ते ए बेला होइया । गंडी ब’ने दे भठूरे उंआं गै बज्जे दे न ।”

“तू खाई लेनी ही ना मालती ?”

“हूँ, भला बुआड़े थमां पुज्ज कियां खाई लेन्दी ।”

“पही उयै पराना डांम ।”

“डांम नेई तां होर केहू, मेरे बगैर पानी बी नेई हा पीना पही, चल लफाफा फड़, जलेवियां कड्ड ते शुरू होई जा ।”

जलेवियां सम्भदे गै मालती गलांदी—“जलेवियां सम्भी गेइयां पलेआ पर ढिड्ड भरोचा नेई ।”

“ढिड्ड ते भठूरे कनै गै भरोचना मालतिये, कड्ड भठूरे दमै खाई लेवै ।”

“आ हा इस बाई दा पानी बी किन्ना सुआदला ऐ, ठंडा-ठार भर-सोहे बी ।”

“ए चिऊंतर रुखै दा गै कमाल ऐ मालतिये, पूरे प्रां च छड़े दीं गै रुख न एदे, इक उपलिया बंडा ते हुआ खिललिया बंडा । एदियै पीड़े दे कुंजै च गै कोई जादू-टूनां ऐ, तां गै पानी बी कोरज बारां न्हिने चलदी रौहू दी ते प्रां दे बाकी सारे पन्यास सुक्की जन्दे न पर इत्थे छर-छर पानी बगदा रौहू दा ।”

“इस बाई ते चिऊंतर रुखै दा केहू, नाता ऐ पलेआ ?”

“जेहू का पले ते मालती बछकार ऐ, पानी बी सीरै थाहूर हिरखै बी सीर मिथी ले ।”

गड्डी सड़का पर दीड़ी जा करदी ही ते पलै दी अक्खी च दीड़ा करदी ही मालती । सड़कै दे दोन्नी बक्खी पलै दे बूटै पर सूहे ढन्हार फुल्लै दा गुहाड़ मने गी उंआं गै छूही जन्दा जियां मालती दा सूहा-पीला परान्दा । ब्याहू होनै परैत मालती गी टटूहे दे रंगै दा परांदा गै प्यारा लगदा । परांदे दे रंगा च उसै टटूहा ते टटूहे दे रंगै च पलै दा मुहांदरा नजरी पीन्दा ।

सड़का कंठे मज्जे दे पलै दा टाह्ले बढोने पर टुंड-मुंड होना फुल्ले दा खिड़ना नेई खडेरी सक्केआ। एकख लोके ईया टुंड-मुंड करी ओडे दे हे जियां फीजे दी नीकरी न ओदियां सद्धरां, हीखियां ते मन-मानियां। पलै दा जिगरा फीजी दे जिगरै साईं गै होन्दा, लक्ख औखां होन, हार थोड़ा मनदा। जदू कदै फीजी छुट्टी घर आन्दा तां इनै टटूहें साईं खिड़ी-खिड़ी पौन्दा।

‘फिन्तर गड्डी परा उल्ले, पलै डडुआई आली बक्खी मुंह फरकाया गै जे रहाना रेही गेआ, ढक्की पटोई दी ही, सड़क बना रदी ते रोड़ी बिछा रदी ही।

“इस ढक्की दी सारी रीस गै गुआई छोड़ी सारे बूटे बड्डी टकाए दे, सड़क बनानी गै ही तां ढक्की बी रोहन दिन्दे ते सड़क पारै बरेतियै च लंघाई लैन्दे पर कोई अक्कली आला होन्दा सर्वे करने आला तां नां।”

“है, ए केहू, बां बी सुकी गेदी, शेर-मुंहे कुप्पड़ा च कियां छैहू-छैहू पानी बगदा हा, हून तरेली बी नेई रेहू दी। ए बां सुक्की ऐ तां इनै बूटे करी गै, बांई कछ जेहूका चिऊंतरे दा बूटा हा ओ बी बड्डी टकाया, बरसांती दियै बरखै गी नचेड़ी, अपनी पौंडे च पानी सम्हाली रखदा हा, चिऊंतर बढोआ तां सीर बी सुक्की गेई।”

किछ जागत-जनानियै गी पानी दियां खाल्ली बल्टोइयां, मट्टीं, पीपे ते कैनियां चुक्के दे उपली बंडा बक्खी जन्दे दिक्खियै पलै पुच्छेआ—

“भई, पानी भलेआं सुक्की कियां गेआ ?”

“सोहै पिचलै दी सड़क बनना शुरू हो दी सेयालै गै पानी दी सीर घटी गेई ही, पर गजारा चलदा रेहा। हून भलेआं गै बां सुक्की गेई। थुआड़ी बंडा दे नत्थू होर M.L.A. चनोई गेदे, उयै ए सड़क लेआ रदे अपने घरै गी। चिऊंतरे दा बूटा बड्ढन लाया तां असै मुद्धा रीला पाया जे इस बूटे गी नेई बड्ढो, पानी दी सीर सुक्की जानी पर नत्थू होरै गलाया ईयां सड़क नेनै पर खर्चा घट्ट पीन्दा। पानी आस्तै पैपां दबोए र दियां पानी दी केहू चैन्ता, घर-घर नलके लुआई देड।

नलके दियां पैपां ते दबोइयां पर पानी तारै-मंगलै गै आन्दा। जदू आन्दा बी ऐ तां छड़ा उबलदा-गड़कदा पानी गै। अज्ज दी रोज होए न पानी आ दे, आओ-जारी बनी दी।

“पला जी थुआड़ी बंडा आली बांई कछै गै सड़क न लेआरदे, कल ओकड़े चिऊंतरे गी बी बड्ढन लगे दे न, ओदे बढोने कन्ने कुतै थुआड़ी बंडा दा पानी बी नेई सुकी जा।”

“पानी कदै सुक्कन नीं लगा मेरी बंडा दा, ओ चिऊंतर कदै नि बढोई सकदा। जेहूका बड्ढने गी अगै होआ, हत्य टक्कीं देड ओदे। एकखै दा ए मुल्ल पाए दा तांहीं दे नेता लोकै। मड़ा इनै बूटे करी गै साढ़ी जिन्द चला रदी ऐ। 22 अप्रैल गी संमार-भरै च धरत-ध्याड़ा (Earth Day) इसै लेई मनाया गेआ जे बिगड़दे चपासमीं ताल-मेल गी सघारेआ जा ते मते-मते बूटे लाए जान तां जे साढ़ा चपासम चनिन्द रेही सक्की। तांहू, इस गल्ला दी कोई भिनक नेई पेई।

“भिनक छुड़ी खरा जलसा बी होआ हा जम्मू महामाया च उत रोज पर सब किछ काकलै पर गै रेही जन्दा। बड्ढे-बड्ढे लोक बड्ढे-बड्ढे भागण देई री उठीं दे कारां धमकान्दे। छड़े लोहे दे बोर्ड रेहीं दे, बल्लै-बल्लै उनै गी बी जंगल समाही ओडदा।”

CC-0. Late Pt. Manmohan Shastri Collection Jammu. Digitized by eGangotri

“नेई ए जुरम ए साहै कर्नै, असे गी पूरा हक्क ऐ जे पन्थारों च बोरजां देने आले इन्हे रखलै गी बचावै । उत्तर प्रदेश च बूटे बढोते लगे तां जागते-जगानिये रखलै बूटे गी कुम्मां देई-देई गलाया, पैहलै फट्ट साहो मुंडी पर लाओ ते पही बूटे पर । इस चाली उल्लेख चिपको आंदोलन जम्मेआ ते हून ओदी लीडरी श्री सुन्दर लाल बहुगुणा होर करै रदे न । असे लोकें बी किछ सिखना चाहिदा ।”

उपरली बंडा पानी भरने आलें दी खासी भीड़ लग्गी दी ही । उन्दे च पलै मालती पछांती तां सारा रोह् ठंडा पेई गेआ ते तोली-तोली गई पुट्टन लगा ।

“हून मालती नूहें-पुत्तरै आली होई गेदी ऐ पर पही बी बाई दियां फराटियां मारे विजन नेई रोह् दी, मोह् गै पुराना बाई नै ।”

“मालतिये केह् डील ऐ तेरी ?”

“इक बेला गी डीगरै बाझू कियां लगदा ।”

“बिरोसानी, निम्मो-झानी गै ।”

“औं मालती दी बेल गै आं, होर केह् तुन्दे साई पलै दा रखल नेई, तुन्दे बाझू मेरा जीन खुट्टा गै ।”

“मालतिये, हून ते औ पँन्थनी उठी आयां, सदा लेई तुगी अपने उपपर चाही रखवंड इक बेला साई ।”

“धन्न भाग मेरे ।”

“पलै दा जेह् का बूटा तू बेह् डै लाया ह्रा, कनेही बरोस करा दा ?”

“टटूहे गै टटूहे खिड़े दे न, भलेआं लाल-सूहा हो दा ।”

“मेरी हीखिये साई मालतिये, मेरे मना च बी अज्ज टटूहे गै टटूहे खिड़े दे न, गलै लग्गी जा मालतिये ।”

“बेह् डा पुज्जी गेदा, ओ दिखो लाड़ी ताई गै आवा दी, किछ ते गल्ल होली करो, धुआड़ा संघा अजै बी उयै नेहा लीड-स्पीकर जन ।”

“अड़िये फौजा च नडो-ताड़ गोलियां चलदियां जंदियां, जोरै गल्ला नेई करचै तां सुनचै कियां ।”

घरै दे बेह् डै पुजदे गै नूहां-पुत्तर पैर बन्दन लग्गी पे ते ‘पला’ होर सोसै दियां अड़ियां लान लग्गी पे ।

“मती-मती आखला होऐ लाड़ी ।”

“खुश रोह् बच्चुआ ।”

“बुद्ध-मुहागन हो लाड़ी ।”

“खुश रोह् पुत्तरा ।”

आंढी-गुआंढी गलै लग्गा रदे हे । जागत झारी च सजरा पानी पारदे हे । किछ चुल्ली च फूँका देआरदे हे ।

बड़ला होंदे गै पलै मालती गी ठुआलेआ ते खेतरेँ फराटी मारने लेई आखेआ । दमै जने खेतरेँ च फिरदे-फरांदे बाई पर जाई पुज्जे ते पला बोलेआ—

“सुनेआ अज इस चिऊंतरेँ दी बड़ढने दी सबील वनाई दी ठेकेदारै । ए चिऊंतर साढ़ा पराना साथी ऐ इसी बड़ढन नेई देना में ।”

किछ मजूर कुहाड़े चुक्के दे बाई बक्खी ढलन लगे तां ‘पला’ कइकेआ—

“भई जे खैर लोड़दी तां इस बूटै गी हत्य नेई लाएओ ।”

“हवालदार जी अस मजूरदार आं, ए बूटा M.L.A. हुन्दी मरजी नै बढोआ करदा ऐ ।”

“मजूरी पिच्छै बूटा बड़ढन लगी पे बाई परा । इस बाई दा पानी तुस वी पीन्दे जां नेई ?”

“बूटा बढोने कन्ने केह् होना ?”

“जे किछ झिगलिया बंडा होआ, होर केह् ?”

“बूटै दियां पींडा पानी नचेरदियां न ते पही बल्लै-बल्लै कोरज बनी छोड़दियां न ।”

“ए गल्ल पक्क होनी, ठीक ऐ अस ए बूटा नेई बढदे पर ठेकेदार आवरदा पिच्छै ।”

“ओना देओ, आं सम्हाली लैड ।”

कुलार हुन्दे ठेकेदारा दा आला सुनचा—

“बैह् अजै तक्कर बूटा नेई ढाया ?”

“अस इस बूटै गी हत्य नेई लान दंगे ।” पलै ते मालतियै गलादे गै चिऊंतरेँ गी कुम्मां देई टकाइयां । दिक्खो-दिक्खी मजूरै ते ग्रां दे होर लोकै वी चिऊंतरेँ चक्कली पिड़ बन्ती टकाया ।

“चिऊंतर बड़ढना हां पुज्ज साढ़ियां मुंडियां बढोंगन, पूरा ग्रां इत्त बाई दा पानी पींदा ऐ असै पानी सुक्कन नि देना ।”

“भई बूटा ऐ जां सुन्ने दी कान ? नेहा केह् ऐ इस च । पुराना होए दा ठुट्ठर, काठ वी कारी दा नेई रेह् दा ।”

“बूटा छड़ा काठ नेई होंदा ठेकेदारा, ए पानी-बूहा वी दिन्दा ऐ, जेह् के साह् तूं लै करनां इस बूटै दे पत्तरै चा गै कुरजदे न । ए पानी जेह् का तूं वी केई नडा पीता होना, बूटै दियां पींडै गै बन्ती रक्खे दा, नेई तां इस रिढ़िया पर जनखैर गै लभदी, ठंडा पानी नेई ।”

तेरे जनेह् ठेकेदारै गै जाइँ दा नास पुट्टे दा तां गै अज्ज देसै च कदै खड्डै च अन-सम्भा हाड़ ते कदै भलेआं सोका पेई जन्दा ऐ । साढ़ियां फसलां वी हर बरै मती बरखा करी जां मते सोके करी गरक होई जंदिआं न ।

“तूं इत्युं गेआ जां अस कइडी लाचे डांगै-डांगै ।”

CC-0. Lala Pt. Manmohan Shastri Collection Jammu. Digitized by eGangotri

किछ ठेकेदार दे चमचे छोह्दपूना दस्सेआ—“बड़ा बकबास नि करो अमें ई बूटा बड़हन देओ ।”

“आओ हल्थ ते लाई दिक्खो ।”

इच्छरें ई हाथा-पाई शुरू होई पेई, सारे जने बट्टे-जन्नी चलान लगे । पलै ते मालती अक्खी मीटी बूटै गी कुम्मां दित्ती दियां हियां ।

जेलै किछ रौला घटेआ ते उन्दे पुत्तरै गलाया—

“बापू बापू, अम्मां अम्मां अक्खी गुहाड़ो ठेकेदार दे चमचे नस्सी गे न तुस जित्ती गे ओ । उपरली बंडा दा चिऊंतर बढोने थमां बची गेआ ।”

“सच्च पुत्तरा” पलै ते मालती नै अपनियां कुम्मां ढिल्लियां करदे होई गड़ाका मारेआ ।

“फौजी हुन्ने आं पुत्तरा, जित्त ते होनी गै ही ।”

इच्छरें ई उप्पर रौला सुनोचा—

“तौले दीड़ो ठेकेदार होरे गी सप्प पुड़ी आ ।”

“शिवै दी गै करोपी होई मोए कप्फनै पर ”

“पला जी तुस जड़ी जानदे ओ बचाई सकदे ओ ।”

“लेई आओ चुक्की पुत्तरा बेहूँ गी ।”

बेहूँ च रक्खी, पलै ओदे नूठै गी ब्लेडै दा पच्छ कराई, खून चूसी उगली दित्ता ते जड़ी-दुआऽ देई, खट्टा पर सुआली ओड़ेआ ।

हूए रोज होश आई तां पलै दे पैरें च पेई ठेकेदार माफी मंगा दा हा—

“मिक्की माफ करेओ, तुसे मेरी जिन्द बचाई ओड़ी । तुस नेई होन्दे तां मरी गेदा हा । थुआड़ी बंडा दा ए चिऊंतर हून कदै नि बढोग, कदै नी । सड़क पारली बरेतिया बिच्छै लेई जागे ।”

पला मालती दी अक्खी च ते मालती पलै दी अक्खी च डुब्बी जारदे हे । उन्दे बचपन दा साथी चिऊंतर व्हाऊ दे फनाकै च झुल्ली जारदा हा मालती दे बालै साई । □

० मारफत

श्रीमती बिजय शर्मा

फ्लैट नं० 5 डी०, गौरमैंट फ्लैटस,

कच्ची छोनी, जम्मू

डुंगर दा जनाना लावा ते बंद्वे

□ शक्ति शर्मा

आखदे न 'जनेहा देस उऐ नेहा वेस' ए हिन्दी दे 'जैसा देश वैसा वेश' मुहावरे दा भाषान्तर ऐ. जेदे च ए भावना झलकदी ऐ जे देशकालानुसार लावा रक्खना चाहिदा ऐ तां जे देस-परदेस च कोई ओपरा जां ओबड़ नी बझो ऐ। ए इक मन्ने दा तत्त्व ऐ जे मनुख दा पैह्ला प्रभाव ओदो पशाके कन्ने पीदा ऐ। नाटके च भेस बटाने जां मेकअप (make up) करने पिच्छे ए तत्त्व गै प्रमाण ऐ पर उंआं पैह्नुने-ओढ़ने दे बारे च भूगोली जरूरतें दा बी बड़ा हिस्सा हुंदा ऐ। सर्द इलाके जां गरम ते खुशक प्रांते दे लावे च इस्से करी बड़ा फरक हुंदा ऐ। स्कूले-कालजें च इस बारे बड़ियां बहसां हुन्दियां रौह्दियां न। जे टल्ले लाने दी लोड़ छड़ी शरीर गी मौसमी उतार-चढ़ाव कोला बचाने आस्तै हुंदी ऐ जां उनें जरूरतें पिच्छे कोई कलात्मक ताह्ग बी है जेह्ड़ी शरीर गी सजाने-सुआरने दी भावना पिच्छे कम करदी ऐ।

केइयें दा मत ऐ जे कपड़े लाने दा रंभ देखा-देखी गै होआ ऐ ते ए देखा-देखी गै सभ्यता गी बघादो-फलांदी आई ऐ। ते केई आखदे न जे शरीरी जरूरतें गै कपड़े-लत्ते लाने-पाने दा मुंड पाया। आदिम-जुग च जदू मनुख जनौरे आला लेखा रौह्दा हा, तंगा फिरदा हा तां बरखें-झड़ियें कोला बचने गी कुतै पत्तरे ते बूटे दियें शालें च लपटोइयें जिसलै सखाल बुज्जन लगा तां ओदे बाल-बच्चें ते आंढे-गुआंढे बी सर्दी-गर्मी मतावक शरीर खट्टना ते गुहाड़ना शुरू करी दित्ता होना ऐ। बल्लें-बल्लें शरीर खट्टना इक खवाज जां सभ्यता दा लच्छन होई गेआ।

शरीरे गी खट्टी-पलेटी रामे च रक्खने दी समस्या मुक्की पर मनुखी मन कदे नचल्ला ते बौह्दा नेई। इक निरंतरता दी बोरियत जां अक्कान ने इक दिन बैठे-बठाए चानचक्क ओदे अंदर सौंदर्यानुभूति पैदा करी दित्ती ते ओदे अंदरा दा कलाकार जागी पेआ। सबनें थुआं पैह्ले शरीरे गी बनावे-तनाई ते सजाई-सुआरी रक्खने दी ताह्गे मूजब उन्न

अपने लाबे बल ध्यान दिता ते देशकालानुसार अनगिनत किसमें दे लाबें दा अविशकार होन लगी पेआ ।

मनुख संदोखी जीव नेई ऐ इसै करिये जीवन दे हर पैहलू ते हर क्षेत्रे गी ओ उल्टी-पल्टी, अदली-बदली दिखदा-परखदा रोहदा ऐ । ओदी इसै मनोवृत्ति दी पछान न नित्त नमें फैशन ते पैहने-ओढ़ने दियां शैलियां ।

मनै च उठदिये प्रवृत्तियें ते बचारे दा जीवन दे कार-व्यहार च प्रजोग ते पड़ताल गे मानवी संस्कृति दा मुंड ऐ, जेहूँ कालान्तर च कुसै समाजे दी पन्छान बनी जंदी ऐ । ए टकोधा तत्त्व ऐ जे जुग ब्योश दा लाबा गै कुसै देश, प्रांत जां मुल्के दे कुसै हिस्से दी पन्छान करांदा ऐ । लवासे राहें गै कुसै संस्कृति दा सलोवापन जां कोजापन जाहूर हुंदा ऐ ते कन्ने गै भूगोली जलवायु ते शरीरी जरूरतें दा तत्त्व बी उजागर हुंदा ऐ । जे अस ए आस लाचै जे कश्मीर थुआं कन्याकुमारी तक इक्कै नेहा लाबा ते खान-पीन चले तां ए साम्यवाद इस लम्मे-चौड़े मुल्के दी अनगिनत लकाई गी रास नीं आई सकदा ।

उंयां साढ़े दुगरे च खान-लान सरबंधी ए खुआन बड़ा मशहूर ऐ जे 'मन-भौंदा खाना ते जग-भौंदा लाना' इस खुआने च मनुखलै दी अपनी रुचि ते समाजी रुचि गी इक्कै नेही मानता दिता गेई दी ऐ । खाना अपने सुआदे ते रुचि मतावक खादा जाई सकदा ऐ पर लाबा लोक-रुचि जां लोक-प्रचलन मतावक नेई होऐ तां कुसै करना ते केहू ऐ, पर अक्ख-मरक्खे ते चो-मोइयां जरूर होउन । जिन्ना चिर प्रचलत लाबे दे प्रति क्रांति करने दी भावना जोर नेई मारै इन्ना चिर आम लोक 'जग-भौंदा लाने' दी रीत नेई छोड़दे । की जे जग-भौंदा लाना प्रचलत फैशने दी तांहग ऐ ।

ए फैशन मनुखलै दी परिवर्तनशील प्रकृति करिये निरंतर बदलदे रोहदे न ते फैशन बदलदे गै सारा समाज ओदे प्रभाव हेठ आई जंदा ऐ । एदी प्रक्रिया इयै जे कुसै बी फैशन दा मुंड पाने आला जां प्रचलन च बदल आनने आले मनुखे च क्रांति दा साहस जोर मारदा ऐ ते पही जियां अस नित्त दिखने आं, चुड़की मारदे नमां फैशन—खास करी लाबे च आम होई जंदा ऐ । अज्ज आओ-जाई दे छड़प्प-साधने ते पत्र, पत्रिका, फोटोग्राफी, टी० बी० बगैरा विज्ञानी सगारें करी दुनिया बड़ी सौगड़ी होई गेई ऐ । अज्ज रातीं दुनिया दे कुसै हिस्से च बैठे दे कुसै खुराफाती दमागे च नमें डिजैने दी रूप-रेखा उक्करी (जियां मंत्र दृष्टा रिषियें गी ध्याने च बैठे दे मंत्रे दी फुरणा हुंदी ही) । सवरे टी० बी० अखबारें दे ज'रिये गुल्लू दे बाड़े ते बाहूवे आले ग्रां तुकर जाई पुजदी ऐ । शकीन जागत-कुड़ियां उसै डिजैने मतावक अपना लाबा ते साज-संगार बदलने दे सरिस्ते च लग्गी पाँदे न ते पले-खिनें च ओ फैशन आम होई जंदा ऐ, हुन कोई चाली-पंजाहू ब'रे पैहलू आला जमान्ना नेई रेहा । जदू फैशने गी दूर-दराडे दे लोक च पुजने लेई पैदल जातरा करनी पाँदी ही । शुरू-शुरू च ओदी कोई आओ-भगत निही हुंदी । लाबे च बदल बड़ा झक्की-झक्की ते संगदे शहील च हुंदा हा ते ओवी किछ समर्थवान ते बड़्डें लोकें ज'रिये गै हुंदा हा की जे 'समर्थ को नहीं दोष गुसाई' अज्जे दे जमाने आगू अदू आम लकाई दी केहू मजाल ही जे फैशने दे मामले च पैहलू करी जा ।

उनें दिनें धोती जां साड़ी दा बचार करना बी ग्रांए च जनानियें दा इक सुखीलड़ा सुखना हुंदा हा । धोती साड़ी साढ़े देसे दा प्राचीन जनानका लाबा ऐ पर अदू ओ देवी-

देबियें जां सीता-सवित्री दी पशाक ही जेह्ड़ी मूरतें च आम लभदी ही जां पही व्यहारी जीवनें च हिन्दुस्तानी लावे दी पन्छान करांदी ही बरतूनी च निही ओदी । शायद द्रोपदी दे चौरहरण प्रसंगे करिये जनानियें साड़ी लानी बंद करी ओड़ी जां केह् गल्ल पर जनानी गी साड़ी कन्ने लगाइ हुंदे होई वी ओ आम नेई ही । मीं चेता ऐ जे इक बारी साढ़े ग्रां दा इक्क नौजवान नौकरी दे सिलसिले च अपने मालके कन्ने कलकत्ते गेआ हा । ओदे मालके ने उसी ओदी नमी व्याह्ता आसतै साड़ी खरीदने लेई पैसे दिते । साड़ी खरीदने दा एड्डा बड्डा कम्म करने दा पैह्ले ते हौसला गै नेई पवा दा हा । सूरमा बनिये उन्नै हिम्मत कइदी । साड़ी दिक्खिये ओदी लाड़ी पसोई-पसोई पेई, अपने भाग सराही-सराही नी रज्जै पर उसी साड़ी लाने दी नां ते जाच ओदी ही ते नां गै हिम्मत पौदी ही कामें च हँस बनिये दस्सने दी ।

इस चाली अस दिक्खने आं जे लावा समाजे दी रुचि, सभ्यता संस्कृति ते कुसै हई तकर जीवन दे प्रति ओदे दृष्टिकोण आसै वी इशारा करदा ऐ । अज्जै दी दुनियां च सभ्यता गै संसारी समाजे च मनुक्खै दा मुल्ल पुआंदी ऐ । प्रगति दी आधुनिक दीहै च मुल्ल पुआना है वी बड़ा जरूरी, ते डोगरे सिर उबड़ा चुक्किये आखी वी सकदे न जे लाने-पाने दे बारे च डुगगर देश अपनी सभ्यता-संस्कृति कारण सभ्य देशें च कुसै थुआं पिच्छे नेई ऐ । उंआं ते डोगरे अपनी ईने दे बड़े पक्के न पर लावे दे बारे च होर केइयें गल्ले आला लेखा उन्नै ग्हेशां दिल दरेया करी रक्खेआ ऐ ते जिरटपुता छोड़िये जित्ये कोई शैल चीज लभ्नी, उसी अपनाई लेआ ।

इस्सै कारण डोगरी लावे च असें गी केई हूए प्रांतें ते जातियें दे लावे दा प्रभाव साफ लभदा ऐ । डोगरी लवासे च मत्ता असर राजस्थानी लावे दा सेही हुंदा ऐ । खिचबड़ लावे दे इस जुगै च वी डोगरा करसान ते राजस्थानी करसान गी दूरा दिक्खी तां कोई फरक नेई बसोँदा, हां बोल्ली सुनिये जरूर पता लग्गी जंदा ऐ जे कुंन डोगरा ते कोह्कड़ा राजस्थानी ऐ ।

दूआ असर साढ़े डोगरी लावे उप्पर मुसलमानी लावे दा ऐ । चित्तरें ते परानियें परंपराएं दी छानवीन करिये असें गी इत्थुं दे पराने लावे ते जनाने गँहूने-बंदें दे जेह्ड़ी चलन जां फैशन दिक्खने च ओदे न ओ इस गल्ले दे टकोधे प्रमाण न जे डोगरी, राजस्थानी ते मुसलमानी प्रांनें लावे गी बगैर कुसै खिच्चातानी जां बँर-बरोधे दे डोगरी जनानियें सँहूज सभास कन्ने अपनाई लेआ हा । डोगरी गिह्नी, मुसलमानी सुत्थन-कुर्ता, चोनें आला डेढ़ पट्टा डबट्टा, भुरका, पठानी सलोजार कुर्ता, व्याह्त्तू कुड़िये-लाड़िये लेई कनारी-गोटे ते तिल्ले-सिलमें कन्ने जड़त पसोआजां, राजस्थानी घग्गरी-चोली ते ओढ़नी (डबट्टे उप्पर इक होर डबट्टा) खास मीकें ते व्याह्नें ढंगें गी लाने आली कनारी आले डबट्टे, कुर्ते, कुतियां, सालू— ए सव वक्खरे-वक्खरे थांऐ दा आइयै डुगगरे च इक-मिक्क होई गे ते अज्ज किछ थोड़े नेह् शोधाधिक्यें ते इतिहासक नजरिया रक्खने आले लोकें गी छोड़िये कुसै गी ऐ चेता वी नेई ओंदा जे केह्ड़ी पशाक केह्ड़ी संस्कृति दे प्रवाह् च आइयै इत्थे रली गेई ऐ । हां इन्ना जरूर हा जे खान-पान जां लावा शैह्, ग्रां जां निक्के-बड्डे घराने ते राज-दरोआरें दियां वक्खो-वक्ख झलकां मारदा हा । पर आम प्रचलत ते साधारण लोकें दे धरें दिये जनानिये दे लावे आम तीरे पर इयां हे—

गिददी—दो जां त्रे पट्ट जोड़िये बनी दी चादर जेह्ड़ी घरकत्ते दे मुट्टे खदड़े दी हुंदी ही, हर प्राई जनानी दा आम लवासे हा । ए चादर ऐसे ढंगे ने सारे शरीरे गी खट्टी

पलेटी रखदी ही जे लाज-मर्जादा दी राखी कन्ने सर्वो ते धुप थुआं बी वचाऽ करदी ही । जनानियां सुत्वन-कुर्ता ते डबट्टा उसमें लै बाह्र कदियां हियां जिसलै कोई दिन-त्यहार होऐ, कोई ब्याह्-ढंग होऐ जां फही कुतै बाह् डे जाना पवै । केई बेरी कोई ओखी-भारी बनी जा कुतै कानी-मकानी जाना पवै तां बी जनानियां सुत्वन-कुर्ता डबट्टा ते जां फही पटड़ा व'न्तने लेई गिद्दी आली चादरे च गै जंदियां हियां । प्राण च जनानियां अपना घर-घिरस्ती ते समाजे दे रोजमर्रा दे कम्म गिद्दी दे लबासे च गै मोहे-स्याले संपूर्ण करदियां हियां ।

जैहरे च मोर घरै ते राजदुआरे दे ऐहलकारे दे घरें च मता प्रचलत सुत्वन (चूड़ीदार पजामे आला लेखा) कुर्ता ते डेढ़ पट्टा डबट्टा गै हा पर कण्डे दी सुत्वि सफाई ते स्तर-भेद च जमीने-शमाने दा फरक हा । गरीबनिये ते ग्राई जनानिये दे लबासे रंगाई कीते दे लट्टे खास्से जां खट्टे दे हुंदे हे ते डबट्टे मुट्टी मलमले दे सुत्वन लेई धारीधार मुट्टा सूतरी कण्डा हुंदा हा जिसी 'सूती' आखदे हे जां भी ब्याहें च टस्सरे दियां सुत्वन गरीब घरें च बड़ा इयम समझिये लाइयां जंदियां हियां । टस्सर आधुनिक आर्टिफिशल रेशम जां सनकुककड़े दे बने दे चमकीले कण्डे गी आखदे हे । ते झूठिये दरेवाइये दे सैले-पीले कण्डे दे कुतै बी कुसी-कुसी भागवाने गी थोई जंदे हे पर मोरनिये, रानिये, बजीरनिये जां होर बड्डे-बड्डे ऐहलकारे दे घरै दियां जनानियां सुच्चे कण्डे (प्यूरसिलक दियां पणाकियां) मियादियां हियां । चाबी दा बधिया लट्टा गूढे मन-बाँदे रंग रंगाइयै सुत्वन बन्दियां हियां आम लाने गी । इने लोके च बी टस्सरे दा शौक सा पर ब्याहें-ढंगें च ते दिने-त्यहारे गी गुलबदन (असली रेशमी धारीदार कण्डा) दियां सुत्वन बडप्पने दी नशानी हुंदियां हियां जेहड़ियां बनकदे रंगे (Contrast Colour) दिये ग्वारनटे, मलमले ते दरेवाई (प्यूर रेशम दे कण्डे) दे कुतै दे छव्वी (इक बधिया मलमल) दे डेढ़ पट्टे डबट्टे बनकदे रंगे ने रंगाइयै शौकनां अपना रूप सुआरदियां हियां । खास मौके लेई ए कण्डे कनारी-गोटे ते सिलमे-सतारे कड़ाइयै बनाए जंदे हे । ब्याह् नू कुड़िये-लाड़िये लेई बधियां पणाकां बन्दियां हियां । केई बेरी ब्याह् नू पसोआज तिल्ले ते सिलमे-सतारे जां कनारी-गोटे कन्ने इन्नी जड़त हुंदी ही जे पैंहने आली लेई सिद्धे खडोना ओखा होई जंदा हा । सांती दे शनाना परा उदियै कुड़ी गी ओढ़ने गी मामा जेहड़ा सालू दिदा हा ओ भांमैं खट्टे गी सूहा रंगिये गै बनाए दा हुंदा हा पर ओदी कसीदाकारी ऐसी कलात्मक हुंदी ही जे अज्जे दे बड़े-बड़े कलाकार उनें खेले दे सालुण गी दिक्खियै चरजे ने मुंह वाके रेही जंदे ने । उस जमाने दिये अनपढ़ जनानिये दी ओ ज्योमेट्रिकल कला बड़ी गै वे-जाड़ हुंदी ही । गुलबदन दी सुत्वन जेहड़ी अपने नां कन्ने (गुलबदन) गै मुगले दे हरम दी सगात सेही हुंदी ऐ । ब्याह् नू कुड़िये-लाड़िये दा आम लबास हा जेहड़ा झलमल करदे सुच्चे रेशमी कुतै-डबट्टे कन्ने फव्वी-फव्वी पौदा हा ।

इयां गै प'नियां जां नुक्कां बी समाजे दे स्तर-भेद गी उजागर करदियां हियां । सरकारे दोआरे ते बड्डी लोकनिये दे चानने जोड़े सिलमे-सतारे कन्ने जड़े दे हुंदे हे । आम जनानियां नंगे-पैरें गै टुरदियां ते घरें-खेतरे दे कम्मे च रुजिश्थां रौहदियां हियां । कुतै-कुतै कुस ने लाखी नुक्कां जरूर रखी दियां हुंदियां हां ते कुतै बाह् डे जाना पवै ते लाई लंदिया हियां । लावे दा ए फरक जिसलै कोई मरी-भुरी जंदा हा तां बिल्कुल निहा रौहदा की जे घरै ते नेहमें रिश्ते दिये सबने जनानिये गी (नमी ब्याहिये गी छोड़िये) पटड़ा (मैली मुट्टी चादर) व'न्तना पौदा हा साल-भर, हुन ओ भांमैं मोर होत भांमैं गरीब ए सोगी बसरा सबने आस्तै इक समाजी बंधन हा ।

लावा भावे कुसै बी मौकै लेई होऐ, जनानके डोगरी लवासे च इक गल्ले दा खास ध्यान रखेआ जेदा हा जे कुसै बी मौके उपपर लाने आले टल्ले होन, ओ नेह्, होने चाहिदे न जे जनानी दा मते थुआं मता शरीर खटटे-पलेटे दा र'वै । जेह्,ड़ी जनानी इस निजमें दा जिन्ना मता ध्यान रखदी ही ते जिन्ना लम्मा झुंड कढदी ही ओ उन्नी गै कुलीन ते सतवैती खुआंदी ही ।

इक बड़ी टकोधी गल्ल जेह्,ड़ी डुग्गर दे नारी समाज गी मरदें दे समाज कोला वक्ख करदी ऐ ओ ए ऐ जे हर वर्ग ते वर्ण दी जनानी दी लवास शैली जां डिजैन इकै नेहा हा । रानियें-महारानियें ते मीर जनानियें दा आम लवास सुत्थन, कुर्ता, डबट्टा, गिट्टियां पटड़ा (महारानी तारादेई होरें गी उंदी पिदरसू दे शोके च पटड़ा ब'न्ने दे असें अपनी अक्खी दिक्खे दा ऐ ।) तां गरीब ते काममें मजूरें दियें जनानियें दा बी इयै लावा आम प्रचलत हा । कप्पड़े दे स्तर-भेद ते ओदे मुल्ले गी नेई दिक्खो तां अस आखी सकने आं जे डुग्गर दी जनानी मात्र दा इकै लवास हा । ए गल्ल असें गी मरदें दे भिन्न-भिन्न लावे गी दिक्खियै स्पष्ट होई जंदी ऐ । हर वर्ग ते हर वर्ण दे मरदें दे लावे च फरक हुंदा ऐ । चिट्ठी घोती कुर्ता ते मुंछे सूहा परणा बाहिये घोटी-घाटी दी पग्गा आला कोई लंघा दा होऐ तां ओ पक्क पंडित-प्रोहूत जां कोई ब्रह्मण होग ते हुच्छी घोती, मैला चिक्कड़ कुर्ता आं खिलका ते घसमैले रंगे दा दिल्ली पग्गड़ ग्राई-शाहें जां हट्टी आले कराड़ें दी पन्छान हुंदी ही । लक्क रमाली (लंगोटी) ते फट्टी दी फतूई जां बगैर कुसै होर टल्ले दे कोई दिगंबर दिक्खियै गै पता लगदा हा जे ए कोई मजूर जां काम्मा होना ऐ । इयां गै मरदें दी सर्दी-गर्मी दियें पशाकें च बी फरक हुंदा हा पर जनानियें सर्दी-गर्मी, न्हेरी बरसांती च गिट्टी गै मुख पशाक ही जां सुत्थन-कुर्ता ते डबट्टा । इस चाल्ली उनें दिनें सिद्धे सारे लोकें दे सिद्धे सारे लावे हुंदे हे । उयां बी डुग्गर दियें जनानियें पछाकियें बारे कदें कोई खास रेडके (tass) नेई कीते उस जमाने च जियां अज्ज करदियां न । पर बंदे-गैहूनें ते दूबें-टल्लियें दा डोगरियें जनानियें गी पट्ट चार रेहा ऐ ते उदे बारे च डोगरी दे लोक-गीते च बी थाएं-थाएं जिकर औदा ऐ—कुतै “झमाका बिंदलु दा” कुतै “लौंग गुआई आई जाड़ ते तुपदी दबड़ुएं” ते कुतै :

“मेरी बांहीं ते नौ-नौ चूड़ियां नीं
दिनें लड़दा ते राती गल्लां गूड़ियां नीं ।”

गाई-गाई जागरते च डोगरियां नारां छुन-छुन पंजेवें दी छनकारे कन्ने नचदियां ते फेरी लैदियां न । पंजेवें दियां धुंघरियां जित्यें छुन-छुन छनकारां करदियां न उत्थें पैरें दियें औंगलियें ते डूठे च पाई दियां छल्लियां, छल्ले ते डूठड़े बी कदें सादे कदें मीनाकारी आले ते कदें धुंघरियें कन्ने छनकार करदे टुरदे न । अघेड़ जनानियां बी जिनें गी कड़ियां जां पंजेवां छनकांदे झाका औंदा ऐ अपनी गैहूने पाने दी लालसा तोड़े पाइयै पूरी करी लैदियां न । पैरें दा ए डुप्फल जन गैहूना छनकदा नेई इस करी स्यानियां जनानियां इयै पाई फिरदियां न ।

पैरें दे सब्बै गैहूने-बंदे चांदी जां गिल्टे दे हुंदे न ते अज्ज बी पिछड़े इलाकें च प्रचलत न । आखदे न जे जन्म-जात राज-घरानें गी छोड़ियै कोई बी होर जनानी भामें केडी अमीर होऐ, पैरें च सुने दा बंद्रा नेई पाई सकदी, ए इक समाजी निजम हा ते सब कोई इदा पालन करदियां हियां ।

तोड़े ते पंजेवें दे अलावा पैरें दा होर ज्यादा मशहूर बंदा कड़ियां - अपनी पतली ते छिक्-छिक् करदी बाजे च जनानियें दी जुगें थुआं चली आवारदी गलामी दे खसाफ बल्लें-बल्लें बृहासरदियां रौह दियां हियां। निक्कियें कड़ियें गी कड़ियां पुआने दा रयाज मता ह्या शायद गलामी दा संस्कार देने लेई कड़ियें दे नां दी फुरना कुसै डूहू गी सोचा आले मनुक्खे गी होई ते उन्न अपनी लाडली गी कड़ियां पुआदे होई पुरश सत्ता प्रधान भारती, समाज दी नारी गी गलाम बनाई रखने आली मनोवृत्ति बल सारत कराई होग। उंयां जनानियें बी गलामी ओढ़ने-बछाने दे मामले च घट्ट नेई कीती। सीता सावित्री दे इस देशे च जित्थें नारियें दुनियां भर दा सुख-भोग ते ऐश्वर्य दे साधन अपने कर्त्तव्य ते ईने दी बलि चाड़ी ओढ़े, उत्थें नारी सुन्ने-चांदी दे मोहू च इंयां भलखोई जे उन्न अपनी सारी भूमिका गै बदली ओड़ी ते पैरें थुआं लेइयै सिरै तुकर गैहूने-बंदें दी कल्पना च डुब्बी गई। उन्न इक-दोँ डिजैने उप्पर गै बसस नीं कीती पैरें लेई झांझरां, सगले, सीतां, गोबीचैनां, लच्छे, फरडियां पोटे, ढेडियां, फप्पडियां, कैंकरियां, शकुंतला चैनां ते बसैतियां किन्ने क कोई गनाड अनगिनत बंदे घड़ाई टकाए। ए बंदे हुंदे ते चांदी दे हे पर इंदी निर्माणकला दी विविधता दिक्खने आली हुंदी ही।

हुन्न सिरै दे बंदें दी गल करचै तां आम दिक्खने च आँदा ऐ जे इस लम्मे-चौड़े हिन्दुस्तान च सिरै दे बंदे च मता जिकर टिके दा आँदा ऐ ते देसे दे मते हिस्सें च उऐ प्रधान ऐ पर साढ़े डुग्गर च ते ओदे लागे-लागे पैरें दे बंदे आंगर सिरै लेई बी बे-शमार बंदे बनदे रेहू न चक्क, फूल, चमोसा, समोसा, टिक्का, दौनी, मानटिक्का झुंवर सूई, किलप, शंगार पट्टी अरगचन्नन ते बंदियां। इन्हें बंदियें दा इक सिरा कन्ने दे बंदे झुमके कन्ने जुड़े दा हुंदा ऐ। इस करियै एदा तां बंदियां-झुमके आखियै किट्ठा गै लैदे न। झुमके इक बड़ा प्रसिद्ध बंदा ऐ ते एदे अपने गै इन्ने डिजै न जे 'कोहूका लेओ ते कोहूका छोड़ो' आली हालत होई जंदी ऐ। झुमके दे अलावा कन्ने दे होर बी अन-गिनत बंदे हुंदे न जेहूड़े किछ ते लड़कने आले हुंदे न जियां—शराइयां, कांटे, झुमकियां, सकोलडे, कुंडल, बाले, मुरकियां, डंडियां, बालियां, पंजरतनी बगैरा-बगैरा केई बंदे हुंदे हे ते कन्ने दियें तुत्तरियें कन्ने बनकी जाने आले टाप्स, कनफूल बी कुतै जड़ाऊ ते कुतै मीने आले जां सादे बनदे हे कन्ने दी तुत्तरी लेई खील नां दी दूब बड़ी प्रचलत हो।

ए बंदे बखो-बक्ख शैलियों च अन-गिनत डिजैने दे बनदे हे कुतै मोतियें दे, कदें छड़े सुन्ने दे जां छड़ी चांदी दे। झूठे बंदे गिल्ट ते पितल दे बी हुंदे हे झूठे मोती, शराइयां ते शीश जोड़ी-मेड़ियै उन्न जनानियें दी बंदे दी हवस पूरी कीती जंदी ही जिनें गी सुन्ना-चांदी ते सुच्चे मोती कदें अक्खी दिक्खने गी बी निही लभदे।

इन्हें सारें च डुग्गर दे जड़ाऊ मोतियें आले झुमके बड़े मशहूर होई गेदे न की जे ए मीरी बंदा मन्नेआ गेआ ऐ। अज्जे दे जुगे च ते झुमके दा म्हात्म होर बी मता बधी गेआ ऐ—अमरीका ते कनेडा तुकर जम्मू दे डोगरे झुमके अपना दखलास जाई दस्सेआ ऐ ते उद्धरा दा डोगरी झुमके दे आडर आँदे गै रौह दे न। डुग्गर च पंजरतनी बंदे दा बी बड़ा म्हात्म मन्नेआ गेआ ऐ। जीदे जी पंजरतनी गैहूना ऐ ते अखीरी वेलै मृतु गी बी सुआरने-शंगारने आली ते सुरग पजाने आली मन्नी गई ऐ पंजरतनी।

बालू जां नत्थ ते सारे हिन्दुस्तान च गै जनानियें दा ब्याह-शादियें ते शुभ लगने च मूहें दा शंगार ऐ पर डुग्गर च किश मतियें गै शैलियें च नत्थां बनतियां न। शकारपुरी बालू ते

मोतियें आली नत्थ बड़ी कलात्मक ते रईसी हुंदी ऐ। रवें आली नत्थ, तलोआरी फट्ट टिकिक्यें आली नत्थ, वगैरा केइयें तरहें दियां नत्थां डुगगर च प्रचलत रेहियां न ते अज्ज बी हैन।

ए वालू हर गरीबे-मीरे दी कुड़ी गी हसीयते मतावक व्याहू, बेले जरूर थूँदा हा की जे ए सुहागे दी नशानी मन्नी गेआ ऐ। नत्थ म्हेशां सुन्ने दी गै हुंदी ऐ की जे व्याहू, बेले नक्क सुच्चा करने लेई सुन्ना गै चाहिदा हुंदा ऐ ते इस चाल्ली समाज ने हीन कोला हीन ते गरीबे थुआं गरीब नारी गी बी नक्के च सुन्ना पुआने दा वधान ब'न्नी ओड़िआ दा हा तां गै शरीरे दे सिरे थुआ लेइयै पैरें तुकर सारे बंदे चांदी दे होई सकदे न पर नत्थ कदें चांदी दी नेई पुआदे हे। ते इयां गै खास मौकें गी छोड़ियै नत्थे दे थां नक्के च कोका जां तीली जनानियां जरूर पांदियां न की जे ए इक ते सुहागे दी नशानी ऐ दूए घर ते रिश्तेदारी दा सुख सनेहा दिदी रौहू दी ऐ। इक्क दिन कुतै नक्कै उप्पर नेई लठमै तां आंढ-गुआंढ पुच्छन लगी पाँदा ऐ कुड़े नक्क की गूहूँडा ऐ, सुख ते है ना।' (कुलै च, नेड़मी रिश्तादारी जां मित्रोचारी च कोई मरी जा ते जनानियां तीली ते बंगां बरघाई ओड़ियां न। जिन्ना चिर सोग नेई मुक्कै गूहूँडियां रौहूँदियां न)।

नक्के दा इक्क होर बंदा हुंदा हा बलाकडू जां बरलाक (अज्ज ते ओदी बाता-लो नीं लभदी की जे उन्न जनानियें गी बुरी चाल्ली परेशान करी ओड़े दा हा। अज्जै कोला कोई चाली-पंजाहू, बारे पैहूले बलाकडू, बरलाक जां बलाकें दा पुट्ट रवाज हा ते लाड़ियें, कुड़ियां दा ए आम बंदा हा पर एदे कन्ने पानी पीने दी बड़ी ओख हुंदी है। ए नक्के च बीने नासें दे बशकारे आली नरम हड्डी जां घोड़ी च छेद कराइयै पाए दा हुंदा हा ते हर बेले ओठें पर लड़कदा रौहूँदा हा। पानियें दा गलास मूँहें कन्ने लांदे गै ए गलास कन्ने आई अड़कदा ते पानी पीना ओखा होई जंदा हा, शायद इस्सै करिये जनानियें एदा मोहू, छोड़ियै बलाकडूए थुआं खलासी कराई।

गले च बंदे पाने दा रवाज दुनियां दे मते मुलखें च दिक्खने च ओदा ऐ। खास करियै प्रायः हर देशे दे राजे-महाराजें दियें मूरतें च जां देवी-देवतें ते अवतारें गी सुन्ने-मोतियें दे बंदे ते हारें कन्ने खूब सजाए-संगारे दा हुंदा ऐ।

पर साढ़े डुंगरे च गले दे बंदे दी बिबिधता किश मती गै ऐ। केइयें तरहें दे—नीलक्खे, पंजलड़िये, नीलड़िये, सत्तलड़िये हार, मोतियें दे हार, सुन्ने-चांदी दे हार, जंजीरियां गुलूबंद, कैंठा जां नामे जनेहू बंदे ते इत्थु दे मरद लोक बी पांदे हे पर जनानियां वन्न-सवन्ने हारें, जंजीरियें, गुलूबंदें ते नामें दे अलावा बी होर केइयें किसमें दे बंदे पांदियां हियां उंदे च बगदियां, स्हीरा, स्हीरियां, जुगनी, हौरदली डेडियां पाँड, मोहूरां, कैंठियां, मटरमाला, जौमाला, गुंज, केइ तरहें दे छैल-छैल रानीहार, गान्निथां, छिगां, कडशू जनेहू, बे-हसाबे बंदे छडे जनानियें आस्तें गै हुंदे हे। ते फुल्ले दी मारे कन्ने बी जखमी होई जाने आलियां नाजक-नारां सौ-सौ तोला सुन्ना दुआले पलेटियें बड़े गमाने कन्ने ब्याहें-ढंगे च अपनी अमीरी ते इश्मे दे शंडे गडदियां हियां। उन्नं दिने ए गैहूने वड़े भारे-भारे हुंदे हे। हर बस्तावरे दे घर सुन्ने दियां इट्टां दबोइयां रौहूँदियां हियां ते दिनें-त्यहारें गी राहूँडें जां करेआचोरी गी इट्टां

भन्नी-भन्नी लाड़ियै-कुड़ियै दियां टूँवा-टाँवा बनदियां रौहूँदियां हियां । कुतै सकोलडै जां कुंडल वनाइयै नमियां ब्याही दियां ठगो ओड़नियां ते कुतै पड़ोतरु होऐ ते नुहाड़े गल सुन्ने दी पोड़ी पाइयै पड़दावे-पड़दादियां अपने लेई सुरगे दी सीट रिजवं कराई लैदे हे ।

इयां गै बाहें ते हत्थे दे बंदे दा बी कोई ऐँत नेई । कंगन, कियतीघाट चूड़ियां, गोखडू, बंगां, गजरे, टोके, टुकक, डक्क, जुट्ट, कड़े, परिवंद, छड़कंगन, बंगलस, टांडा घड़ी चैन, मरीदे, मरीदियां, सिलबरियां, कंगनियां, नैत लच्छियां, बड़े गै झेल-झेल बंदे बांहियै पांदियां हियां डोगरियां जनानियां । हत्थे ते आँगलिये ताई बी पचौंगले, झूठियां, छल्ले ते आंसू बनदे हे । इंदी बनावट बड़ी रंग-बरंगी ते कलात्मक हुंदी ही । छल्ले झूठियां ते अदलो-बदली करिये प्रेमिये दियां नशानियां बनदे रौहूँदे हे की जे ए जनानके ते मरदानके बंदे न । हां पैरें दे छल्ले-छल्लियां सिरफ जनानियां गै पांदियां न, मरद नेई । मरद छड़े गले च, बांही च, कन्ने च ते आँगलिये च गै बंदे पांदे हे पर हुन ते सुन्ना-चांदी जनानिये गी नेई लभदा मरदें कुत्युआं पाना ? हां ब्याहूँ च सालिये लेई कलीचड़ी नां दे छल्ले जेहूँडे पैहूँले चांदी दे हुंदे हे हुन जरूर सुन्ने दे बनन लेई पे न ते मरहाज अपनी अमीरी दा रोहूँव गड्डने आस्तै मतिये बोला मतिये सालिये गी ए कलीचड़ियां बंडदा ऐ ।

पर ए सुन्ने-चांदी ते मोतिये दियां गल्लां खंदे-पींदे घर च गै हुंदियां हियां जिनें गी दो डंग छिड्ड भरना ओखा हा ओ पित्तलू ते झूठिये धातें जां कचचू ते शीशे दे बने दे बंदे पाइयै अपना शौक पूरा करी लैदियां हियां । कचचू दियां बंगां ते शीशा जड़े दे लाखे दे गजरे उनें दिनें बड़ी भारी सगात मन्नी जंदी ही जेहूँडी शैहूँरी रिश्तादार अपने प्राई रिश्तादारें दिये नूहें-धीये गी भेजदे हे ।

असें दिक्खे दा ऐ जे कचचू दी बंग जे भज्जी जा ते कुड़ियां-लाड़ियां चाली कोल बेहिये उसी सेक कराई-कराई मोड़ियै कदें गोल ते कदें लंबूतरी शकल देख्यै बुंदे वनाइयै कन्ने दी मुरकी च परोइयै कुंडल जन बनाई लैदियां हियां जां पही गुलाई च मोड़ियै ते निक्की बंग वनाइयै कुसै निक्की कुड़ी दी बांही पाइयै उसी खुश करी ओड़दियां हियां ।

बंदें दा प्रेम ते ग्रामीण कला दा एक नमूना सस्टे दे कान्ने दे गैहूँने च बी बड़ा प्रचलत हा उनें दिनें । कुसै पक्के दे कान्ने गी छिल्लिये कुड़ियां-लाड़ियां उपरला-उपरला छिलका लुआहिये बक्क करी लैदियां ते कान्ने दे गूहूँ दे निक्के-निक्के टुकड़े करिये उपरले छिलके गी मोड़ियै गोल शकल देख्यै उस निक्के टुकड़े च फसाइयै गजरा बनी जंदा हा ते लम्मी शकल देख्यै काटे जा रिंग बनाई लैदियां हियां ते इस चाली अस इस निरणे उपर पुज्जने आं जे ओढ़ने-पैहूँने दे मामले च शरीरी लोड़ां ते भूगोली मजबूरियां ते हेन गै न मनें दी तांहूँ ते कलात्मक अभिव्यक्ति दी चाहूँ बी बड़ी स्पष्ट रूप च उजागर हुन्दी ऐ । □

डोगरी लोक-कथें च चमत्कार

□ शिवदेव मन्हास

लोक-कथें दा मनुक्खी जीवने च टकोह्दा थाह् र रेहा ऐ। लोक-कथें दी तन्द जागतै दे बालपुने शा रम्भ होंदी ऐ ते मौती तक्कर उसदे आसै-पासै पलटोई दी रौह् दी ऐ। अज्ज विज्ञान नै माह् नू गी मनोरंजन दे केई साधन देई दित्ते न जियां—कॉमिक्स फिल्मां ते टी० वी० बगैरा। पर इक समां हा जदों लोक-कथां गै जीऽ परचाने दा समान हियां। लोक कम्म-काज मकाइयै जाई वीह् दे हे कुसै कथक्कड़ कोल। ते उद्धर कथक्कड़ बी बिन्द-सारा भारें भज्जियै कोई (सुनी सनाई जां आपू गंढिये) कथ सनान लगी पौदा हा—“इक बारी दी गल्ल ऐ....”

ए लोक-कथां अमूमन ज्यानें लेई घड़ियां जंदियां न। की जे उंदे च गै हर चीज समझने जां जानने दी जिज्ञासा होंदी ऐ। गल्लै-गल्लै च गै कथ ‘पार’ जाई पुजदी ऐ ते (सुनने-सनाने आले) रुआर गै रेही जन्दे न। पर इक कथ गै ‘पार’ पजादे-पजादे कथक्कड़ केई नमियां ते शिक्षाप्रद गल्लां श्रोताएं गी दिन्दा जन्दा ऐ। इस चाली ज्याने बी पतीऽ जन्दे न ते उन्दा मनोरंजन बी होई जन्दा ऐ। उनें गी सिक्ख-मत्त बी दनोई जंदी ऐ ते उन्दे ज्ञान च वाद्धा बी होई जन्दा ऐ। पर लोक-कथां सिर्फ ज्याने गै सुनदे होन, नेही गल्ल नेई ऐ। इनें गी स्याने बी उन्नी गै रुचि कन्ने सुनदे-सनादे न, जिन्नी दिलचस्पी कन्ने वच्चे सुनदे न।

अक्सर हर लोक-कथ कुसै खास थाह् रे कन्ने जूड़ी दी हुन्दी ऐ। उस च उत्थू दे लोक-जीवन दी छाप टकोह्दी झलकदी ऐ। उत्थू दे रीति-रवाज, रैह् न-सैह् न, धार्मिक विश्वास पूजा-पाठ आदि चीजां लोक-कथें च होंदियां न। कुसै बी थाह् रे दे खास रीति-रवाज, विश्वास, श्रद्धा ते रैह् न-सैह् न बगैरा दा पता उत्थू दिवें लोक-कथें धमां गै लगदा ऐ। लोक-कथां कुसै बी थाह् रे दी सभ्यता-संस्कृति दियां प्रतीक होंदियां न। ए सभ्यता-संस्कृति

सदा मिली-जुली ते केई तत्त्वें ते गुणें दा सांझा रूप होंदी ऐ। उत्तरी भारत दियां किन्नियां गै गल्लां द्राविड़ संस्कृति कोला प्रभावत न ।

देश-काल दी कोई बी हृदयन्दी लोक-कथें पर लागू नेई होंदी। जेहूड़ी लोक-कथ बुभुख प्रवेश च प्रचलत होग, उयै बंगाल, कश्मीर, महाराष्ट्र च बी मिली जा तां चब्रात नेई। इन्ना गै नेई दुनियां दी इक गुठ्ठा पर सनाई जाने आली लोक-कथ दूई गुठ्ठा जां नुक्कर उप्परा बी उत्पू दी लोक-भाशा च सुनी जाई सकदी ऐ। थाहूरें दी भाशा च फर्क होई सकदा ऐ, कथक्कड़ दी शैली च बक्खरापन होई सकदा ऐ, पर लोक-कथ शतिया उयै होग जिसदी तपाश होग।

लोक-कथें ते गीतें खुशबा अमृत पीते दा ऐ तां गै इन्दा प्रवाह, सदियें शा लोकें दी मानसक धरती उप्पर होदा आवा करदा ऐ। लोक-कथें दी ए नदी कदें नि रुकदी ते नां गै सुकदी ऐ।

लोक-मानस जेकर कोई संस्कृतक ज्ञान हासल करदा ऐ तां ओ लोक-कथें राहें गै, कुसै धर्म गी जां विश्वास-अंध-विश्वास बगैरा गी स्वीकारदा ऐ तां लोक-कथें राहें गै ते कुसै बरतोए दे तजरवे गी जीवनी दी घसबट्टी बनांदा ऐ तां बी ओ लोक-कथां गै होंदियां न।

लोक-कथें च समाजी तत्त्वें दी प्रधानता होंदी ऐ ते उन्दा बैसा गै चित्रण होदा ऐ जैसे तत्व होन। लोक-कथां अपने श्रोताएं गी कदें बी भलगेरदियां नेई। इन्दा समाजवाद बी व्यक्तित्व, थाहूर ते परिवेश दे अनुसार बदलोदा नेई ऐ। केई बारी राजा इन्ना गरीब होई जन्दा ऐ जे उसी "पिच्छ" पीयै गजारा करना पीदा ऐ।²

इयां गै, रानी बी कुतै-कुतै चरखा कतदी ऐ ते राजा गारा ढोंदे जां खूह परा पानी भरदे लभदा ऐ। लोक-कथें च राजा बी उन्नी गै म्हत्ता रखदा ऐ जिन्नी इक गरीब जां मजूर। इक मूरख बी लोक-कथा च उन्ना गै जहरी पातर ऐ, जिन्ना इक चतर, स्याना ते अकलमंद विद्वान। लोक-कथें दी एह्कड़ी उदारता दा कोई बन्ना नेई ऐ।

जिस लोक-कथा गी ज्याने दादी, नानी जां कुसै कथक्कड़ कोला बड़े सैहूज ढंगा कन्नै सुनी लंदे न, जेकर कदें, उसदे मुँढे दी तपाश कीती जा तां सिरफ हुरानगी गै हृथ लभग। तुप्पने आलें ते लोक-कथें दे सूतर ऋग्वेद दे मंडल। सूक्त 24-25, मैत्र 30 तक्कर पराने होने दा प्रमाण देई दित्ते दा ऐ³। ऋग्वेद गी सभने ग्रंथें शा पराना ग्रंथ मिथेआ जन्दा ऐ। जेकर लोक-कथें दी इन्नी लम्मी जातरा पर नजर मारी जा तां चवातै कन्नै मूंह, खुल्ला गै रेही जाग। ऋग्वेद दे इलावा लोक-कथें दा सरबन्ध दूए मते होर ग्रंथें कन्नै बी जोड़ेआ जन्दा ऐ जिन्दे च कथें दा संग्रह होए दा ऐ⁴।

1. डोगरी लोक-कथां, संपा० नीलाम्बरदेव शर्मा, भूमका सफा : 6
2. कथ : अकलमंद गोल्ली। संग्रह : नागवनी, सफा : 81
3. डॉ० गोविन्द रजनीश : राजस्थान के पूर्वी अंचल का लोक साहित्य, सफा : 161
4. ० बृहत्कथा गुणादय ० पंचतंत्र ० हितोपदेश ० बेताल पंचासिका ० माघवानल कथा ० सिंहासनवतीसी आदि।

इन्नी प्राचीनता लैती दिये इने लोक-कथ्ये दे बारे च निश्चित तौरा पर किश नि आखेआ जाई सकदा जे इन्दा जरम कदू होआ होग जां पंहलै कुन्ने केहू की कथ्य सनाई होग ते कुसी सनाई होग ?

० लोक-कथ्ये च चमत्कार

लोक-कथ्यां, युगे थमां पीढ़ी-दर-पीढ़ी चलदियां साढ़े तक्कर पुजियां न । समे दे केई बदलाव आए पर लोक-कथ्ये दा ए बूहूटा हरा-भरा गै रेहा । वक्त दे कन्ने-कन्ने इन्ने अपना रूप-सुआतम ते बदलेआ पर रेहा जीदा-जागदा गै । अमरता दा बरदान पाने दे पिच्छै इस दे किश डक कारण हे जियां—

1. सरलपूना 2. मनोरंजन करना 3. पीढ़ी-दर-पीढ़ी लोकें दे ज्ञान ते तजरवे गी बंडता 4. सिक्ख-मत्त देना 5. सुखांत चित्तरण ते सभने दा भला इच्छना वगैरा-वगैरा । पर इने सभने भा मता टकोहूदा कारण हा, इन्दे च चमत्कार दा पुट्ट शामल रौहूना । दुनियां दी ऐसी कोई सफल लोक-कथ्ये नेई होनी, जिस च चमत्कार दा वर्णन नेई होग । लग-भग हर लोक-कथ्ये च कोई-ना-कोई चमत्कार आली गल्ल जल्दर होंदी ऐ, जिसी अस कथक्कड़ दा 'मसाला' आली सकने आ । कथक्कड़ आप-मुहारे गै इने चमत्कारी चीजे दा बखान अपनी कथ्ये च करदा जन्दा ऐ ते श्रोता बी विजन कुनै तर्क-दलील दे उसदी ओ गल्ल ज्यों दी त्यां मन्नी लैदे न । लोक-कथ्ये च रुचि बधाने लेई ते श्रोताएं च जिज्ञासा पैदा करने लेई कथक्कड़ कथ्ये दे शुरू च गै किश नेहिये अजीब गल्ले दा उल्लेख करी दिन्दा ऐ जेहूडियां श्रोताएं गी वे-जकीनियां, अन-होनियां ते गैर-वाजब लगदियां न । पर ओ चुप्प-चाप सुनदे जन्दे न । कुतै-कुतै (कुसै भाशा च) ते कथक्कड़ ए बी आखदा ऐ, "जेहूडा बी इने गल्ले गी झूठा समझै, उसी राज-डन्न लगै, कन्ने उसी जाति-बलादरी गी धाम खलाने पर मजबूर कीता जाग ।"

श्रोता राज-डन्न जां बलादरी गी धाम खलाने दे डरें चुप्प रौहूदे होन जां ओ कथक्कड़ दा मूड खराब नेई करना चांहूदे होन । गल्ल किश बी होऐ पर बिचली गल्ल ए ऐ जे ओ कथ्ये च चमत्कारी वे-जकीनी ते गैर-वाजब गल्ल सुनिये बी चुप्प रौहूदे न ।

इयै चमत्कारी गल्ल जां लोक-कथ्ये गी सुनने आलें च उत्सुकता बनाई रखदियां न । जिसदे कारण श्रोतागण कथ्ये गी खीर तक्कर सुनने गी वे-चैन रौहूदे न । इयै जेहिये कथ्ये दी गै घड़ी-मुड़ी फरमैश होंदी ऐ ।

लोक-कथ्ये च परियां, देवी-देवते पीर-फकीर, जिन, साधु वगैरा चमत्कारी पातर न । ओ जिसी चाहून बरदान जां कोई चीज-वस्त देइयै मिटे च गै माला-माल करी सकदे न ते मिटे च गै कंगाल । इने चमत्कारी पातरें शा थ्होई दियां चीजां जियां जाहू दी बलटोही, डूठी, उड्डने आला काठै दा घोड़ा, उड्डन-खटोला, सुन्ने दियां मीडना देने आली वक्करी जां सुन्ने दा गोहा करने आली गौ, सुलेमानो टोपी, दो लड्डू देने आली थैली, कुट्ट चाढ़ने आला सेली ते डंडा, करामती शीशा, करामाती फल, करामाती बीड़ा वगैरा-वगैरा ऐसियां

जीजां न, जिन्हें भी जेकर लोक-कथें या मड्डी दिता जा, तां कुम्हीं बी भाषा जा बोल्नी दियां लोक-कथां बे-जान ते नीरस होई जाऊन, ते उन्नं भी शायद नै कोई मुनना पसंद करै ।

लोक-मानस दा जीवन बड़ा सिद्धा ते सरल होंदा ऐ । उसदे जीवन च चमत्कारी घटनां नई दे बरोबर नै होंदियां न । पर पही बी माहू नू चमत्कारी तत्वें दी कल्पना कुम्हीं नां कुम्हीं रूप च जरूर करदा ऐ । शायद इसदे पिछ्छे मनोविज्ञान होऐ जे इन्नं तत्वें दी कल्पना करिये ओ अपने जीवनै दी करड़ी बर्तै भी कदें नां कदें सौखा बनाग । जां इन्दे शा इक तेही प्रेरणा लैग, जिस कन्नै उसी मेहू नत करने च रुचि होग । लोक-कथें दे इन्नं चमत्कारी तत्वें कन्नै लोक-मानस कल्पना-शील रौहू न लगी पौंदा ऐ ते इस कल्पना कन्नै उस दियां अतृप्त इच्छां कुम्हीं नां कुम्हीं रूप च पूरियां होंदियां रौहू दियां न ।

ए चमत्कारी तत्व भाए झूठे नै होंदे न ते माहू नू भी वास्तविक जीवन कोला दूर लेई जन्दे न, पर लोक-मानस लोक-कथें दे इस मिथ्य भी सच्च मन्त्रियै चलदा ऐ ते उस चमत्कार भी अपने जीवन कन्नै जोड़ने दा जतन करदा ऐ । चार पक्ष दे इस जीवन भी लोक कथां अभीजल (करामाती पानी) कन्नै अमर बनाने दी सरमत्था रखदी ऐ । इक काया चा दूई काया च जाने ते पही मुड़िये अपनी काया च अन्नै दी शक्ति बी इन्नं कथें च ऐ । लोक-कथें दा पातर दुखै च होंदा ऐ तां कोई उसदी मदद करन उठी औंदा ऐ ते पही उस पातर भी जादू दी टोपी, बाल, बैली जां कोई करामाती चीज देख्ये छपन होई जन्दा ऐ । होर ते होर लोक-कथें दा राख बसीवत च होंदा ऐ तां पशु-पक्षरू ते खख-बूहटे बी ओदी मदद करदे न । इन्नं चीजे भी जे अस तक-दलीलें दी भसबट्टी पर परखचै तां ए बे-जकोनियां ते अन-होनियां नै लगडन पर ध्रुदा कारण ते मनोरंजन जां धार्मिक आस्था होने करी जेकर इन्नं भी सुनचै तां इयै कथां चमत्कारी लगडन ।

लोक-कथें दिये इन्नं चमत्कारी गल्लें दा सरबन्ध भूत-प्रेतें, परिये, देवी-देवतें, साधुएं, जिन्हें बगैरा कन्नै हुन्दा ऐ । ते इन्दे चा इक पातर बी जिस लोक-कथें च होग उसै च चमत्कारें दी भरमार होग ।

० डोगरी लोक-कथें च चमत्कार

लोक-कथें च चमत्कारें दी बरतून काफी मात्रा च होई दी लभदी ऐ । करीब-करीब हर लोक-कथें च चमत्कार हुन्दा ऐ । कथें दी रोचकता ते सुआद पैदा करते च चमत्कार दा तगड़ा हत्व होंदा ऐ । ए चमत्कार पूरी चाल्ली कन्नै माहू नू दे दमाकै दी उपज होंदे न, जिन्दा वास्तविक जीवन कन्नै कोई सरबन्ध नई होंदा । पर पही बी ए चमत्कार बच्चे च जिज्ञासा ते स्थाने च धार्मिक आस्था हरीकाम रखने कारण अज्जे तककर लोक-कथें च बरतोदे रेहू न ।

चमत्कार अमूमन परिये, साधुएं, राक्षस, जिन्हें, प्रेतें, देवी-देवतें बगैरा दिये कथें च नै मिलदे न । किश चमत्कार महापुरुषें, कुल-देवतें, सजैवतियें ते सच्चे-सुच्चे मनुष्यें सरबन्धी कथें च बी मिलदे न । डोगरी लोक-कथें च निम्नलिखित चमत्कारें दा जिकर होऐ दा मिलदा ऐ :—

1. श्री चन्द जैन : लोक कथा विज्ञान, सफा : 152

1. करामाती फल 2. करामाती पानी 3. करामाती पशु 4. करामाती बूहे
 5. करामाती भांडे 6. जीन्दे जीऽ माहू नू दा सिल-पत्थर होना 7. चमत्कारी मणियां
 8. ईश्वरी शक्ति ते माया 9. सपने वारे चमत्कारी गल्लां 10. लहू दे चमत्कारी उपयोग
 11. जान दूई चीजें होना 12. काया पलट करना 13. मनुक्खें गी जादू कन्ने पशु-
 पक्खरू बनाना 14. मोए दे लोकें कन्ने गल्लां करनियां 15. चमत्कारी चीजां-वस्तां ।

आओ हून इन्ने चमत्कारें दी सउदाहरण मुहत्तर जेही चर्चा करचै ।

1. करामाती फल

डोगरी लोक-कथें च करामाती फलें दा अपना टकोहूदा थाहूर ऐ । मुट्टे तौरा पर
 त्रीं चाल्लियें दे फलें दा डोगरी लोक-कथें च जिकर होए दा मिलदा ऐ ।

(क) फल जेहूँ अमर करी दिन्दे न

डोगरी लोक-कथें च ऐसे फलें दा जिकर आँदा ऐ, जिनें गी खाइयै आदमी अमर होई
 जन्दा ऐ ते बुड्ढा जुआन होई जन्दा ऐ ।¹

(ख) फल, जेहूँ जनानियें गी गर्भवती करी दिन्दे न

गुरु गोरख नाथ, राजा मंडलीक दी माता (वाशला) गी इक फल दिन्दे न जिसी ओ
 बट्टे पर घसियै खंदी ऐ । वाद च बट्टे गी इक घोड़ी बी चट्टी लैदी ऐ । माता वाशला ते
 घोड़ी, दोऐ गर्भवती होई जन्दियां न ।²

(ग) फल, जेहूँ माँदे गी राजी करी दिन्दे न

इक परी राजकुमार गी इक नोखा अनार दिन्दी ऐ जिसी खाने कन्ने माँदे दा इलाज
 होई जन्दा ऐ ते अनार पही सावते दा सावता रौहूदा ऐ³ ।

2. करामाती पानी

डोगरी लोक-कथें च सधारण पानी च बी लोक-कथकड़ नै चमत्कार पैदा करी दस्से
 दे न । पानी कन्ने जुआनी परतोई सकदी ऐ⁴, कुसै पुराण दा जूठा पानी पीने कन्ने गर्भ धारण
 होई सकदा ऐ⁵, बरखा दे पानी कन्ने सपने दा जेहूर उतरी सकदा ऐ⁶, पानी दे छट्टें कन्ने
 कोड़ बी दूर होई जन्दा ऐ⁷, ते इन्ने छट्टें कन्ने गी मोए दे जीदे होई जन्दे न⁸ ।

-
1. कथ : अमर फल, संग्रह : बनें दियां मिजरां, सफा : 186
 2. कथ : राजा मंडलीक, संग्रह : लक्क टुनु-टुनु, सफा : 22
 3. कथ : लाल परी ते ओदा मैह्ल, संग्रह : मनुक्ख ते परमात्मा, सफा : 7
 4. कथ : डिड्ड हत्य माहू नू ते ठाई हत्य दाढ़ी, संग्रह : बनें दियां मिजरां, सफा : 90
 5. कथ : राजा वासकै दा बंस कियां चलेआ ? संग्रह : उयै, सफा : 176
 6. कथ : राजा मंडलीक, संग्रह : लक्क टुनु-टुनु, सफा : 22
 7. कथ : कलयुग, संग्रह : मनुक्ख ते परमात्मा, सफा : 113
 8. कथ : पैहूली पड़ां, संग्रह : पानियै दा मुल्ल, सफा : 37

3. करामाती पशु

डोगरी लोक-कथें च करामाती ते चमत्कारी पशु न, बक्करी, घोड़ा, गी, दांद, मंझ गिद्धड़, ऊंट, शेर, हाथी, बिल्ली, कुत्ता वगैरा । ए पशु मनुक्खें आंगर गल्ला करदे न, ते मनुक्खें आंगर कम्म करदे न । पशुएं दे चमत्कारें गी बी इस चाली न बंडेआ जाई सकदा ऐः

(क) उड्डने आला घोड़ा ते गौ

डोगरी लोक-कथें दे पातर राजकुमार ते जट्ट-जट्टनी इतें पशुएं राहें गासै तक्कर उप्पर पुज्जने ते उड्डने च कामजाव होए¹ ।

(ख) सुन्ने दियां मीडना करने आली बक्करी

डोगरी लोक-कथें च बक्करी जां गी सुन्ने दियां मीडना जां गोहा करिये अपने मालकें गी मालो-माल करी सकदियां न² ।

4. करामाती बूहटे

डोगरी लोक-कथें च जिनें चमत्कारी बूहटें दा जिकर होए दा मिलदा ऐ ओ असल च संसार दी कुसै बी थाहूर पर नेई मिली सकदे, जियां :

(क) सुन्ने ते शीशे दे बूहटे³ ।

(ख) सुन्ने दे आमले लगने आला बूहटा⁴ ।

(ग) रतनें दा बूहटा⁵ ।

5. करामाती भांडे

डोगरी कथें च परिये, देवी-देवते, राकणें वगैरा कोला थोए दे भांडे आम भांडे शा वक्खरियां वशेशतां लैते दे होदे न ।

(क) चमत्कारी बलटोही

कोला जो मंगो थोई जन्दा ऐ⁶ ।

(ख) करामाती देग

मनुक्खें आंगर गल्ला बी करी सकदी ऐ ते लालची लोकें गी सबक बी सखांदी ऐ⁷ ।

1. कथां : पैह्ली पड़ा ते बड्डे-बड्डे लड्डू

संग्रैह् : पानिये दा मुल्ल ते बने दियां मिजरां

सफा : 46 ते 37

2. कथां : ऐतवार दी कथा ते सत्त परीठे

संग्रैह् : रिजक ते अकल ते मनुक्ख ते परमात्मा

सफा : 118 ते 19

3. कथ : कलयुग कियां आया, संग्रैह् : बने दियां मिजरां, सफा : 160

4. कथ : सभो अपणियां तकदीरां दा खांदे, संग्रैह् : रिजक ते अकल, सफा : 21

5. कथ : रतनें दा बूहटा, संग्रैह् : रिजक ते अकल, सफा : 83

6. कथ : जाहू दी तलोआर, संग्रैह् : नागवनी, सफा : 179

7. कथ : देगें आले, संग्रैह् : पानिये दा मुल्ल, सफा : 23

6. जीवे जी३ माहू नू दा सि'ल-पत्थर होना

डोगरी लोक-कथें च राकश दी चीख पूरे शहर गी सि'ल-पत्थर बनाई दिदी ऐ^१, टुरदे होई लोक-कथें दा पातर पिच्छे दिक्खें तां सि'ल-पत्थर होई जन्दा ऐ^२ ते शराप दे कारण बी सि'ल-पत्थर होना दस्सेआ गेदा ऐ^३ ।

7. चमत्कारी मणियां

डोगरी लोक-कथें च मणियें दे बी बक्ख-बक्ख चमत्कारी गुण ते बशेशतां दस्सी दियां न । ओ न :

- (क) पिछली जून दस्सने आली मणी^४ ।
- (ख) दीये आंगर चमकने आली मणी^५ ।
- (ग) रूपधारी मणी^६ ।
- (घ) सुन्ता बनाने आली पारस मणी^७ ।

8. ईश्वरी शक्ति ते उन्दी माया

डोगरी लोक-कथें च ईश्वरी शक्ति ते सत्ता बड़ी उक्की दस्सी गेदी ऐ । उन्दे आस्तै कोई बी कम्म कठन नेई होंदा । जिन्दे पर खुश होई जान, उनें गी माला-माल करी दिन्दे न । ते दुष्टे पर रोहें होने उप्पर ऐसा सबक सखादे न जे ओ अपनी दुष्टता भुलती जान । ईश्वरी शक्ति दे चमत्कारें दा व्यौरा इयां ऐ :—

(क) बरदान देना

शनि देवता, राजा विक्रमादित उप्पर खुश होइयै ओदे कटोए दे हत्यें गी ठीक होने दा बरदान देई दिन्दे न^८ ।

(ख) माया दे खेल रचाने

देवते माया दे खेल रचाने च बी माहिर न । शिवजी भगवान छड़ा धूतड़ा बजादे न ते सारे नगर दे कच्चे कोठे मैहूल बनी जन्दे न ते उल्ले कोई गरीब नेई रोहू दा ।^९

1. कथ्य : मावां दैत्य संग्रैहू : देनहार, सफा : 5
2. कथ्य : भूपत जोगी, संग्रैहू : लक्क टुनुं-टुनुं, सफा : 47—48
3. कथ्य : दरेआं बड़, संग्रैहू : उयै, सफा : 75
4. कथ्य : पिछली जून दस्सने आली मणी, संग्रैहू : नागवनी, सफा : 5
5. कथ्य : मिट्टी दा चमरा, संग्रैहू : उयै, सफा : 176
6. कथ्य : मणीकरण, संग्रैहू : पानियै दा मुल्ल, सफा : 115
7. कथ्य : भागें दे लेख, संग्रैहू : लक्क टुनुं-टुनुं, सफा : 32
8. कथ्य : शनि ग्रैहू संग्रैहू : मनुक्ख ते परमात्मा, सफा : 66
9. शिवें दी मैहूमा, संग्रैहू : नागवनी, सफा : 72

9. सप्पे बारे चमत्कार

डोगरी लोक-कथें च सप्पे दे बारे च बी बड़ी-बड़िई कर्मन होए, दा ऐ । कीद-कथें च सप्प मनुक्खें आंगर गल्लां करदे न¹, इच्छाधारी सप्प अपना कोई बी रूप बनाई करदे न², मनुक्खें गी धन-सम्पत्ति दिन्दे न³, सप्प खाने आनि गी खजाना खमटा ऐ ।⁴

10. लहुऐ बी करामात

डोगरी लोक-कथें च लहु बी बड़े चमत्कारी कम्म करी जन्दा ऐ । इस कम्म जहाज चली पौंदा ऐ⁵, मैहल बनी जन्दा ऐ⁶, फलदार बूहूटा लग्गी जन्दा ऐ⁷, होर ते होर लहुऐ कम्म 'लाल' बी बनी जन्दे न⁸ ।

11. जान दूई चीजें च होनी

लोक-कथें दी ए गल्ल बी बड़ी चवातपूर्ण लगदी ऐ जे कुस जीवें दी जान उसदे शरीर च नेई होइयै सन्त समुंदर पार तोते च होंदी ऐ जा कुस कुन्नी च होंदी ऐ ।

(क) कुन्नी च राकश दी जान⁹ ।

(ख) मगरमच्छ दे ढिड्डे च पेदे हीरे च राजकुमारी दी जान¹⁰ ।

(ग) तोते च जादूगर दी जान¹¹ ।

(घ) सि'ल च देओ दी जान¹² ।

(ङ) तलीआरी च आदमी दी जान¹³ ।

1. कथ : मौती दी कारी, संग्रैह् : मनुक्ख ते परमात्मा, सफा : 122
2. कथ : इच्छाधारी सप्प, संग्रैह् : वने दियां मिजरां, सफा : 60
3. कथ : सच्चा भगत, संग्रैह् : मनुक्ख ते परमात्मा, सफा : 142
4. कथ : बाबा ते नीजवान, संग्रैह् : वने दियां मिजरां, सफा : 146
5. कथ : तोता मैना ते गान्नी, संग्रैह् : मनुक्ख ते परमात्मा, सफा : 58
6. कथ : नरेश सिंह, संग्रैह् : रिजक ते अकल, सफा : 78
7. कथ : धर्म, संग्रैह् : वने दियां मिजरां, सफा : 171
8. कथ : रवै मोती ते वमैत फुल्ल, संग्रैह् : रिजक ते अकल, सफा : 78
9. कथ : राकशनी रानी, संग्रैह् : उयै, सफा : 112
10. कथ : राजा वासकै दा वस कियां चलेआ, संग्रैह् : उयै, सफा : 180
11. कथ : भूपत जोगी, संग्रैह् : टुनु-टुनु, सफा : 43
12. कथ : राजा भोज, संग्रैह् : जियां उन्दे दिन फिरे, सफा : 82
13. कथ : जादू दी तलोआर, संग्रैह् : रिजक ते अकल, सफा : 103

12. काया पलट करना

डोगरी लोक-कथें दे आम पातर वी अपनी काया गी कुसै दूई काया च बदली सकदे न । उन्दे आस्तै कुसै वी जीबै दी काया च प्रवेश करना ओखा तेई । इस चमत्कार कन्ने जुड़ी दियां किश लोक-कथां इयां न :—

पेहली पड़ां	पानियै दा मुल्ल
काया पलट तोता-मैन्ना	नागवनी
किसमत नक्क दी नकेल	वनें दियां मिजरां

13. मनुखै गी जादू कन्ने पशु-पक्खरू बनाना

डोगरी लोक-कथें च जादू करियै कुसै मनुखै गी पशु-पक्खरू बनाई देने दा हवाला वी मिलदा ऐ । बक्ख-बक्ख चाली कन्ने होए दा उन्दा जिकर इयां ऐ :

(क) सिरै च सूई चोभियै तोता बनाना¹ ।

(ख) जादू करियै मनुखै गी मक्खी बनाना² ।

14. मरे दे लोकें च रूह् पाइयै जीदा करना

डोगरी लोक-कथें च कथें दा मुख पातर मीत कन्ने वी टक्कर लैदा ऐ । ते उनें गी जीन्दा वी करी लैन्दा ऐ । शेरै दे पिंजर गी किट्ठा करियै उस उप्पर 'कोई दोआ' छिड़कियै नै भ्रास शेरै गी जीदा करी लैन्दे न³ । शिवजी भगवान वी जलै दा त्रोंका कराइयै राजा ते उसदे घोड़े गी जीन्दा करी दिन्दे न⁴ ।

15. चमत्कारी चीजां ते बस्तां

ए चीजां चमत्कारी पातरें आंगर गै काल्पनिक होइयां न । इनें गी लोक-कथें दा मुख पातर देवी-देवतें, राकशें, परियें जिन्नै साधुएं वगैरा कोला हासल करदा ऐ । ए चीजां इस चाली न—करामाती थम्म, जादू दा डंडा, चमत्कारी डूठी, नमदा, बाल, मोरै दा फंध, उड्डन-खटोला, पावे, धैली, किशती, फूह्ड़ी, शीशा, कुसीं, बीड़ा, पत्थर, पिंडी वगैरा वगैरा । इनें चीजें कन्ने लोक-कथा दे मुख पातर दियां ओखां सैह्ज होई जंदिनां न । इनें चीजें दी बंड इयां होई सकदी ऐ :—

1. कथ्य : तिलका सुंदरी, संग्रह : नागवनी, सफा : 57
2. कथ्य : भूपत जोगी, संग्रह : लक्क टुनुं-टुनुं, सफा : 43
3. कथ्य : पड़े दे जां गुढ़े दे, संग्रह : वनें दियां मिजरां, सफा : 159
4. कथ्य : पेहली पड़ां, संग्रह : पानियै दा मुल्ल, सफा : 45

(क) मन-चाहे याहूर पर पुजाने आलियां चीजां

इस वर्ग च सुलेमानी टोपी, उड्डन खटोला, किशती, फूहड़ी, नमदा वगैरा चीजां
औदियां न ।

(ख) बुरें गी सबक सखाने आलियां चीजां

इस वर्ग च 'मेली-डंडा' ते जादू दा पत्थर औदे न ।

(ग) खाने-पीने दी चीजें दी पूति लेई चीजां

करामाती बलटोड़ियां, देगां, थम्म, थैलियां, फल वगैरा ।

(घ) परियें, राकशें, देवी-देवतें गी बुलाने दे साधन आलियां चीजां

इस वर्ग च झूठी ते बाल औदे न । झूठी गी रगड़ी जां धूफ-टिक्का लाओ तां परियां,
राकश हाजर होई जन्दे न । बाल धखाओ जां खास शीशा दिखो तां बी इयां होई
सकदा ऐ¹ । ते²

नचोड़

खीर च अस इस नतीजे उपपर पुज्जने आं जे डोगरी लोक-कथें च बरतोए दे चमत्कार
अपना टकोद्या महत्व रखदे न । मनोरंजन, रोमांच ते जिज्ञासा बधाने लेई कथकड़ द्वारा बरते
गेदे ए चमत्कारी 'मसाले' गै लोक-कथें गी अमरता दा गुण बखशदे न । ते जेकर इतें गी
लोक-कथें चा कड़्की दित्त जा तां लोक-कथां नीरस होई जाउन । □

० पी० जी० डी० डोगरी

जम्मू युनिवर्सिटी (न्यू कैंपस) जम्मू

1. कथ्य : बालें दी करामात, संग्रह : बनें दियां मिजरां, :

2. कथ्य : लाल परी ते ओदा मैहल, संग्रह : मनुबख ते परमात्मा, सफा : 9

कहानो

ताह,

□ शाम तालिब

उन्ने इक बारी फी कंधा ने पलचोए दे कलंडरै पासै झांती मारी, दिन-बार उंआं गै अपनी बाहूर मल्ली उससी चघारदे हे ।

उन्ने नजरां थल्लै सुट्टी लेइया, तरपाई पर पेदे लफाफे शा मूंह, बाहूर कडिब्ये चिट्ठी उससी मुड़िय घूरारदी ही उन्ने लफाफा चुकेआ, चिट्ठी बाहूर कड्डी ते इक-इक शब्दा गी वड़े ध्याना ने पढ़न लगा, ए जानदे होई जे चिट्ठी दे सारे लेख दा सार के ऐ ओदियां नजरां ते जैहून इक-इक शब्दा कन्ने खिन्नदे रेहू ।

इक हफता पँहले उससी ए लफाफा थोआ हा ते चिट्ठी पढ़दे गँ उससी बझोआ हा जे घरा च इक दरेड़ पोने आली ऐ ओ चिट्ठी दे बिशे गी लाड़ी थमां शर्पलदा गँ रेहा ते हून उससी अपने आपा पर मता गँ रोहू चढ़ा दा हा, अपने कन्ने ओ मता गँ खिशा दा हा । “की नेई उसने इस चिट्ठी दा सार अपनी लाड़ी गी दस्सेआ, दस्सी ओड़दा तां दमाणा उप्पर पेदे इस भारा थमां खलासी ते होंदी ।”

लफाफा उससी फी घूरारदा हा, ओ मता गँ निम्मोज्ञान होई गेआ । मिगी चिट्ठी बारै लाड़ी गी सर्व्व किश दस्सी ओड़ना चाहिदा हा । ओ मेरी लाड़ी ऐ, मेरी जीवन-साथी, ओदे कोला ए सब किश आऊं किन्ना चिर छपेली रखंड । मिगी सब किश दस्सना गँ पोना, उन्ने पासा परतेआ, चानचक्क, ओ ब्रभकी पेआ । पशानू पैरें दियां किशा बाजां ओदे अल ओदियां जा दियां ही, उन्ने सिर चुकेआ सामने ओदी लाड़ी ही, बुल्लें पर निम्मो नेही सभावक मुस्काना दा रंग मता गँ गूढ़ा हा ।

“तुस के समझदे ओ जे तुन्दे ओने दी मिगी खबर नेई होई, में सब जाननी आं तुस केहूड़े बेले आए ओ ते के करारदे ओ ।” ओदे सुरा च हिरखा दा रंग गूढ़ा हा, उससी बझोआ जे ओ जानियै अपनी लाड़ी ने अक्खियां मलाने च शक्क बुझा दा ऐ । ओदा सज्जा

हृत्थ बे-मुहारा चिट्ठी पर जाइयै बेही गेआ ते ओठें पर इक लिस्सी जेही चुप्पी बी । “ए के ऐ ?”

“मेरे इक मिस्तरा दी चिट्ठी” ! चिट्ठी पर हृत्था दा भार किश ज्वादा गै बधी गेआ हा ते ओ ए निक्का जेहा परता देख्यै, ओठ बंद करी बैठा हा । लाड़ी किश चिरा तक्कर ओदे अल दिखदी रेही ते फी जाने आस्तै मुड़ी गै ही जे ओदे ओठ खुल्ली पे ।

“सुन, मेरे आस्तै चाह् दा इक गरमा-गरम प्याला लेआऽ ते कन्ने गै खाने आस्तै बी किश” । लाड़ी ने इक बारी फी ओदे आले पामै दिक्खेआ, ओदे बुल्ले दी निक्की मुस्कान मते गै णव्वे कन्ने भरोची दी ही । उसने अपनी नजरं इक बारी फी बचाई लेइयां । लाड़ी बैठक शा बाहर उठी गेदी ही । ओ इक बारी फी बे-चैन होई गेआ । उससी अपनी बे-बसी ते कमजोरी पर मता गै गुस्सा आ करदा हा । ओ की नेई इम चिट्ठी बारे अपनी लाड़ी गी सब किश दस्सी ओइदा, आखर इस घरा दे मदे-चंगे दी ओ बी ते भगाल ऐ । ओने आले हालात दा सामना ओदे वगैर ओ कियां करी सकदा ऐ, “नेई-नेई में इस चिट्ठी बारे उससी सब किश दस्सी गै ओइड, हां-हां सब किश दस्सी गै ओइड” । ओ सिद्धा होइयै बेही गेआ, जियां उसने कोई बड़ा बड़्हा फैपला करी लैता होऐ ! पैरें दी छेड़ इक वारी फी ओदे कमरे गी ठहोरा दी ही । लाड़ी ने चाह् दी टू तरपाई पर रक्की छोड़ी । “लाओ चाह् पी लो” । ए आखियै लाड़िया इक कप उससी दिक्ता ते इक कप आपू लेइयै तरपाई कोल पेई दी दुई खाल्ली कुर्सी पर बेही गेई । किश खिनें लेई कमरे च चुप्पी पैर बधाइयै बैठी रेही । पर तौल गै लाड़िया दे ओठें इसगी सांभी लेआ, ओ गलारदी ही ।

“तुसें गलाया हा जे किश दिनें लेई असें बाहर जाना ऐ, उस प्रोग्रामा दा के होआ ?”

“हां, सोचेआ ते है हा जे तुगी कुतै बाहर सैर कराई आमां, पर के करां दपतरा च कम्म-काज गै मता बधी गेआ, छुट्टी थोनी मुश्कल ऐ, ते फी अपना बजट, ए बी ते हामी नेई भरदा ।”

किश खिनें लेई लाड़ी दे मत्ये पर रोसे दियां किश पुट्टियां-सिद्धियां लीकरां सिर कड्डन गै लमियां हां जे लाड़ी ने अपने आपा गी संभालेआ ते रोसें दियें इनें लीकरे गी चेहरे परा पुट्टियै कुतै दूर सुट्टी छोड़ेआ ।

ओ जाने आस्तै उट्ठी गै ही जे उसने सुआल कीता—

“सुन ते सेही साढ़े सामने आली तेरी स्लेली दे घरा च जेका परीहूने दा कट्ठ होआ हा ओ खिडेआ के नेई ।”

ओ बेही गेई । किश चिर सोचने भगरा मते गंभीर सुरा च बोल्ली—

“परीहूने दा औता माड़ा नेई, परीहूने बी घराने दी शोभा हुन्दे न, पर अजकल जिसलै शैहूरा च हवा बी किश न किश देख्यै गै थोंदी ऐ । इनें औने आले गी, औने शा पैहले किश ते सोचना चाहिदा ।” ओ मती चितत ही ।

“परीहूने गे के नेई ?”

“हां, चली ते गे न, सुआ आखा दी ही जे दीं दिनें लेई आए हे ते पूरे दो हफ्ते लाइयै गे न ।”

लाड़ी चुप होई गई, ते ओदियां नजरां इक बारी फही तरपाई पर रखी दी चिट्ठी पर जाई गडोइयां। बे-इत्तयार ओदे हत्था दी पकड़ चिट्ठी पर मती बधी गई, उन्ने इक झटके कन्ने हत्थ चुक्केआ ते चिट्ठी समेत ओ उसदे कोटा दे खीसे च जाई बैठा।

लाड़ी उठिठयै कमरे शा बाहर उठी गई। ते ओ सोचें दे डूहूँ पानियै च इक बारी फही हत्थ-पैर मारन लगा।

उसदी बे-चैनी बघदी गै जा दी ही।

“की नेई में ए चिट्ठी सारी दी सारी गै लाड़िया गी सनाई देआं। हां, सनानी गै पौग, बस इन्ना झूठ जरूर बोलती लैऊ जे ए अज्ज गै धोई ऐ। लफाफा चुकियै ओ रसोई पास जान गै लगा हा जे उसगी बखोआ जियां ओदे पैरें गी धरती ने बन्नी लेआ होऐ, पैरें च जियां मेखां गडोई गेइयां होन। उसने अपना आप इक बारी फही कुर्सी उप्पर सुट्टी छोड़िआ। अपनी बे-वसी दा अहसास ओदी नस-नस च भरोची गेदा हा। इस थमां पैहले जे ओ किश होर सोचदा ओ इक बारी फही ब्रभकी पेआ। किश ओपरें पैरें दी छेड़ ओदे कन्ने च पलचोआ दी ही। उन्ने सिर चुकियै दिक्खेआ कमरे च उसदी लाड़ी कन्ने गै इक नमां व्याहनू जोड़ा बी हा, उसदा मित्तर ते उसदी लाड़ी। उन्ने गी दिक्खियै ओ इक-दम उन्दे सुआगत आस्तै उठ्ठी पेआ। उसदी लाड़ी इक पास होई पेई।

“ओ, विनोद तू आई गेआं मिगी तेरा गै इतजार हा।”

“मेरा खत ते तुगी मिली गेआ हा ना?” मित्तरा ने पुच्छेआ।

“हां अज्ज गै मिलेआ ऐ।” उसने लाड़ी पास दिक्खियै परता दित्ता। लाड़ी मुस्करास दी ही।

“पर में ते इसी मते दिनें शा इसै मेजा पर दिक्खै करनी आं। लाड़ी ने उदी चोरी फड़ी लेई। ओ अपनी घबराहट छपालनै आस्तै काहूली-काहूली उन्दी पन्छान लाड़ी कन्ने करान लगा। लाड़ी दे होठें उप्पर गुज्जी मुस्कान ही, उसने वड्डे-वड्डेरें आंगर नमीं लाड़ी दे सिरा पर हत्थ फेरैआ ते उसी लेइयै बैठका चा बाहर उठी गई।

दरेड पीनी शुरू होई गई ही। लाड़ी ने जन्दे बारी उसगी इयां दिक्खेआ हा जियां आखा दी होऐ, ए तुन्दे चिट्ठी आले गै परीहूने न जिन्दे बारे तुस मेरे शा छपेल करदे रेहू।

परीहूने दी खातरदारी शुरू होई गेदी ही। उसदी लाड़ी गी कम्मा शा बेहूल गै नेई ही ते परीहूने बी घरा ने कन्ने इयां बरतोआ दे हे जियां ओ बी इसै घरा दा इक हिस्सा होन।

पर सच्च के हा, ए ओ चंगी चाली समझा दा हा, जित्यें सारा दिन ओ भाई साहूव ते भाबी दी रट लाई रखदी ही उत्यें गै बड़ी मुश्कलें ओदी झोली च इक-अद शब्द पौन्दा हा। दऊं दिनें मगरा उनें गी किश समें लेई कोल बीहूने दा अवसर थोआ, परीहूने कुतै बाहर गेदे हे।

ओ बलगदा रेहा जे लाड़ी किश गलास पर ओ ते मती गै चुप ही फिरी ओ मते हाँले सुरा च बोल्लेआ—

“मिगी पता ऐ जे तू मेरे कन्ने नराज ऐ पर नराजगी दी किश खास ब'जा मिगी नेई लभदी ।” ओ हस्सी पेई ।

“में तुगी दस्सने गी आला हा जे इन्ने औना ऐ पर मता चांहुदे होई बी में दस्सी नेई सकेआ ।”

इस बारी ओ हस्सी ते नेई पर उसदे मत्थे पर किश लीकरां गलत-सलत जरूर होई गइयां हां ।

“जे तू किश बोलगी नेई तां मेरे मना दा भार बधदा गै जाग ।”

“तुन्दे परीहने मेरे परीहने न ।” ए आखियै ओ उट्ठी खड़ोती ।

“तेरी चुप्पी च हिरख बझांदा ऐ पर कदे-कदे इयां बी बझोन्दा ऐ चुप्पी मिगी निगली जाग ।”

ओ जंदे-जंदे मुड़ी, खिनै लेई उसदे ओठ खिखदे रेह, ते फी उन्दे मझाटै सुर आनी खड़ोता ।

“इन्ने चिर किट्ठे रीहने मगरा बी अस इक-दूए गी नेई समझी सकै । इक गड्डी दे दी पेहिये आंगर कन्ने-कन्ने टुरारने आं पर छिडे नेई मुक्के, अजें बी कोई कंध साढ़े बणकार खड़ोती दी ऐ जेहू की इक राज बनियै किश चिरा आस्तै मिगी तुन्दे शा ते तुसें गी मेरे शा दूर करी ओड़दी ऐ ।”

व्याह, मगरा ऐ पँहला मौका हा जद् उसगी धक्का लग्गा हा । उसी बझोआ जे कुतै नां कुतै किश नां किश जरूर होआ करदा ऐ, जेहूड़ा उसदी लाड़ी गी निम्मोखान करदा रीह्दा ऐ ।

ओ अक्सर सोचदा जे ओ लाड़ी शा किश बी छपैलियै अपनी नजरें च आपू गै दोशी बनी जाग ।

ओ अपनी जिदगी, अपने रीहने-बीहने ते अपने बातावरण दे हर पल थमां इयां ला-परवाहू ऐ जियां इक बच्चा ।

जे ओदे कन्ने ओदी लाड़ी नेई होऐ तां ओ जिस चाल्ली अपना जीवन गुजारदा ऐ, पता नेई उसदा के हाल हुन्दा, लाड़िया बगैर ते ओ अद्धा बी नेई ।

लाड़ी दे जाने मगरा ओ सोचें च खुबो गेआ जे लाड़िया दा इशारा केहूड़ी कंधा पासै ऐ ।

ओ बीती समें बी बित्ये च झांकदा रेहा । जित्ये निक्के-बड्डे बथेरे हादसे हे पर ओ इन्ने निक्के ते लिस्से हे जे उनें गी इन्दे मझाटै कोई बी थाहूर नेई हा थहोआ ।

उसने मता सोचेआ, मता सिर मारेआ पर उसगी कुतै बी नेहा किश नेई लवभा ।

उन्नै निश्चा करी लेआ जे परीहनें दे जन्दे गै ओ लाड़ी कन्ने शैल खुल्लियै गल्ल-बात करग ते उस कन्हा बारे पुच्छग जिसदा जाला झुलसारदा ऐ ।

चौथे दिन मैं ओ जाने आस्त तेआर हें, परीहूँ नीं गी वरघाइयै जिसलै ओ घर पुज्जेआ ते
बौहूँ दे गै लाड़ी ने उसगी सबाल कीता--

“तुसैं गी मेरे शा कोई ब्राह् ए ? कोई डर ऐ ?”

“के आखारनीं ऐं तूं, मिगी तेरे शा डर, तेरे शा ब्राह् ?”

ओ फटाफट बोलेआ, पर ओदी अवाज मती भुग्गी ही ।

“हां, में ठीक आखा करनी आं, मते बारी मिगी ए बझोआ ऐ जे तुस मेरे जा मता
किश छपैलदे ओ, ओ गल्लां जेहूँ डियां मेरे कर्न गै करनियां न, मेरे शा गै छपैलदे ओ !
में तुन्दी जीवन-साथी आं, तुन्दी अरधांगनी, तुन्दी राजदार, तुन्दा परछामां ।

गै-नै पर मिगी तुन्दी ते तुसैं गी मेरी लोड़ ऐ पही आपे च ए परदा, ए दूरी, के होआ
रदा ऐ ।

हून चंगा इयै जे ‘ब्राह्’ दी ए कन्ध ढाई दिक्ती जा । डर नां दी इस कंधा गी तरौड़ी
दिक्ता जा नेई तां तुस होर बी भुग्गे होई जागे ओ ते पही नेहा समा बी ओग जे तुस हर
निक्की-बड़ड़ी गल्ल मेरे शा छपैलने दा जतन करगे ओ । ते पही मेरे शा गै नेई अपने आप
शा बी छपैल करगेओ अपने आपा गी ओपरा ते बे-पनछानू जानगे ओ । इस थमां पैहूँ जे
तुस मते कमजोर होई जाओ, मती दूरियां पाई लाओ, इस कंधा गी तरौड़ी देओ, भलेआं
ढाई देओ । ओ बोलदे-बोलदे इक-दम चुप्प होई गेई । ओदियां अक्खां उप्पर नेई उट्ठी सकियां
पर ओदा मन करा दा हा जे ओ लाड़ी दे इस रूपा गी बार-बार प्रणाम करे, सजदे करे ।
उसने नजरां पुट्टने दा जतन कीता । लाड़ी बैठका शा बाहूर उठी गेदी ही । उसी बझोआ
जे ओ मता गै हीला होई गेआ होऐ । मुंडी उप्पर चुक्कियै ओ कमरे चा बाहूर आई
गेआ ।* □

० भुल्ला डीली तताS, गोल कलोनी
डाकखाना गोल गुजराल, जम्मू—180001

* (साहित्यक मंच दे तैहूँ 5 मार्च 1990 गी अयोजत कहानी-गोष्ठी च पढ़ी गेई ।)

डुग्गर दे तारें आले वाद्य यंत्र

□ ब्रह्म स्वरूप सच्चर

संगीत, गायन, वादन ते नृत्य दा त्रिवेनी संगम ऐ। गायन दा मतलब ऐ गले चा सुर पैदा करना, वादन दा मतलब ऐ वाद्य यंत्रों दी मदद कर्नै सुर पैदा करना ते नृत्य दा मतलब ऐ शरीर दे अंगे राहें सुरें गी प्रकट करना। संगीत गै इक ऐसा साधन ऐ जेदे कर्नै कलाकार गायन, वादन ते नृत्य दे जरीये अपने आंतरिक भावें गी हूऐ दे सामने प्रकट करी सकदा ऐ।

संगीत दे दीनों अंगें गायन ते नृत्य दी शोभा बधाऽ करदे न संगीत ते वाद्य यंत्र जेहूँ आपे ते वे-जान न पर इन्दे चा निकलने आले सुर ए सावत करी दिन्दे न कि वाद्य यंत्रें च वे-जान होने दे बावजूद जान हुन्दी ऐ। वाद्य यंत्रें दे बगैर संगीत बिलकुल इयां लगदा ऐ जियां इक शरीर आतमा दे बगैर ऐ।

भारत दी संस्कृति बड़ी गै परानी ऐ ते इस संस्कृति दा इक अटूट अंग ए भारतीय संगीत जेदी सेवा च सारें कोला अगें न भारतीय संगीत दे वाद्य यंत्र जिनें गी तिन्नैं हिस्से च बंडेआ गेदा ऐ, ओ न :-

- (1) तारें आले वाद्य (Stringed Instruments)
- (2) फूक आले वाद्य (Wind Instruments)
- (3) ताल आले वाद्य (Parcussion Instruments)

तारें आले वाद्य ओ वाद्य यंत्र न जिन्दे ऊपर तारां लगी दियां हुंदियां न ते इन्नैं गी छेड़ियै सुर पैदा कीता जन्दा ऐ। भारतीय संगीत दी भाषा च इन्नैं गी 'तत्' ते वितत्' वाद्य यंत्र आखेआ जन्दा ऐ ते पाश्चात्य संगीत च इन्नैं गी Stringed Instruments आखेआ जन्दा ऐ। इन्नैं वाद्य यंत्रें च सितार, सरोद, वीणा, गीटार, मैडोलिन लोकप्रिय न।

फूक आले वाद्य यंत्र उन्नैं गी आखेआ जन्दा ऐ जिन्दे चा फूक मारियै सुर पैदा कीता जन्दा ऐ। भारतीय संगीत दी भाषा च इन्नैं गी 'सुपिर' वाद्य यंत्र आखेआ जन्दा ऐ ते पाश्चात्य

श्रीराजा : दिसम्बर '90-जनवरी '91 / 57

संगीत च इन्नें गी Wind Instruments आखेआ जन्दा ऐ। इन्नें वाद्य यंत्रें च बाँसरी, शहनाई, कलारनट वगैरा दे नां ले जाई सकदे न।

ताल आले वाद्य ओ वाद्य यंत्र न जिन्नें गी संगीत च ताल देने आस्तै इस्तमाल कीता जन्दा ऐ। भारतीय संगीत दी भाशा च इन्नें गी 'अवनद्ध' वाद्य आखेआ जन्दा ऐ पाश्चात्य संगीत च इन्नें गी Percussion Instruments आखेआ जन्दा ऐ। इन्नें वाद्यें च तबला, पखावज, मृदंग वगैरा दे नां ले जाई सकदे न।

भारत च डुंगर दे लाके दी अपनी गी लोक-संस्कृति ऐ ते इस लाके दा लोक-संगीत जिसी डोगरी लोक-संगीत आखेआ जन्दा ऐ डुंगर दी संस्कृति दा इक अटूट अंग ऐ। डुंगर दी धरती देवी-देवतें, पीर-फकीरें ते वीर-योद्धाएँ दी धरती ऐ। इस आस्तै इत्थूं दे लोक-संगीत च वीर-रस ते भक्ति-रस मिलदा ऐ। इस संगीत च बी वाद्य यंत्र अपनी टकोधी भूमिका नभाइ करदे न ते इस लाके च बी हर प्रकार दे वाद्य यंत्र मिलदे न जिन्दे च तारें आले, फूक आले ते ताल आले वाद्य यंत्र शामिल न। तारें आले वाद्य यंत्रें च जेहूँ बड़े गी लोकप्रिय न ओ न :—

1. किंग
2. सारंगा
3. चंग।

इन्नें वाद्य यंत्रें दे इतिहास, बनावट ते बजाने दे तरीके दा व्योरा इस चाली ऐ :—

० किंग—इस वाद्य यंत्र दा अपना गै इतिहास ऐ ते इस दरिष्टी कन्नै एदा अपना गै म्हुत्वा ऐ। एदे बारे च आखेआ जन्दा ऐ जे ए वाद्य यंत्र रामचन्द्र जी दे समें कोला चलदा आवा करदा ऐ। एदे बारे च ऐसी धारणा ऐ कि किंग बनाने दा ख्याल भगवान शिव गी आया ते उन्नै इक रिशी जिन्दा नां 'नाभा' रिशी दस्सेआ जन्दा ऐ, गी ए वाद्य यंत्र बनवाने आस्तै आखेआ ते कन्नै गै आदेश दित्ता कि इसी वक्त औने उपपर बजाया जा।


'नाभा' रिशी ने भगवान विश्वकर्मा कोला ए वाद्य बनवाया। उद्धर जेलै चौहूँदां साल दा बनवास पूरा करियै रामचन्द्र जी अयोध्या वापस आए ते इन्दे राजतिलक दे मोके उपपर भगवान शिव ने 'नाभा' रिशी गी भक्ती-रस दे गीत गाने ते इन्दे कन्नै किंग बजाने लेई आखेआ।

इत्थूं ए पता लगदा ऐ कि किंग भगवान विश्वकर्मा ने बनाई ते सारें कोला पहुँले इसी 'नाभा' रिशी ने बजाया। इस वाद्य यंत्र दे अविशकार दे पिच्छें भगवान शिव दी प्रेरणा ही, इस आस्तै अस इस वाद्य दे अविशकार दा श्रेय भगवान शिव गी देई सकने आं ते दूए नम्बर उपपर 'नाभा' रिशी ते भगवान विश्वकर्मा दा नां लेआ जाई सकदा ऐ।


इस वाद्य दे अटूठ हिस्से न जिन्दी अपनी-अपनी खासीयत ऐ। इन्नें सारें हिस्सैं दा इस वाद्य यंत्र च अपना-अपना योगदान ऐ। इन्नें हिस्सैं दे नां इस चाली न :—

1. नाल
2. कद्दू (न० 1)
3. कद्दू (न० 2)
4. करी
5. मीरुआ
6. मरोड़ी
7. सर
8. तार।


इन्नें अटूठ हिस्सैं दी बखरी-बखरी बनावट ऐ ते हर हिस्सा इस वाद्य च अपना गै म्हुत्वा रखदा ऐ। इंदे चा इक हिस्सा बी कड़्डी दित्ता जा तां ओदे कन्नै वाद्य दा रूप खतम होई जन्दा ऐ।



किंग



सारंग



हर हिस्से की बनावट से कम करने का व्योरा इस चाली है :—

1. नाल—ए एक लकड़ी का गोल डंडा ऐ जेदी मुटाई तकरीबन 4 सेंटीमीटर से लम्बाई तकरीबन 70 जां 80 सेंटीमीटर हुन्दी ऐ । ए डंडा बिच्चा खोखला हुन्दा ऐ ।

2. कद्दू (न० 1)—ए एक बड़ा गै नाजक गोला ऐ । नाल आंगर ए बी खोखला हुन्दा ऐ । भारतीय संगीत के बाद्य सितार से बीणा च बी इस किसम के कद्दू हुन्ते न जिनें गी तूम्हे आखेआ जन्दा ऐ ।

3. कद्दू (न० 2)—ए बी पैहले कद्दू आंगर एक नाजक गोला ऐ जेदी बनावट बिलकुल वैसी गै ऐ ।

ए दोऐ कद्दू नाल के दोनै मिरें के कोल इस चाली जोड़े के हुन्ते न कि नाल से दोऐ कद्दू के खोखले हिस्सें दा सरबन्ध आपस च र'वै । ए त्रैवे हिस्से किंग के बड़े गै म्हत्व आले हिस्से न जेहूँ ई इस बाद्य गी एक स्टेई रूप दिवे न ते इनै हिस्सें की वजह कर्नै गै इस बाद्य की अवाज च कम्पन पैदा हुन्दी ऐ जिसी संगीत की भाषा च मीड से वैज्ञानिक भाषा च Vibration of Sound आखेआ जन्दा ऐ ।

4. करी—ए एक लकड़ी का निक्का जेहा टुकड़ा गुलाई च कट्टियै नाल के एक पासे जोड़ेआ जन्दा ऐ जेदा एक सिरा कद्दू आली दिशा के दूए पासे हुन्दा ऐ ।

5. मीरुआ—ए एक लकड़ी का गोल टुकड़ा हुन्दा ऐ जिसी नाल के उप्पर 'करी' आले पासे गै जोड़ेआ जन्दा ऐ जेदे उप्परा तार गुजारी जन्दी ऐ । भारतीय संगीत च इस हिस्से गी 'ज्वारी' आखेआ जन्दा ऐ ते पाश्चात्य संगीत के बाद्यो च इसी Bridge आखेदे न । ए एक ऐसा हिस्सा ऐ जेहूँ बाद्य की तार गी स्थिर रखेदे ऐ ताकि इस तार का स्टेई अवाज कड़्ही जाई सकै ।

6. मरोड़ी—ए एक लकड़ी की बनी की चाबी आंगर हुन्दी ऐ जिसी नाल उप्पर सुराख करियै इस तरीके कर्नै जोड़ेआ जन्दा ऐ कि इसी इस्तर-उस्तर मरोड़ेआ जाई सकै । भारतीय संगीत के बाद्यो च इसी 'खूँटी' आखेआ जन्दा ऐ ते पाश्चात्य संगीत के बाद्यो च इसी Binding Screw आखेआ जन्दा ऐ ।

इनै छे हिस्सें का दो कद्दू नाल के एक पासे जोड़े के हुन्ते न जिसी नाल का ख'लका पासा मन्नेआ जन्दा ऐ ते उप्परले पासे करी, मीरुआ ते मरोड़ी इस चाली जोड़े के हुन्ते न कि ए त्रैवे हिस्से इक्कै लाईन च होन ते मीरुआ मरोड़ी आले पासे होऐ ।

7. सर—ए सत्त तकौनी लकड़ी के निक्के-निक्के टुकड़े मीरुआ के कर्नै गै नाल उप्पर जोड़े जन्दे न जन्दी मदद कर्नै बक्खरे-बक्खरे सुर पैदा कीते जन्दे न ।

8. तार—ए एक नर्म लोहे की बड़ी गै पतली तार हुन्दी ऐ जिसी दोनै सिरें उप्परा 'मरोड़ी' ते 'करी' कर्नै ब'न्नेआ जन्दा ऐ । इस तरीके कर्नै तार बिलकुल स्टेई जगह उप्पर लगी जन्दी ऐ ते मिट्ठी अवाज पैदा करने के काबल होई जन्दी ऐ ।

डुंगर का ए तार आला बाद्य ऐ ते इसी Stringed Instrument की आखेआ जाई सकदा ऐ की जे संगीत के सारे तारें आले बाद्यो गी Stringed Instruments आखेआ जन्दा ऐ ।

इस बाद्य गी बजाने के बेलें कलाकार इसी दीनें हत्यें कन्नै पगड़ियें कद्दुएं आला पासा ख'लके पासे रखदा ऐ । एदे बाद्य अपने सज्जै हत्यें दी उंगली कन्नै तार गी छेड़दा ऐ ते खखे हत्यें दियें चार उंगलियें कन्नै तार गी 'सारे' उपपर बारी-बारी दवांदा ऐ जेदे कन्नै बखखरे-बखखरे सुरें दी अवाज निकलदी ऐ ते इतें सुरें दी चाल उपपर गै भक्ती-रस के लोक-गीत गाए जन्दे न । इस बाद्य दा कमाल ए ऐ जे एदे सुरें दी चाल ते गीत के सुरें दी चाल बिलकुल आपस च मेल खन्दी ऐ जेदे कन्नै लोक-गीत गी इक नमां गै रंग मिलदा ऐ ते सारे पासे भक्ती-रस फैली जन्दा ऐ । ए बाद्य डुग्गर के भक्ति-रस के मते-सारे लोक-गीतें कन्नै बजाया जन्दा ऐ ।

० सारंगी—इस बाद्य गी डुग्गर के किश हिस्से च 'नीरी' बी आखेआ जन्दा ऐ । ए भारतीय संगीत के बाद्य सारंगी दा गै इक प्रकार ऐ । आखेआ जन्दा ऐ कि सारंगी दा अविष्कार रावण के वक्त होया हा ते उस बेलें बी ए ब्रह्मदरी के गीतें कन्नै बजाई जन्दी ही । सारंगे दा अकार बिलकुल सारंगी जैसा ऐ सिर्फ सुरें के बिस्तार च फर्क ऐ । सारंगी के सुरें दा काफी बिस्तार कीता जाई सकदा ऐ पर सारंगे के सुरें दा बिस्तार बड़ा थोड़ा ऐ । अवाज इक्कै जैसी ऐ ।

सारंगी दा अवाज इन्नी मिट्ठी ऐ कि ए दिल च घर करी जन्दी ऐ । डुग्गर दा इयें इक बाद्य ऐ जेदे सुरें चा कंपन (Vibration) पैदा कीती जाई सकदी ऐ । इस बाद्य के हिस्से इस चाली न :—

1. लक्कड़ी दा फ्रेम 2. मदान 3. पेच 4-6 मरोड़ियां (बड़ियां) 7-13. मरोड़ियां (छोटियां) 14-16. मुट्टियां तारां 17. मोरुआ 18. पतलियां तारां ।

1. लक्कड़ी दा फ्रेम—ए इक खूबसूरती कन्नै कट्टियें बनाए दा लक्कड़ी दा फ्रेम ऐ जेदा ख'लका पासा थोड़ी गुलाई च हुन्दा ऐ ते उपपरला पासा अद्धी गुलाई च हुन्दा ऐ । ख'लकी गुलाई आला हिस्सा बिच्चा खोखला हुन्दा ऐ ।

2. मदान (Ground)—खोखले हिस्से के उपपर जानवर दी सुक्की दी खल्ल मढ़ी जन्दी ऐ ।

3. पेच—निकके-निकके दस पेच फ्रेम के ख'लके हिस्से कन्नै लगे के हुन्दे न जिन्दे कन्नै तारां ब'नियां जंदियां न ।

4-6. मरोड़ियां (बड़ियां)—त्रै चाबी आंगर लक्कड़ी के टुकड़े फ्रेम के उपपरले पासे लगाए जन्दे न जिनें गी इद्धर-उद्धर मरोड़ेआ जाई सकदा ऐ । इतें गी खूंटियां जां Binding Screws बी आखेआ जन्दा ऐ ।

7-13. मरोड़ियां (छोटियां)—सत्त चाबी आंगर लक्कड़ी के निकके-निकके टुकड़े फ्रेम के उपपर बड़ियें मरोड़ियें के ख'लके पासे लगे के हुंदे न । इतें गी छोटियां खूंटियां जां Small Binding Screws आखेआ जन्दा ऐ ।

14-16. मोटियां तारां—त्रै मोटियां तारां जेहूड़ियां जानवरें दियां अन्तड़ियां सकाड़यें बनाइयां जंदियां न इक सिरे उपपरा बड़ियें मरोड़ियें कन्नै ब'न्नेआ जन्दा ऐ ते दूए सिरे पेचें कन्नै ब'न्ने जन्दे न ।

17. मोरुआ—मदान के उपपर इक लक्कड़ी जां प्लास्टिक दा टुकड़ा रखेआ जन्दा ऐ जेदे उपपर सारियां तारां गुजारियां जंदियां न । इसी 'ज्वारी' जां Bridge बी आखेआ जन्दा ऐ ।

18. पतलियां तारां—सत्त पतलियां तारां जेहूँदियां नमं लोहे दियां बनी दियां हुँदियां न इक पासेआ मरोड़ियें कन्ने ब'न्नियां जंदियां न ते दूए पासे पेवें कन्ने ब'न्नियां जंदियां न। इन्हें सत्तें तारें गी संगीत दी भाषा च 'तरब' आखेआ जन्दा ऐ।

वाद्य दे पहुँले 18 हिस्से मिलिये इस वाद्य दा इक हिस्सा बनदा ऐ। एदे इलावा इसदा इक हिस्सा होर की हुन्दा ऐ जिसी 'गज' आखेआ जन्दा ऐ ते एदे त्रे हिस्से (19-21) हुन्दे न जिन्दा व्योरा इस चाली ऐ :—

19. कमान आंगर पतली छड़ी 20. धुंघरू 21. घोड़े दे बाल।

19. कमान आंगर पतली छड़ी—ए इक नमं लकड़ी की सोटी ऐ जेदा अकार कमान आंगर हुन्दा ऐ ते एदी लम्बाई तकरीबन 8 सें० मी० हुन्दी ऐ। ए 'गज' दा इक बड़ा गै म्हत्व आला हिस्सा ऐ।

20. धुंघरू—इस कमान दे इक पासे धुंघरू दा गुच्छा ब'न्नेआ जन्दा ऐ।

21. घोड़े दे बाल—ए लम्बे वालें की इक रस्सी कमान दे दीनें पासें ब'न्नी जन्दी ऐ।

इस वाद्य गी वजाने दे बेलें कलाकार गुलाई आला हिस्सा ख'लके पासे रखदा ऐ ते मरोड़ियें आला हिस्सा उप्परले पासे। फेर 'गज' गी अपनं सज्जे हथ्ये च इक पासेआ जित्यें धुंघरू लग्गे दे हुन्दे न फड़िये मुट्टी तारें उप्पर घोड़े दे वालें गी फेरेंआ जन्दा ऐ जेदे कन्ने बड़ी गै सुरीली अवाज निकलदी ऐ। कंपन पैदा करने आस्तै गज दे कन्ने-कन्ने खव्वे हथ्ये दियां उंगलियां तार दे उप्परले पासे तार उप्पर फेरियां जंदियां न। एदे कन्ने सुरीली सुरें की अवाज निकलदी ऐ ते कन्ने गै धुंघरू की छतछन की इस अवाज कन्ने मिली जन्दी ऐ। इस किसम दे सुरें दा इक अपना गै मजा ऐ। ए वाद्य डुमर दे लोक-संगीत च आम तौर उप्पर वारां गान्दे बेले वजाया जन्दा ऐ। वारां डुमर दे वीर-रस दे लोक-गीत न ते इन्दे च सारंगा वाद्य प्रधान ऐ।

० चंग—इस वाद्य गी डुमर दे कई हिस्से च 'छंग' गी आखेआ जन्दा ते ए वाद्य डुमर दे प्हाड़ी खेतर च लोक-गीतें कन्ने वजाया जन्दा ऐ। ए इक बड़ा गै निक्का जेहा वाद्य ऐ जिसी जेब च पाइयें की जित्यें चाहो लेता जाई सकदा ऐ। छोटा अकार होने दे कारण एदा प्हाड़ी लाकों च बड़ा गै म्हत्व ऐ की जे इसी बिना कुसै मुश्कल दे जित्यें मर्जी चाहो ले जाया जाई सकदा ऐ।

'चंग' भारत दे होर की कई लोक-गीतें ते नाचें कन्ने वजाया जन्दा ऐ। एदे वारे च ए तथ्य नेई मिलदे जे एदा अविष्कार किया होआ ते डुमर च ए कियां आया पर ए आखेआ जाई सकदा जे छोटा अकार होने दे कारण ए प्हाड़ी इलाके च प्रचलित होया। ए सारें वाद्य कोला अकार च छोटा ऐ। छे सेंटीमीटर दे अकार दा इक चावी आंगर लोहे दा फ्रेम ऐ जेदे उप्पर लोहे की बड़ी गै पतली 'पत्तरी' लग्गी की हुन्दी ऐ। फ्रेम गी दन्दे च दबाइयें पत्तरी गी उंगलियें कन्ने छेड़ेआ जन्दा ऐ जेदे कन्ने स्वर पैदा हुन्दा ऐ। ए वाद्य सिर्फ गीते ते नाचें दे संगीत गी सुन्दर बनाने दे कम्म दिन्दा ऐ।

ए तारें आले वाद्य डुमर दे लोक-संगीत च इक म्हत्वपूर्ण स्थान रखदे न ते इन्हें गी डुमर की संस्कृति कोला कदें की अलग नेई कीता जाई सकदा। □

० 184-मस्तगढ़, (ज़िक रोड) जम्मू

संस्कृत

उत्तर-बैहूनी ते वैदिक सभ्यता

□ मुकुंदराम नागर

साहे भारतवर्ष च जियां गंगा पवित्तर नदी मन्ती जन्दी ऐ उंआं गै इस डुग्गर देशे च “श्री देविका जी” वेदें-पुराणें च “गुप्त गंगा” नां कन्ने पवित्तर मन्ती गेदी ऐ । पर्व-दिनें च हजारों श्रद्धालु भगत इत्ये आइयें स्नान करिये अपना जीवन सफल बनादे आवें दे न । अज्ज कोला दो सौ साल पैह्लें डुग्गर देशे दे बादशाह् श्री गुलाबसिंह जी ने इस तीर्थ दी म्हात्ता दी परख करिये एदे कंठे पुरमंडल कोला कोई पंज मील दूर जित्ये ए देवका दक्खना दा उत्तरे पास वगदी ऐ “उत्तर-वाहिनी” नां दी इक निक्की जेही देवनगरी-ब्रह्मपुरी बनाई । इसी उत्तर-काशी वी आसिआ जन्दा ऐ ।

इस डुग्गर देशे दे पैह्ले बादशाह श्री गुलाब सिंह ने अपने राज्यकाल च सारें शा पैह्ले श्री गदाधर मन्दर दी स्थापना कीती । एदे बाद इत्युंआं दा थोड़ी दूर देवका दे दूए पास “श्री अभिमुक्तेश्वर” दूआ मन्दर स्थापत कीता । श्री गदाधर दे नां दे उप्पर गे इत्ये इक संस्कृत पाठशाला बनाई, जेदा नां “श्री गदाधर संस्कृत पाठशाला उत्तर-बैहूनी” रखेआ । विद्यार्थिये गी भोजन-वस्त्र मुफत दित्ता जन्दा हा ते इन्दी शिक्षा वास्तं काशी दा बड़े-बड़े विद्वान मंगवाए जन्दे हे । पढ़ाई शास्त्री तक होंदी ही ते पंज सौ छात्र इस पाठशाला च शिक्षा पांदे हे । श्री गुलाब सिंह हुंदी ए मर्जी ही कि पुरमंडल कोला उत्तर-बैहूनी तक “पंचकोशी” उत्तर-काशी बनाई जन्दी । पर उन्दी ए मनशा पूरी नेई होई सकी “अभिमुक्तेश्वर” मन्दर दी अजें ओ प्रतिष्ठा बी नेई करी सके तां ओ शिवधाम गी चली गे ।

इन्दे बाद इन्दे उत्तराधिकारी श्री रणवीर सिंह होरें अपने पिता श्री दे अधूरे सपने पूरे करने दी कोशश कीती ते उनें बी अभिमुक्तेश्वर दी प्रतिष्ठा करिये इत्युंआं दा कोई अद्ध मील प्हाड़ै पास इक बड़ा शैल ते सबने कोला उच्चा मन्दर बनाने दी नीह् रखी, पर पता नेई शिव मीले गी के मनजूर हा ते ओबी इस मन्दरे गी अधूरा छोड़िये अपने पिता श्री कोल गै

स्वर्ग च चली गे। इन्दे बाद इन्दे उत्तराधिकारी श्री प्रताप सिंह जी ने अपनी हुकूमता च भासै कोई नमां मंदर नेई बनाया तां बी अपने बजुगें दी धार्मिक श्रद्धा दा हयाल रखियै इस नगरी ते पाठशाला दे ठाठ-वाठ च कोई कसर नेई औन दित्ती। काल चक्कर दे सुतादक जिस बेलें इवी वैकुंठ धाम गी चली गे तां इस तीर्थ दे सुनैहरी मुखने नेई साकार होई दिक्खियै पार्वती स्वरूप भगवती देविका दा मन इस “ब्रह्मपुरी उत्तरवाहिनी” उपपर दुआस होई गेआ।

इस उत्तर-वैह्नी तीर्थ च चढ़े पासै ‘गया जी’ तीर्थ, घरोंदे पासै ‘प्राणवड़ तीर्थ’, नगरी दे वशकार श्री गदाधर जी दा मंदर, संस्कृत दियां दो पाठशालां केई सुन्दर बाग, शिव मन्दर, खूह, बोलियां, बड़े-बड़े बड़ ते बोही दियां ठंडियां छायां, चमुखें सैले-सैले पत्तरे दे बूटें कन्ने सजदे जंगल ते पहाड़, बड़ले ते तरकालें विद्यार्थियें कोला सुनोचने आलियां वेद मंत्रें दियां बाजां, देवका दे दौने पासे मन्दरें उपपर सुनैहरी कलशें दा शलैपा, छल-छल भेड़ करदा बगदा श्री देवका दा अमृत पानी, पूजा दे मौके पर घड़िओल-नगारे ते शंखें दी अवाज सुनियै समाना दा देवता बी इतें नजारें गी दिक्खने गी सुगं दा खल्ल उतरी औंदे हे।

सन 1942 ई० च इस पार्वती रूप श्री देवका जी नै एदी चीनैं पासेआ दवार भनियै एदा सारा शलैपा अपनी गोदी च कट्ठा करियै इक डरौने चंडी रूप च श्री गदाधर दे चरणें च आई पुज्जी। श्री गदाधर जी ने दिक्खेआ के इन्नी तवाही करने पर बी अजें एदा रोहू ठंडा नेई होआ दा, तां उनें रूढ़ने कोला बची दियां दोऐ संस्कृत पाठशालाएं गी बी एदा रोहू धम्मने आस्ते बतौरे नजराना एदी गोदी च भेटां करी ओड़ियां। इतें दौने पाठशालाएं दे खंडर अज्ज बी इस ब्रह्मपुरी उत्तर-वैह्नी बी वैदिक सभ्यता ते गौरवता दा प्रतक्ख सबूत ऐ। एद बाद सन 1947 दे भारत बटवारें च इस पुरी च ‘संस्कृत शिक्षा’ दी भलेआं गै “इति श्री” होई गेई।

अज्ज लग-भग अठ्ठी शताब्दी दे बाद इस नगरी दे परतियै भाग जागन लगी पे न (श्री महर्षि महेश योगी दी किरपा कन्ने इत्यें “श्री महर्षि वेद विज्ञान विद्यापीठ” दी स्थापना शुरू होई गेई ऐ। इस विद्यापीठ च दो हजार छात्र पढ़ाने दा इन्तजाम कीता गेदा ऐ जिन्दे चा 15 सौ छात्र अपना नां लखाई चुके न। इन्दे च पूंज सौ विद्यार्थी दाखल होइयै पढ़ाई करा करदे न। छात्रें गी भोजन-वस्त्र दे अलावा डेढ सौ रुपै हर महीने बजीफा दिता जन्दा ऐ। बड़लें ते तरकालें दौनें बकत छात्रें गी ध्यान लाना ते वेद मंत्र पढ़ाए जन्दे न। छात्रें दे रोहू ने आस्ते श्री रणवीरेश्वर मन्दर कोला लेइयै उपपर जंगले च राजे मंडलीक दे मन्दरें तक इक सौ टीन दियां कुटियां बनाई गेदियां न। पानी ते बिजली दा खास इन्तजाम कीता गेदा ऐ। पढ़ाने वास्ते काशी दा बड़े-बड़े विद्वान मंगवाए गेदे न। छे साल तक विद्या पढ़ने आले विद्यार्थी गी इस संस्था पासेआ नौकरी बी दित्ती जाग। उत्तर-वैह्नी इस संस्था च इस बेले लग-भग इक हजार कर्मचारी कम्म करा दे न।

इत्युंआं दी रौनक दिक्खियै इयां वसोंदा ऐ के साढ़े डुग्गर देसे दे बादशाह, जिस वैदिक सभ्यता दे प्रचार दे मुखने दिक्खना चांह् दे हे ओ अज्ज इक महात्मा दा अवतार लेइयै साकार होना शुरू होन लगे न। इत्युंआं दा परतियै पैहलें बांगर इस देव भूमि च वैदिक सभ्यता दा प्रचार हाना शुरू होई गेदा ऐ। इत्युंआं दा शिक्षित विद्यार्थी देश-विदेशें च जाइयै अपनी इस वैदिक सभ्यता दे झंडे लहराने शुरू करी ओड़इन। इस उत्तर-वैह्नी तीर्थ दी इस वैदिक सभ्यता दी लो कन्ने परतियै सारा संसार चानना होना शुरू होई जाग। □

० ग्रां ते डाकखाना पुरमंडल, तसील जम्नू

गजल

□ सागर पालमपुरी

दुख - सुख कुस कने लाणां ओ,
पखले माहणु देश बगाना ओ ।

गल्ला प्रति करदा ऐ अड़ीयां
मनदा नी दिलङ्ग न्याणां ओ ।

उड़ी जायां फुक्का दीये चिड़ीऐ,
पिजरा तां होया पुराणां ओ ।

गल्ला बाता बगते टपाई लं
सेई अजकले वा स्याणां ओ ।

सांजो बाहक्षी वेढणीं कू जाणां तें ?
तोपी लं तूं कोई टमाणां ओ ।

फुल्ल जेहड़ा डालीया ते टुरेया,
जगे च सेह होया निमाणां ओ ।

चंदरीऐ लोई तूं बली कैह
धूड़ होई गया परवाना ओ ।

जाणें कदूं सीरनी भयाग ऐ
कदूं औणां मौसम सुहाणां ओ ।

दुख "सागर" सम्हणी दे बण्डणे,
कजो दिल कुसी वा दुखाणां ओ ।

□

० अशोक लाँज, मरंडा
पालमपुर (हि० प्र०)

गज़ल

□ अश्विनी मंगोत्रा

अन्दर मेरे बी अज्ज किश डु'ल्लेआ ते ऐ ।
मन, मेरे ने बोस्ता छु'ल्लेआ ते ऐ ॥

भित्तें गो ठहोरिये भाएं आला नि देऐ ओ,
इन्ना बी बड़ा, गेहूँ ल मेरी भुल्लेआ ते ऐ ।

कुशबा मेरे बी अंगना लंघदी गै जा पवन,
सामन बड़ा वा पत्तर भुल्लेआ ते ऐ ।

तेरा जो मन बोस्ता हा बांझ चिरै शा,
कंडेआर गै सेही, व किश फुल्लेआ ते ऐ ।

बिक्खो नुहार हुन तेरी कडवी ऐ के नुहार,
यार ! यारी दा म्हरक्खा उ'ल्लेआ ते ऐ । □

० 130-मंगोत्रा स्ट्रीट,
चौगान फत्तू, जम्मू

राजल

□ विजय वर्मा

बिन चढ़े, आइयां दपहरां संजां लै डलदे बने ।
हेजले अड़ेआ जो अपने सब्ब गं चलदे बने ॥

किश थड़े सोचें च आइयें सिमकदे सोचें च रेह्,
छाइयें छलनी कलेजे गी मड़े छलदे बने ।

जो फनाके बी, मेरे पचोआड़ें शें गुजरे जनाव,
शौंकड़ी मेरी दी लिस्सी भितलियां दलदे बने ।

खिड़वी कलिया नै, कुतै करलाइयें कीता व्यान,
नजरें दे खंजर ओ करियें ओपरी चलदे बने ।

बदल किश घनघोर जेह् डे रेह्, घनांदे सोच इच
टाकरा चेतें नै होया अक्खियें घलदे बने ।

ओ मेरे गीतें दे रसिया ते प्रीता दे प्राण,
सुचड़ें सरबंध मड़ेआ तोह्, मतें पलदे बने ।

कतरा - कतरा ते समुंदर दा कटोरा छलकदा
सब्व दरेया प्हाड़ियें चा नाड़ुएं रलदे बने ।

दुनखरें दे कोलें गी पुच्छन लगे काले ओ की ?
बोले दुनियां दी लाई दी जलदे ते बलदे बने ॥

□

० न्यूज रीडर, डोगरी न्यूज यूनिट
ए० आई० आर० नई दिल्ली

गजल

□ पूर्णसिंह पूर्ण

दुक्खे आली काली रात ।
असें गजारी बाली रात ॥

सकवे डारे बलदी भांबड़,
अत्थरएँ ने सहाली रात ।

चेते आली पीड़ परानी,
रातीं शेई दखाली रात ।

इन्नी सती चोर सराह् दे,
जिन्नी होए काली रात ।

मेल-बे-मेले सौवे होन,
लाले दी दलाली रात ।

चाननिये च चाएं-चाएं,
बांह् बां बांह् दे हाली रात ।

चाननी रातीं चन्त गुआबा,
'पूर्ण' लुपदे गाली रात । □

० गां राजपुरा, डाकखाना बडेह् डा
जम्मू

मेरे कने तू बोल

□ डॉ० गौतम 'व्यथित'

सेलियां धारां पिपल झुलवे
पक्खरुयां दे मिठ्ठे बोल ।
पाई पद्देणा तू पखलोया,
हुण कैह् रैह् ना डोल ।
सजणा ! मेरे कने तू बोल ॥

नौइयां रुतां संगार करी लै,
फुलिया चादरी चा भरी लै,
होठां, नजरीं सेंइयो गल्ल
लख छुपांदी, खुलदी पोल ।
सजणा ! मेरे कने तू बोल ॥

बत्तां, गोह् रां चेतें लंघदे,
नेइ - पइसें हिरखी खं'गदे,
सरें घड़ोलू हिणसी छलकं
छन्ती पर कोआं वे बोल ।
सजणा ! मेरे कने तू बोल ॥

तेरिया खावा कंडा खुबेआ,
मने दा दरदी इन नी लुभेआ,
धारां ओह्ले चन्दर सीरे
पीए मने च रहोल ।
सजणा ! मेरे कने तू बोल ॥

लूतफख्ती दुनिया छलबी
 सच्चे बी तां इक नी चलबी,
 चरगटेयां दे चाऽ संगरोदे,
 रहावे संघे सुकवे बोल ।
 सजणा ! मेरे कने तू बोल ॥

रौसलियां धारां पखलोइयां,
 सजरियां खावां भरमोइयां,
 महरमियां दे फुल्ल सुकी गै,
 मुहें - मुहें कौड़े बोल ।
 सजणा ! मेरे कने तू बोल ॥

दूए बी कोई पीड़ न जाणे,
 सब वणी गै जल्हे - काणे,
 माह्णु कैह् इतना बदलोया,
 मेरे मने बा संसै खोह्ल ।
 सजणा ! मेरे कने तू बोल ॥ □

० राज मन्दिर नेरटी, बाया रैत
 कांगड़ा (हि० प्र०)

कबरीं पर उक्करे दे बोल



इस सूरमे बी कबरिया दे कोल आइयै तू,
 खुशिये दे नाहरे लाने दे, भड़ुआ नि कर बिचार ।
 ओ ते दुरी बा, बिख बा छोड़ी ऐ गेदा केह् ?
 अपनी बंदूक ते कने खंजर ए तेज-धार ॥

- ० मूल : रसूल हमजातोव (दागिस्तानी कवि)
- ० डोगरी अनुवाद : शिवराम 'दीप'

जहीरां

□ मोहन सिंह

मिगी
 म्हेशां गं सेरे बडके
 ठाकवे रेह्
 टोकवे रेह्
 गल्ला-कत्था पर
 मेरी होशा ते सोचा बिच बी
 ओ दखल रेह् दिंदे
 एह् की चीज नेई खानी
 ते एह् के पास नेई जाना
 मेरे जिसमें गो
 कूले-पट्ट जिसमें गो
 कदं जे धूप बी
 आइय बसोइय
 लाल करी बिंदी
 कलेजे घाल करी बिंदी
 मेरे सारे बजुं गें दे
 ते मामां छामां बनिये
 शौगरें ठंडे बरुटे दियां,
 मेरे पिंडे पा तपदे धुप्पा दे
 साए खदेड़िये
 मिट्ठी छां हिरखा बी
 ते ठंडी ब्रहा ममता बी
 करिये शोलिये
 पुनिये बचैरी
 चिट्ठी धुप्पा गो
 मेरे रंगा गो सामां करदियां
 फी बरदियां
 न्होरें बी बरखा नं
 बरि की खोई पर मेरी
 द्राबड़ रोसे बी पौंदी
 बुड्डी नानी चरखा कत्तदी
 चन्नं बी अम्मां जो

डरावा रोसे दा बिंदी
 मेरी खेडें प
 मेरे फेरे-टोरे पर
 बजुं गी सोचें दे पंहु रे
 ते मेरी बोट जन जिन्दगी
 उनें पंहु रे च रेही पलवी.
 प मेरा रूप अज ए
 इक-दम कैसा करूप होया
 मेरे मुंहां प थां-थां गि'लटियां
 ते गि'लटियें दे हेठ
 मेरी असली नुहार पता नि
 कुत्थें छपी गेदी...
 गरीबी-मुखमरी
 डाकाजनी, पंजाब दा मसला
 कुतै कश्मीर, कुतै दारजालिग
 ते गोरखा-भूसी
 रफूजी कैम्प, भिखमंगें दे टोले
 शौपड़ी-झुंगी
 जग सप्ताह, यात्रा
 परमात्मा दे दूत
 ए सब्बै गि'लटियां, मेरियां
 मेरे जिसम दा मसला
 कियां मठोई गेइयां,
 कदं नि खेडेआ कुत्तें में
 बाल बिल्ली दे खाट्टे नेई ।
 बजुं गी सोच दा पंहु रा
 जिंदे साए च में पलेआं,
 उदे इक के खराबी ही
 जे अज्ज मीं
 जहीरां होई गेइआं □

० 124-जोगरा हाल, जम्मू

पुतलियें दी खेड

□ चंदूलाल योगी

नच्चा बियां न पुतलियां ।

लाल-लाल

किश सैलियां-सैलियां

अत्त सुहामियां,

नीलियां-पीलियां

भांत-सजांतियां

शैल सनक्ख,

दस्सा दियां न,

केई चाल्ली दे नाच

पुतलियां ।

खुश बी बड़ियां,

फसोई दियां मतियां,

उड़की-उड़की,

दस्सा दियां,

अपना ए कमाल,

पुतलियां ।

खिड़वे बंद

अक्खों दे शारे

सदबियां बांह् मां,

करदियां आव-भगत ।

बड़ियां चतर,

चनार बड़ियां,

किश कपटी बी,

पल नीं लान्दियां,

अपना 'बाऽ' लाने च,

घोखा देने च ।

किश सोता दियां,

सुन्ना-रूपा

रेसू ते गोटें दे बिच्चा ।

कम्म करन किश हूएँ दा,

हूएँ दा बेड़ा,

रोड़न किश ।

मान बड़ा केइयें गी,

किश नेई अपना,

नाच नीं अपना,

चाल नीं अपनी,

ए उडभरवी,

शान नीं अपनी,

ए सव्व बज्जी,

धागे कन्ने

जीन बी एदा

धागे कन्ने

सौत बी एदी

धागे कन्ने ।

प

ओ, कोई जादूगर

छलिया 'योगी'

बड़ा चतेरा,

चंचल मता

मता सेआना,

इनें पुतलियें शा ।

धागा बद्धा,

उंगली अपनी,

उंगल लहांदा,

सर्जी कन्ने,

नाच नचान्दा,

सर्जी कन्ने,

जी करेँ, तां

इक चूकै लान्दा,

ते पही,

भी किश बी नेई,

ए पुतलियां । □

० यां ते डाकखाना घगवाल

तसोल हीरानगर

निर्मल पाणी

□ हरिकृष्ण मुरारी

मेरा बाग
बड़ा छल
हरा-भरा
जरूरत है इसियो,
सेड़े दी
कुल्हां कदू दियां
सुकियां पेईयां
कोहली सुत्तेयो
मुक्ते दियां वाणेयां छा दे
अपर.....

मलौणे छेवणा
कदी नी जा दे
ताहीं तां कुल्हां
ढकोई गोइयां
घाए-बसून्टे ने
चिक्का पत्थरां ने
पेंट-कोट बघदे जा द
कुदालां फौहड़ेयां ने
हाय कुनी लाणा ?
कुनी पुटणा एह घा
जिसियो.....

डंगरे बी नी खान्दे
भिरि.....

किआं पुजणा पाणी
मेरे बागे च ?
बरखा वा बी कोई भरोसा नी
पता नी काह्लू बरखा हुणी
सहबी.....

पाणी पौणा कि आह्ण
इसियो तां जरूरत ऐ सेड़े दी
छाए पुट्णे बी
कुल्हां सुआरने बी
ताहीं पुजणा
निर्मल पाणी
बागे च बगीचे च
खिलणे फुल
कने.....

बणदेयां-बणदेयां
फलां ने भरोणा
मेरा एह बाग ।

□

० चिचन कुटीर
रैत, कांगड़ा-176208

सच्च

□ संसार चन्द 'प्रभाकर'

जे सच्च गलां तां छपदा नीं,
जे झूठ गलां तां जचदा नीं ।

में सच्ची गल्ल गलाण लगां,
सबनां जो अज्ज सुणाण लगां ॥
कोई तणीं तणोई सौआ दा,
कोई दुटिया खट्टा पौआ दा ।
कोई अन्दरो-अन्दर घट्हाओ दा,
कोई दूणीं-दूण गठोआ दा ।

सच्ची गल्ल कोई वसदा नीं,
जे सच्च गलां तां छपदा नीं ।

कोई दाजे नें नीं रज्जा दा,
कोई फुटिया डोल नीं बज्जा दा ।
हर बड्डा निकके दब्बा दा,
भिरि चिट्ट चरेला गज्जा दा ।

बाजा वो सिद्ध बजदा नीं,
जे सच्च गलां तां छपदा नीं ॥

सब डोल नगारे बज्जा दे,
रजियो माहूण हन रज्जा दे ।
किछ झूठो - झूठ गलोआ दा,
सच्चे दा मन घट्हाओ दा ।

एह सुद्धा बेतर जचदा नीं,
जे सच्च गलां तां छपदा नीं ॥

झूठे दी चाग्दी होआ दी,
सच्चे दी अम्मां रोआ दी ।
गिलड़ी दी अज फणसोआ दी,
कनै छैल-छबीली रोआ दी ।

सतिया बा सत हुण बचदा नीं,
जे सच्च गलां तां छपदा नीं ॥

कुथीं नंगे नाच बखोआ दे,
कुथीं माहूण भुक्खे रोआ दे ।
कुथीं दंगे खूब घट्हाओ दे,
कुथीं बच्चे बिच्च मरोआ दे ।

कोई बी सुक्का बचदा नीं,
जे सच्च गलां तां छपदा नीं ॥

कोई दूरे तों ललकारा दा,
कोई गोली सिद्धी मारा दा ।
बिच भरिया सभा पछाड़ा दा,
लोथों पर लोथों चाड़ा दा ।

मारी कं कोई फसदा नीं,
जे सच्च गलां तां छपदा नीं ।

कवियां दा बिल घट्हाओ दा,
सदियां दा माहूण रोआ दा ।
अज राम रहीम लड़ोआ दा,
गुरुआं दा अत्थरु चोआ दा ।

यीशू बी दिक्खा हसदा नीं,
जे सच्च गलां तां छपदा नीं ॥

किछ देस - दरोई नच्चा दे,
कनै देस - भगत हुण न्हस्सा दे ।
रुहू गांधी दी हुण तड़फा दी,
हिंसा जो दिक्खी कलपा बी ।

'संसार' एह सब किछ जचदा नीं,
जे सच्च गलां तां छपदा नीं ॥ □

० प्रां ते बाकखाना फतेहपुर—176950
कर्मदा (हि० प्र०)

गुमशुदा

□ श्याम लाल रैणा

शकल आवमिये बी,
अकल जनौरे बी,
उमर सट्ठ ब'रे,
रंग कनकी, कत्ने झप्पे,
अख मनकी,
टिड्ड गंजी,
नुहार भिखसंगी
बापू दा नां गोपी, सिरै पर गांधी टोपी,
तंबी, कुरता बरदी
जिदू अंदर अद्धी चरबी
है बड़ा पीर,
प, लभदा फकीर,
खंदा झूठियां कसमां,
चिट्ठे बालें च मलदा बसमां,
फिरदा हा गंहू, लें
मिलदा अजकल मंहू, लें.
मंगन आया हा
पंज साल पंहू, लें,
मिगी लुट्टिये
चली गोदा सैलें,
तुहाड़े चा कोई उसी
सतेहा पुजाऽ,

इक बारी ओ
आई मिली जा,
मिगी मेरियां चीजां
बापस करी जा,
मेरा विश्वास
मेरे हासे
मेरे बच्चे दियां पैसलां
कापियां
उंदे खेडनू,
मेरा आटा
मेरा लून
चाहे अज्ज देऐ
चाहे हून

× × ×

मेरा पता ऐ
गरीबू राम भारती
राजधानी दिल्ली,
जम्मू बी नमेश च
बज्जे दा किल्ली । □

० डिक्शनरी प्रोजेक्ट जे० एंड के०
कल्चरल अकैडमी, जम्मू

लोक

□ आनन्द किशोर 'आनन्द'

(1)

हिलदी मुंठी कोरा धोखा,
सदा स्याने आखन लोक ।
धोखा कदें नि भुल्ली खाना,
हलदे दिक्खी ठाकन लोक ।
ए छड़े बलासे कोरे हासे,
कोरी भंडी गोदा पांवे—
ए कच्चे साथी पक्के इल्मी,
टप्पन जदूं डुआठन लोक ।

(2)

हाम्बां देई-देई हाम्बे जेह्-डे—
आए कदें नि नेई लोक ।
चुप्पी साघी तुप्पन कुसगी—
उयं भेरं जेह्-डे लोक ।
लेई चले अज्ज मुंठे चुक्की—
मुह्, जिने नि जीन्दे लाया—
भरने कन्नं बैर पराना—
जन्दा कुत्थें केह्-डे लोक ।

(3)

पत्थर पूजा मुक्ती तुप्पन—
टिक्के लाइयै लम्मे लोक ।
बनी कपत्ते अंध विश्वासी—
कर्महीन ए अ'न्नं लोक ।

टाका टूकी बौहू न शकारी—
 रेड़ी धर्मी चूग चफेर—
 चुप्पी साधी बगले जियां—
 धर्मी धर्म-सबन्ने लोक ।

(4)

भेड़े चाले तीर - तरीके—
 यतार्थवादी कच्चे लोक ।
 धर्म बक्षोंदा सच्च गलाना—
 कच्च कमन्वे सच्चे लोक ।
 गैह्कन की नि खरड़-ग्यानी—
 खुल्ले गाशे चतर-चनारें,
 लिच्च-कड़ीची गल्ला-करथा—
 देन लगी पे भच्चे लोक । □

० प्रां ते डाकखाना गुड़ा सलाथियां, जम्मू

दुआरसाखें पर उक्करे दे बोल



साढ़ी ग'ली चा लंघने आले, ओ राहू-गीर !
 भित्तें गी र्होरी ऐहू में नि, सुत्ते बक्षालेआं ।
 नेकी दा जे संदेशड़ा, आंदा, तां लंधी आ,
 जेकर बदी, तां थाहूर फी कोई होर तालेआं ॥

- ० मूल : रसूल हमजातोव (बागिस्तानी कवि)
- ० डोगरी अनुवाद : शिवराम 'दीप'

डोगरा

□ गोपाल शर्मा फिरोजपुरी

इक डोगरा छैल - छबीला,
जिसी मिलने गो चित करा दा ।

रूप नुहाड़ा डु'ली-डु'ली पौदा,
हर कोई ओदा पानी भरा दा ।

छन्दे करदे रोज सतारे,
पूर्णभाशी दा चन्द डरा दा ।

तेज उदा इयां डलकां मारै,
पूर्वा अ'ल्ला सूर्ज चढ़ा दा ।

फसल-बाड़ी बी राखी करदा,
मोठ-वाजरा जित्यें रढ़ा दा ।

राह्, जंदे बी नब्ज पछानै,
उड़दे पक्खरु ओ फड़ा दा ।

खत लिखी उसी डाका पाया,
लगै मेरा सनेहा पढ़ा दा ।

इक गुआंढी जली-जली मरिया,
ढिड़्ढ पीड़ ते मता कढ़ा दा ।

अमन - शान्ति भुलांदा नेई,
बिच मदाने खूब लड़ा दा ।

इक डोगरा छैल - छबीला,
जिसी मिलने गो चित करा दा । □

० प्रां ते डाकखाना फिरोजपुर कलां
तसील पठानकोट—145023 (पंजाब)

गीत

□ हेमराज खजूरिया

तेरी चाल दिक्खी गोरी, मन कियां टालना,
हिरखें दा दिया दस्त, कियां असें बालना ।

तेरे नैन दिक्खी गोरी, नशा छाई जन्दा ऐ,
बालें दा शंगार दिक्खी, डु'ल्ली-डु'ल्ली पौंदा ऐ,

ए मन दस्त गोरी, कियां असें जालना,
हिरखें दा दिया दस्त, कियां असें बालना ॥

तेरी याद गोरी मिगी, नाग बनी डंगदी,
ठंडी-ठंडी हवा मिगी मोहू ने मारी लंघदी ।

ए दुक्खें दा पखेरू दस्त, कियां असें पालना,
हिरखें दा दिया दस्त, कियां असें बालना ॥

ए हुसन जुआनी गोरी, बल्लें-बल्लें ठलें दी,
ए उमरी दी जोत गोरी, दिन-दिन सड़ें दी ।

ए दुक्खें दा ए नाग दस्तो, केहूड़ी नुकरा बहालना,
हिरखें दा दिया दस्त, कियां असें बालना ॥

जिबड़ी दे ँडे बिच, रेहियां मजबूरियां,
कोल-कोल रौहू दे बी, रेहियां सदा बूरियां ।

दुक्खें बिच सुख दस्त, कियां असें तालना,
हिरखें दा दिया दस्त, कियां असें बालना ॥ □

० गुढ़ा सलाथियां तसील सांबा

Regd. No. 28872/76

दमासक **शीराजा** डोगरी

व'रा : 27

अंक : 5 ॐ

कुल अंक संख्या 112



SHEERAZA DOGRI

Published by the Secretary on behalf of J & K Academy of Art,
Culture & Languages, JAMMU
Printed at Rohini Printers, Kot Kishan Chand, JALANDHAR (Pb.)